





~~6-13 Oct 1914~~ [1. 30]

4. - 6. F. 15.







ELOGIA VERIS CLA.  
RORVM VIRORVM IMAGINIBVS  
APPOSITA.

QVÆ IN MVSEO IOVIANO  
COMI SPECTANTVR.



ADDITIONE IN CALCE OPERIS  
ADRIANI PONT. VITA. .



*Ne turbata volent rapidis oracula ventis*



*Nunc folio uates commodiore sonant.*



Cum Privilegio summi Pontificis, Caroli V. Imperat. Regis Franciæ.  
Illustrissimi Senatus Veneti, nec non Excellentissimorum  
Florentiæ, & Mantuæ Ducum.

*210. 2. 10*

69

LOGIA VERIS CLM.  
NORMA VERORUM MAGISTRARUM  
APPOSITA.

QUE IN MUNDO LOVIANO  
COM. SPECTANTUR.

ADDITIONE IN CLASSE OPERIS  
ADDITIONE IN CLASSE OPERIS

1743



Quod in MUNDO LOVIANO  
COM. SPECTANTUR.

PAVLVS PAPA III.

Motu proprio &c. Cum sicut dilectus filius noster Michael Tramezinus bibliopola Venetus nobis nuper exponi fecerit ad communem omnium studiosorum utilitatem sua propria impensa diuersa opera Latina, & Italica ipsa Italica tam ex Latino, & Hispano ac Gallico idiomate translata, quam Italice facere minimeq; translata; hactenus non impressa, imprimi facere intendat; dubiteq; ne huiusmodi opera postmodum ab aliis sine eius licentia imprimantur, quod in maximum suum præiudicium tenderet, nos propterea eius indemnitati consulere volentes; motu simili, & certa scientia eidem Michaeli, ne prædicta opera hactenus non impressa, & per ipsum imprimenda, per decem annos post eorundem operum uel cuiuslibet ipsorum impressionem a quocunque sine ipsius licentia imprimi aut uendi, seu uenaliateneri possint, concedimus & indulgemus; inbibentes omnibus, & singulis Christi fidelibus, tam in Italia, quam extra Italiam existentibus, præsertim bibliopolis, & librorum impressoribus, sub excommunicationis late sententiæ; in terris uero S. R. E. mediate uel immediate subiectis etiam ducentorum ducatorum auri camere Apostolicæ applicandorum, & insuper amissionis librorum penatotes ipso facto, & absque alia declaratione incurrenda, quoties contrauentum fuerit ne intra decennium ab impressione dictorum operum, uel cuiuslibet ipsorum, respectiue computandum, dicta opera tam Latina, quam Italica hactenus non impressa, & per ipsum Michaeli imprimenda sine eiusdem Michaelis expressa licentia dicto decennio durante imprimere, uendere seu uenalia habere uel proponere audeant; mandantes uniuersis uenerabilibus fratribus nostris archiepiscopis, episcopis, eorumq; uicariis in spiritualibus generalibus, & in statu temporali. S. R. E. etiam legatis, & uicelegatis sedis Apostolicæ, ac ipsius status gubernatoribus, ut quoties pro ipsius Michaelis parte fuerint requisiti, uel eorum aliquis fuerit requisitus, eidem Michaeli efficacis defensionis præsidio assistentes præmissa ad omnem dicti Michaelis requisitionem, contra inobedientes, & rebelles per censuras ecclesiasticas etiam sæpius aggravando, & per alia iuris remedia auctoritate Apostolica exequantur: innocato etiam ad hoc, si opus fuerit, auxilio brachii secularis; non obstantibus constitutionibus, & ordinationibus Apostolicis, cæterisq; contrariis quibuscumque: et insuper quia difficile admodum esset præsentem motum proprium ad quolibet loca deferri, uolumus, & Apostolica auctoritate decernimus, ipsius transumptis uel exemplis, etiam in ipsis operibus impressis, plenam, & eandem prorsus fidem ubique tam in iudicio quam extra haberi, quæ præsentis originali haberetur. Et quod præsentis motus proprii sola signatura sufficiat, & ubique fidem faciat in iudicio, & extra; regula nostra in contrarium acta non obstante.

Placet A.

**FRANCOYS** Par la grace de dieu Roy  
de France Aux preuost de Paris Seneschal de Lyon ou leurs lieus  
tenans & autres noz iusticiers & officiers quil appartiendra. Salut  
& dilection. Scauoir faisons que nous inclinâs ala requeste quelam  
bassadeur de nostre saint pere le Pape residât aupres de nous, Nos  
us a faicte en faueur de nostre cher & bon amy mesire Paoul Io  
uio euesque de Nocere & desirans luy satisfaire & gratifier en cest  
endroit Pour ces causes & autres ace nous mouuans Auons inhi  
be & deffendu inhibons & deffendons a tous libraires & Impris  
meurs de cestuy nostre Royaulme quelz qui soient que iusques au  
temps & terme de dix ans prochainement uenans commençans au  
iour & dacte de celsdictes presentes Ilz nayent a Imprimer ou fai  
re imprimer les oeures composez par le dict euesque de Nocere  
intitulez les eloges la uie Dadrian Sexte & les histoires que Icel  
luy euesque a fait Imprimer par Michel Tramezin libraire &  
Imprimeur demourant a Venize & ce sur peine de confiscation de  
tous lesdicti liures & damande arbitraire Si uoullons & uous man  
dons & achun de uous si comme a luy appartiendra que noz susdi  
ctes inhibicions & defences uous faictes entretenir garder & obser  
uer crier & publier & si aucuns apres la publication dicelles se treu  
uens faisans le contraire procédez a lencontre deulx, par les pei  
nes susdictes & ainsi que de raison ; car tel est nostre plaisir & au  
dict ambassadeur lauons ainsi octroye & octroyons & dece faire  
uons auons & a ung chun de uous donne & donnons ylain pou  
voir puissance aucte commision & mandement special Mandons  
& commandons a tous noz iusticiers officiers & subgetz que a  
uous en ce faisant soitobey Donne a Ligny le xxi. iour d'Octo  
bre lan de grace milcinq cens quarante six & de nostre regne le tren  
tedeuxiesme.

Par le Roy.

De laubespinc.

M D XLVI. die XXVIII. Augusti in Rogatis.

Che per autorita di questo consiglio sia concesso al fidel nostro Michiel Tramezzino, che calcul' altro che lui, per anni dieci prossimi, senza sua permissione non possa stampar, ne far stampar in questa nostra citra, ne in alcun luoco del dominio nostro, ne altro: ue stampati in quelli uender li elogi del uescouo Gioiua clarorum uiuorum, sotto le pene, & li modi nella sua supplicatione contenti; essendo obligato di offeruar tutto quello, che per le lezze nostre è disposto in materia di stampe.

M. Ant. nouello  
Duc. Not.

**COSMVS MEDICES, II. FLORENTIE**  
dux: Vniuersis & singulis; ad quos presentes aduenerint, sal.  
&c. Exponi nobis fecit Michael Tramezzinus Venetus librorum impressor se nonnulla opera reuerendi Pauli Iouii episcopi Nucerini elogiorum, & uitae Hadriani Ponti. Maxi. necnon & historiarum impressurum: uereri tamen, ne aliorum librorum astutiis, & cupiditate alienum lucrum sibi aucupantium deduo imprimantur, & ab aliis impressa uendantur; ac proinde suppliciter petit interdictionem suam (quantum ad nostram ducalem ditionem attinet) de oportuno remedio prouideri. nos igitur, qui doctis atque eruditis uiris pro uirili nostra semper fauimus, & Paulum Iouium praedictum praecipua semper dilectione, ob raras & egregias uirtutes profecuti sumus, eius cum intuitum uero & precibus moti, omnibus omnino impressoribus, libraiis, uenditoribus, & ceteris nostrae ducalis ditionis hominibus districtius interdiciamus, ne quis eorum aliqua ex operibus praedictis absque Michaelis ipsius uoluntate proximo decennio imprimere, aut ab aliis impressauenum dare audeat. quicumque uero interdicto huic nostro contrafecerit, & impressorum, & uenui expositorum librorum amissione, & confisca-

tionem, necnon & quinquagenorum aureorum in singula uolumina  
nasci poena ipso facto mulctandum sciat; quæ Ducali fisco nostro,  
& ipsi Michaeli æqualiter applicabitur. in quorum quidem omnium  
fidem has nostras fieri, solitiq; nostri plumbei sigilli iussimus ap-  
pensionem muniri Dat. Florentiæ ex nostro ducali palatio die xxiii.  
Septembris M D X L V I.

Cof. Med. Florentiæ dux.

Io. Fr. Lottinus.

Lælius Taurellus.

Her. car. Marg. duchessa tut. del S. duca di Mantoua, &c.  
Facendo monsignor el uescouo Iouio stampare in Vinegia per  
Michel Tramezzino alcuni elogii, historie, & altri libri, & opre  
sue, in uirtu di queste nostre prohibimo, che niuno tanto suddito,  
quanto che no, possi per dieci anni continui prosfimi a uenire  
stamparne, o farne stampare, uenderne, o farne uendere cosi in que-  
sta citta, come in tutto el dominio Mantouano, saluo che esso Tra-  
mezzino, o suoi, che da lui ne haranno la licentia, sotto pena a chi  
contrafara, di perdere e' libri, & un scudo d'oro per ciascadun li-  
bro, & questo tante uolte, quante fara ritrouato contrauenire, di  
che la metà habbia da essere del fisco, & l'altra dell'inuettore.  
Dat. in Mantoua sotto la fede del maggior ducal sigillo lo primo  
di Decembre. M D X L V I.

Fran. Tosabetius cancell. ad man.  
dominorum ex rel.<sup>m</sup> mag. domini  
Sabini Calandra duc. secr.

Sabinus.

Errata in libro corrigantur, ut infra.

Pag. 7 iuris, raris

Pag. 9 principium, principum  
fuit, fuit  
descriptus, descriptos  
dicebat, decebat

Pag. 11 antiquitas, antiquitus

Pag. 12 odorans, adorans

Pag. 14 nomenq, nomen, q

literari, literarij

Pag. 16 domesticus, domi stipatus

Pag. 18 efficeret, efficerent

Pag. 19 ingenij, ingenijs

Pag. 20 matris, multis

Florentia, Florentina

gallo, galli

Pag. 28 condito, conditio

Pag. 29 ceterus, etberis

Pag. 31 consideretur, consuleretur

perfidia, perfidie

sui metu, suo metu

Pag. 33 ac ciuilis, hac ciuilis

Pag. 41 docenti, decenti

Pag. 42 delibacos, delibutus

Pag. 46 dignam, dignum

Iuuenis, Iuuenis

Pag. 48 Chirromantis, Chirromantes

Pag. 50 superinginta, superingima

Pag. 52 quo cum de, quo cum de  
eductus, eductus

Pag. 53 offendit penè, offendit ut penè.

Ægidius, Ægidij

Pag. 54 audienter, audientes

Pag. 55 quem intellecta, quam intellecta

Pag. 56 fugitiua, fugitua

Pag. 63 uirtute, uirtutis

Pag. 64 absolute, obsolete

Pag. 74 bonestissimo, bonestissimos

Pag. 81 more, mores

Pag. 82 ornatis, ornatis

Pag. 85 lactatis, lactatus

Pag. 87 Diacorum, Inachum

detractione, detractatione

Pag. 90 nota, noto

renocaret, renouaret

Pag. 92 tenuatur, renuatur

Pag. 94 alendum, alendum

Pag. 95 miscebatur, miscebatur

Pag. 97 Barbaros, Barbarus

HONORATI Fastidii.

*Næ debent IOV IO iuri elegantes,  
Bonis artibus omnibus polita,  
Næ debent IOV IO elegantiarum  
Parenti, artibus omnibus polita,  
Quantum uix animus capeſſat ullus:  
Nec uiui modo, qui uident, amantēq;  
Vrbani ſenis & ſalcem, & lepores:  
Sed quos lumine adempto auarus Orcus  
Quis ſcit, quo cohibet loco miſellos?  
Nam facit IOV IVS ſuis tabellis  
Excultis lepido ſuo labore  
Lethi funera non timere uiuos;  
Vitam uiuere mortuos perennem.*



PAVLI IOVII NOVOCOMENSIS  
EPISCOPI NVCKERINI  
IMAGINES  
CLARORVM VIRORVM,  
AD OCTAVIVM FARNESIVM  
VRBIS PRÆFECTVM.

ERILLVSTRI quidem exemplo, & uere  
more maiorum facis OCTAVI FARNESI  
P Princeps iuuentutis, qui socero CÆSARI sin-  
gularis diligentia, inuicta q̃ uirtutis Imperatori ar-  
matus comes uel in tanto castrorum fremitu, incen-  
ta dubii oçii momenta Musis impertis: hac enim imitatione perno-  
bili non modo. C. Cæsaris qui unus summi iudicii, summa q̃ uir-  
tutis fastigium tenuit; sed Antonii, Bruti, Catonis, Octauii me-  
moria recolitur. Quando hi, quod legimus, tui sanguinis uereq̃ Ro-  
mani Heroes, uel paludati & canente clasico nunquam literarum  
studia remisierint. Quo fit, ut hanc excelsi, generosi q̃ ingenii in-  
dolem, quam non adulanter admirari licet, tibi magnopere gratu-  
lemur: quum è Belgis iucundiore quadam epistola, qua non in cas-  
stris cum peracri gallo hoste collatis, sed in prapingui ocio per-  
scripta uideri possit, ultimam historiarum mearum partem efflagi-  
tes; repetasq̃ item uehementer tanquam promissam, & gerendo bel-  
lo gallico ualde opportunam Argentoni uiri grauisimam historiam,  
quam mihi nuper expetenti, Nicolaus Rentius uetus, ac humanis-  
simus amicus meus è Gallica lingua in Italicam, casta fide tradu-  
xit. Ante omnia uero, tanquam erudita iucunditatis munus desi-  
deres Clarorum uirorum imagines, qua in MVSEO nostro ad  
Larium spectantur, & eas quidem per Elogia, quod nisi longo, dis-  
ficiliq̃ labore paruis in tabellis assimilanter expingi nequeant, scili-  
cet ut tantorum ingeniorum dotes admirabili uarietate stylo descri-  
ptæ elegantioris oblectamenti nomine ad animi iudicium transmits-  
tantur, multo enim grauius, pulchriusq̃ uidetur ingentium ani-  
morum uirtutes propriis annotatas Elogiis ad admirationem intue-  
ri, quam ductas ex uero diligenter effigies, inani quanquam iucun-  
da oculis uoluptate spectauille. Verum & obiter quoq̃ requiris,  
A quod

quod nequaquam, saluo pudore, & integra fide præstari posse uide-  
tur, ut Musæum iucundè graphiceq; describam, postquam id tibi  
secus, ac maximè cupiebas, properante Cæsare, adire, spectareq;  
non licuit. Parebo itaq; lubenter honesta pctenti, sed egregia fide  
debitum professo, aliquid mihi benignè condonandum existimo, sci-  
licet ut per partes huius artis alieni graue onus commodissime dissol-  
uatur. Tu uerò singulari humanitate iuuenis faciliè hoc dederis iam  
planè seni agroq; pedibus, ac his præsertim intempestiuis caloribus  
circumuento, quos nobis longè maximos ab æstuoso Buxeto, dum  
Cæsar belli, quàm pacis auidior, ad Algidas Germaniæ Alpes pro-  
peraret, in multo & puluerulento itinere subeundos reliquistis. Mit-  
to igitur ante omnia libellum, dulci breuitate periucundum, quo  
Elogia tabulis pictis supposita continentur. E' singulis enim imagi-  
nibus, singula exemptiles tabellæ dependent in membrana, uitæ atq;  
operum summam præferentes. Argentonus autem, qui Veneto præ-  
lo excuditur, totius Italiæ ciuitate donatus, ad te, ac ideo libenter;  
quòd ad Belgas suos redit, post paucos dies perueniet. Quod uerò  
ad historias meas pertinet, eas nequaquam tutò, Tabellariis com-  
mitti posse putauerim, ne interceptæ quorundam animos offendant,  
nunquam enim uel acquisitissimus rerum gestarum scriptor, uictis pa-  
riter, atque uictoribus satisfecit, quo minus utrinq; gratiam suam  
extenuet, uel odium quærat, quòd cum faciliè sit factiosa, superbaq;  
iudicia subire, qui inter uiuos libero ore locutus, tanquam postea  
ris gratum facturus, non procul ab inuidia fortunæ ludos, perferri  
bit. Vale.

## MVSEI IOVIANI DESCRIPTIO.

**P**UBLICATIS, ac in MVSEO tanquam augus-  
sto uirtutis templo dedicatis Clarorum uirorum tabulis, il-  
læ ipsæ ueluti spirantes imagines, aquisimo iure depo-  
scunt, ut Musæum quoq; sua sacrata sedes, eodem conditoris stylo  
describatur; sed id uetat ingenuus pudor, qui tamen eruditus sub-  
rusticus uidetur; Quis enim uanitate ingenii non præclarè stultus  
& ineptus est, qui quum sua miretur, ea demum plurius æstimet, quàm  
aliena? At is herclè multò stolidior euaserit, qui seuerè, parçeq; nar-  
rando, consilii atq; operis sui dignitatem eleuet, ut modestiæ laudem  
ferat, ille porro insanus poterit uideri, qui dum sibi tenerius blan-  
diendum existimat, certos ueritatis fines, ambitiosis excessibus per-  
turbet.

turbet. Sed ego, si Musis hospitibus placet, aurex mediocritatis modum tenebo, ut has suburbanî, literatîq; ocii delicias ita exprimam, ut inuidiam eorum iudicio qui hæc uiderint, facile deuitem; indeq; mihi securior, ac uberior uoluptas obueniat. Quando & hæc omnia Donius Ethruscus Vates miscellaneo opere edito, ac ob id incolumi pudore meo disertissime decantauit. Neq; enim, quum nihil maius, & supra fortunam meam luculentius exprimi uelim, uel adulantibus, adeo uerècundè subirascor, ut dispudeat lata fronte confiteri id esse Musæum, quod elegantes, clariq; hospites sapius inuisunt, perpetuò ciues frequentant, ipseq; ante alios Alfonso Daualus utranq; Lauream meritis, & præclarus inchoati, absolutiq; operis adiutor, omnibus æstiuis secessibus anteponit. Villa est in conspectu urbis peninsule modo in subiectum circumfusi Larii pelagus exporrecta, nam ad septentrionem, quadrata fronte, directisq; lateribus in altum excurrit, arenoso, puroq; in littore, ob idq; maxime salubri, in ipsis Plinianæ Villæ uestigiis excitata. hoc enim præclaro, religiosæ uetustatis testimonio, plurimum augeatur ædificiî decus, ac plena gloriæ, ac admirationis authoritas paratur. Iuuit herclè, longo obrutam situ, & penitus iacentem in patria clarissimi ciuis memoriam, non ignobili studio, & digna pietate fuscitasse; manet adhuc stabili naturæ munere latissima loci facies, ac æterna præcellentis structuræ fundamenta extant, quanquam absolutis operibus, & tempus edax, & Larius ipse, uel subitis incrementis admirabilis, potiusquàm sæuus, dum perpetuò allidit, & fluctibus pulsatur, uehementer inuiderint. Visuntur in profundo uado, quum latus molli, & uireo æquore stratus, & liquidus conquiescit, quadrata marmora, ingentes columnarum trunci, deuorataq; pyramides, quibus antè portum lunatæ molis fauces ornabantur. Ab Oriente enim totius ædificiî obiectu, & producta in cubitum lapidea mole aduersus Aquilones, tranquillus portus efficitur; duplici quidem, & decenti podio coronatus. alterum è cauediî porta effusus, spectantesq; marmoreis sedilibus excipit, quum applicantes ab urbe, amicorum nauiculæ salutantur. alterum oblongam areæ marginem, quæ portui imminet, pectore tenuis exornat, in hoc siquidem lata area desinit, binis inclusa uiridariis, murisq; pinnatis, quæ hippodromi speciem præbet. Ad dextram medio lacu insula exurgit, firmissimo pariete circumseptâ, iucundaq; eminentibus pomiferis arboribus: hæc Austri flatus arcet, & portum, obducto latere protegit, à cõtinente dirimitur Euripo, quem Plinius uiridem & gemmeum,

nihil adulatione mentitus appellabat . hunc præalto ponte , ut nauis  
 gia , inclinatis malis pertucent , iungere cogitamus , si parta pace mi  
 seriarum finis ostendatur , ut , si lubet , uel inuito Neptuno , ad ins  
 titutam piscinam transire liceat . Ibi enim ab alto lasciuæ proeucti  
 pisces , ac in insulam per oblata , & cœcis anfractibus insidiosa foras  
 mina penetrantes , crepto reditu , tanquàm latis carceribus asseruan  
 tur , ut duris tempestatibus exclusa piscatio , nihil expectum dubiis  
 mensis eripiat . Ab ipso quoq; insulæ aduerso latere , illa immortalis  
 uirgo abdita intus , quæ Dorica uocatur Echo excitantibus , quum  
 keto clamore saluatur , celeri , liberaliq; obsequio semper respondet ,  
 nam duplicatas reddit uoces , ac hisdem accentibus recantat , & tum  
 quidem ex hoc inani , sed dulci ioco , blandissima capitur uoluptas ,  
 quum circumuehimur Cymbis , natantesq; pueros ad certamen ad  
 hortamur argenteolosq; nummos audaciter præmia urinantibus in  
 alto dispergimus . Altera porro ad occasum area , minor quidem ,  
 sed libertior cœli facie , & multa oculis occurrentium montium uas  
 ritate iucundior , quàm nominis uestri merito FARNESIAM  
 uocamus , matutinis opaca umbris , ita patescit , ut sub podio tutam  
 ab Euris stationem relinquat , sinuososq; Larij recessus , ac oppida  
 apricis promontoriis imposita , innumerabiles item uillas , & uel  
 feras commeanrium classes longissime prospectet . At hi à leua , des  
 traq; diuersi portus , quod opportunè , decenterq; euenit , toto ins  
 teriacentis Isthmi spacio coniunguntur . Sic ut non absurda Bimas  
 ris Corinthi similitudine , dum iocamur , hunc tanquàm ab Ægeo  
 Cenchream , illum ab Ionio Lecharum uocitemus , Nam quæ terre  
 stris aditus ad Villam patet , Isthmus binis ingentibus munitus por  
 tis , oblongo tractu totius ædificii frontem æquatè complet , & exor  
 nat , dignumq; prorsus primaria lanua , & perpecto atrio uestibul  
 um præbet . hinc alia , atq; alia ex opposito aperiuntur ualua , quæ  
 rectissimo transitu , & ualde grata intro spectantibus serie per cons  
 cameratas topiario opere Iulianas uites , ad hortos , & ad syluosos  
 montes ducunt ; ab his per fictiles tubulos salientis aquæ perenn  
 nem , & limpidissimum fontem duximus in Doricam porticum ,  
 magno quidem labore , & reluctantè sape Nympha , quod ea tan  
 quàm ex ore adibus egregiè syluestris , opaci & silentis oculi cupida ,  
 hæc tecta frequentia , occursumq; hominum , timidissime deuaret ,  
 nunc effecta blandior , sponte ascendit in statuam Dææ naturæ crea  
 ctam , & per papillas erumpit , ut in marmoreum labrum effundat  
 tur . Hoc uno pulcherrimo fonte mirè gaudet Musæum , inde enim

ad summum apicem florentis elegantiae peruenit, nam interiora con-  
 clauia porticus, diuitas, aestiua, hiberna; cubicula instaurasse mul-  
 to luculentius, eximiusq; picturis nobilius exornasse, quibus alius  
 opibus, ingenioq; ualidior facile potuit, nos autem loci genium se-  
 cuti, ardenti quidem studio, sed dubia spe absoluendi operis, ita  
 per partes adificauimus, ut saepe sera penitentia de fortunae libera-  
 litate desperasse uideamur. Sed qui uillas à beatoribus, & Regu-  
 lis, ac ideo supra ciuilibus fortunae censum, magnifice adificatas non  
 uiderunt, aut benigniore iudicio, non insultu operis elegantiam,  
 parum cruditis sumptibus anteponunt, facile mirantur primam por-  
 ticum ab hilari atrio statim occurrentem; quam à pictura argumen-  
 to Personatam uocamus, quod prisco more hiantes comadorum per-  
 sonas per intercolumnia uolitantibus suspensas strophis, dum oculos  
 moratur, & detinet, intrantibus ostendat, nam inaurata personae,  
 elegantioris uicem praecepta, Laconice breuitatis effundere ui-  
 dentur. hanc hyeme tepor eximius commendat, nam totam colle-  
 ctis radiis plurimus sol implet. quum ad meridiem pertendens aesti-  
 uam (quam Doricam diximus) adeo celeriter relinquat, ut prae-  
 dere simul, ac canare propter fontem, spumoso strepitu sonantem  
 opacissimo loco possis, Nisi te Apollo Vates, nouumq; sorores in-  
 illud spaciosum, perillustre; conclaue, à quo tota uilla Musarum no-  
 men accepit, blandientes alliciant. hoc enim pluribus undiq; fenestris,  
 ac Ianuis circumuectum solem, exortasq; eodem cursu peren-  
 nes auras, aut admittit, aut quum lubet, obductis ualuis exclu-  
 dit. In medio enim omnibus horis aequatè spirant auras, adeo mo-  
 derato, & salubri spiritu, ut solum in caelo ardere non sentias, ob-  
 idq; damnatos menses, tanquam uerna temperie mitigatos, non  
 dum uenisse, aut certe silenter effluxisse, quum nec aestus nec pla-  
 ne sitias, prorsus existimes. tota enim Villa ante meridiem, quum  
 ex alto sol urget, obortis Etesis blandissime uentilatur. In fronte  
 quoq; podium ab insigni proiectura clatris ferreis circumseptum in  
 subiectas undas prominet, quo nihil ad prospectum iucundius ex-  
 cogitari potest. Inde enim ad proiectam escam allectos pisces ha-  
 mata linea extrahere iuuat, & cum singulari uoluptate innumeras  
 natantium acies intueri, nam Larius ipse argenteo nitore transluci-  
 dus, dum colores & species piscium ad oculos transmittit, specta-  
 tibus aridet. Introitus autem Apollo Citharedus, & Musae suis  
 instructae organis, canantibus applaudunt. Inuitat exinde loci  
 mutatione gaudentes in proximum cubiculum suum Minerua ubi

Priscorum civium simulachra uisuntur utriusq; ante alios Plinii , antiquiorisq; Cæcili , & Rufi Caninii poetarum , Attilii item grammatici & Fabati , Neronis odio insignis ; Mineræ autem iuncta est bibliotheca , parua quidem , sed lectissimis repleta libris , à depicta imagine , Mercurio dicata . Ab hoc demum itur ad Sirenas ; id est cubiculum aliquantò retractius , tanquàm honestè tributum uoluptati ; ac inde ad armamentarium , quod iuxta atrium , iure ipso , Inuicti Cæsaris Caroli Augusta insignia tuentur . Caterum maximo conclauì adiuncta est nobilis illa cœnatio , tribus gratissimis meritis consecrata , quæ florido laqueari , minoribusq; septem Doricis columnis , & facitissimo picturæ genere mirabiliter adornatur , quàm peritus optices pictor peristylî fugientis recessus , ex obliquo deceptis oculis expresserit . hinc quoq; urbs ipsa penè tota conspicietur , & Larius peramoenis mœandris ad Germaniam reflexus , frequentiq; olea , & Lauro uirentia littora , uitiferi colles , & nemorosa , aut læta pascuis nascentium Alpium iuga , nec plaustris quidem ardua despectantur , quocunq; te uerteris noua atq; hilaris loci facies occurret , quæ oculos reficiat , nec unquam exfatiet . Sed tum opima , pleniorq; uoluptas ostenditur , quum ad piscantes , extremaq; trahentes retia nauiculis aduolamus , ac incertæ sortis iactum merari lubet , & capturæ piscium , intentis manibus , & oculis interesse percipimus . Quid dicam de superioribus ætæ naculis , in quibus de nomine uirtutis , ac honoris argumenta lepidissimis inscriptionibus ostenduntur : his hyeme nihil apricius , luminosius , atq; tepidius experiri , uidereq; contigit , quum toto fere ambitu per uarias fenestras uitreis specularibus admittant soles , & sine fece diem , & Larius ipse , ut pote qui nusquam gelscit , Maritimi littoris naturam æmulatus , mirum teporem præbet , duriciemq; hyemis suauiter frangit . Interior autem uilla , quod magnopere Musis expetitur , strepitu uacua , & alti plena silentii , nitidaq; munditiis ad seueriora studia , uel festiuis lusbis occupatum , comiter inuitant , nam ( ut diximus ) dirimente Istmo , tanquàm in aliam minorem domum , & equilia hippodromo coniuncta & penuarias cellas , & culinæ totiusq; familiæ tumultum penitus excludit , aureæ profecto quietis beata sedes , ac exoptatæ potiusquàm concessæ libertatis tranquillitas , & salubris portus , ita , ut hæc nobis Alexander frater tuus idem maximus Cardinalis , & gratissimus Mecœnas , in æstuosa Roma , publicis muneribus occupatus , inuidere possit .

ORDINES

Ordines

## ORDINES IMAGINVM.

IMAGINES ueros Clarorum uirorum uultus in tabulis pictis exprimentes, quas pertinaci multorum annorum studio sumptuosâq; ac ob id propè infana curiositate, toto ferè terrarum orbe perquisitas in Musæo dedicauius, quatuor omnino clasibus distinguuntur.

PRIMA eorum est qui fato functi; quum ingenii fecunditate floruerint, feliciū operum monumenta posteris reliquerunt. Horum Elogia, Primus hic Liber, Octauī Farnesī, nomini tuo dicatus continet, eo quidem ordine diligenter seruato, ut ad exactam temporis rationem, qui primo uita excesserit, subsequentes antecedant; Nulla enim alia ordinis nobilitas quæretur, nisi, quæ fatali uitæ exitu præscribetur, hac enim saluberrima lege totam litem, quæ de loco, dignitatēq; ambitiosè, & turbulenter excitari possit, pacatis omnibus sustulimus.

SECUNDA Classis horum erit qui hodie uiuunt; & publicatis ingenii dotibus, illustri fama, tanquā certissimo uigiliariū fructū perfruuntur, Sed horum Elogia, accuratior demum studio proferremus, quum mollioris oculi locus parato & cupienti benigna sæculi sorte concedetur. Religiosa enim grauioris censuræ trutina uiuentium laus expendenda uidetur, ne amicitia, quæ mihi cum literatis integerrima semper fuit, & hic ipse, quo semper latissimè uiximus perspicuæ uoluntatis candor recti iudicii elidat neruos, laudandiq; pariter, & notandi libertatem eripiat. Quis enim summæ felicitatis ingenia satis laudauerit, aut non insulsè notauerit, quum iam prouisa nominis aternitate, omnem inuidiam superarint & quod non dispudeat, ad elimandum æquisimus locus diligentiae reslinquatur. In his recitandis, ab ætatis honore series ducetur, quum iuniores æquisimo iure natu maioribus honestissimum locum concedant.

TERTIA porro classis præcellentium operum artifices excipiet, hac periucundo libello explicabitur, quum præter picturæ, ceslaturæq; decus, ex certis nobilium artificum monumentis demonstratum, facetissimorum etiam hominum, qui dictis, aut scriptis, excitato risu ægrotorum animorum curas alleuarint, memoria renouetur.

QUARTA erit Maximorum Pontificum, Regum, & Ducum, qui pace, & bello gloriam consecuti, præclara ingentium facinorum

norum exempla imitanda, aut uitanda posteris tradiderunt; harum  
imaginum populus stupenda uarietate mirabilis tum maxime incre-  
dibilem spectantibus afferebat uoluptatem, quum per Elogia sigilla-  
tim arguta breuitate describeretur.

## PRIMI LIBRI IMAGINES

### INCIPIUNT.



## ALBERTVS MAGNVS.

IT HOC tibi, quanquam breue; Elogiorum omnium merito luculentissimum ALBERTE SVEVE Artobrigensium sanctissime Antistes, postquam docendo scribendoq; Theologiz Philosophizq; totius locos omnes, miris celsissimi ingenii tui luminibus illustrasti, ut illud in literis nemini adhuc concessum, & quod uiuo rara felicitate contigit, MAGNI cognomen assequere. Vixisti quippe ceteris aliquanto beatus, hoc est alterum & octogesium annu scilicet, ut immortalitati tue iusta gloria plenus interesses, accumulatoq; fecundissimi ingenii merito clarioris tui tui munere, dignus censerere. Deserebat enim MAXIMI cognomen, Gymnasiorum omnium consensus, nisi publico uoto, Christiana uerecundia restitisses. Sed quid tibi maius Dii immortales dare potuerunt, quam ut diu in terris uiuus, & incolumis inuitate nec unquam, nisi post fata obuenientis glorie fructum perciperes.

FERDINANDI BALSAMII.

MAGNA parens, alitrixq; uirum Germania, alumni

Incedit merito laude superba sui,

Naturæ, ac rerum vires, causasq; latentes,

Hoc nemo nobis doctius explicuit.

Magnus ob egregias fecundi pectoris artes,

Dictus es, at Ioui nunc ope maior eris.

UNIVERSALIS.

NATURA, has uolas, Ratio hac tibi lilia passim

Ad cumulum spargunt, Theutone Magne tuum

Purpureis quarum tribulos cauellis ab hortis

Et pulchris uolis lilia mista seris.

Atq; abstruso pandis penetrali cause

Vere agitur Magni nomine dignus eras.

B SAN

# SANCTVS THOMAS: A

**DIVI THOMÆ AQVINATIS** hæc erat facies, quum in primis studiorum honoribus, decore iuuentutis hylaris uersa retur. Nondum enim, uti postea in flexu ætatis euenit, illa subtristis ac omni alia fere durior parcissimæ mente disciplina, iugesq; demum iucubationum uigiliæ, nobile, ac ideo tenerum corpus afflixerant. Hic enim planè adolescens, abdicata antiquæ stirpis præclara nobilitate, ad quam hodie Alfonso Dagualus inter Cæsaris Duces longè clarissimus, Maternum genus refert; & spreto demum omni patrimonio neq; familiæ dignitati, neq; ualitudini unquam pepercit. ut post adita diuini ingenii monumenta in cælum, undè uenerat, uitæ integer euolaret. idcirco defunctum in Volsis ad Amasenum amnem, quum supra naturæ potestatem, multa miracula operum ab eo adita renunciarentur, Ioannes Romanus Pontifex ex Senatusconsulto non dubitauit, quin eum solenni cærimonia inter diuôs referret. Obiit non planè senex, quum cum humanæ gloriæ, quæ ei ex studiis maxima obuenerat, facietas cepisset, scilicet ut alteram, quam absoluta pietate promerebat, cælum suspiciens certiorè uoto sequeretur.

## INCERTI NOMINIS

*Hic Thomæ cineres positi, cui fata dedere mortem  
Ingenium terris uiuere, cælo animam.*

## IOANNES SCOTVS

**NEMO EORVM QVI** non insano Christianæ pietatis amore flagrantēs, ultro sese cenobiis in feruitutem addixerint **IOANNE SCOTO** in grauisimis studiis, aut acrior, aut subtilior fuit, quum admirandis commentationum uoluminibus aditis, nouam de nomine suo sectam conderet, & in Aquinatis scripta non dissimulanter inueheretur. Natus est in ultima Britannia, ad Calydoniam Syluam, ut minus mirum sit, Anacharsis summa sapientiæ philosophum, apud uecordissimos Scythas crasso atq; ingeniis excolendis importuno cælo patriam habuisse. Verum hic proteruo, captiosoq; disserendi genere Christianis dogmatibus illuisse uidetur, quum pasim inducta quæstione dubitabundus, sacrarum

cratum rerum fidem, nequaquam tenui figmentorum caligine con-  
fudisset. Seuit enim ideo lites immortales, quando eius placita, uel  
grauiter ab aduersæ sectæ professoribus oppugnata ex aduerso ab  
eius discipulis acerrimè defendantur; Sed qui aliquot præclara eius  
ordinis ingenia, ad optimam frugem nata distorto scilicet ad uerita-  
tem itinere suspendisse, perdidisseq; uidetur, manifesti aut certè oes-  
culti alicuius criminis apoplexia correptus, pœnas persoluit, ita qui  
dem, ut nimis festinato funere pro mortuo tumulatus, quum res-  
deunte uita, sero morbi impetum natura discuteret, frustra ad pes-  
tendam opem miserabili mugitu ædito, pulsatoq; diu sepulchri la-  
pide, eliso tandem capite perierit, & de alio quoque Ioanne Scoto  
quod ex Gallicis Annalibus Crinitus recitat, uerum esse credides-  
rim, eum à coniuratis discipulis Diui Cassiani exemplo, graphiis  
confossum, inulta morte concidisse.

## IANIUITALIS.

*Quod nulli unquam hominum accidit, uiator,  
Hic Scotus iaceo semel sepultus  
Et bis mortuus, omnibus sôphistis  
Argutus magis atque captiosus.*

## DANTHES.

PRIMVS ITALORVM DANTHES Aldige-  
rius non instituto uetustatis ordine tantum; Sed præcellenti grauis  
ingenii fecunditate primum locum inter imagines meritis, optimo  
iure conspicietur, hunc Florentia, factiosa eoque sæculo ciuitas protulit,  
ab aliaq; mentis indole cognitum Octouirali supremæ potestatis  
Magistratu insignem fecit; ut mox fatali conuersa turbine, & sum-  
mum ciuem, & Ethruse lingue conditorem, tanquam sæua, & in-  
grata patria proscriberet. Sed exilium, uel toto Ethruriæ principa-  
tu ei maius, & gloriosius fuit, quum illam sub amara cogitatione  
excitatam occulti, diuiniq; ingenii uim exacuerit, & inflammarit.  
Enata si quidem est in exilio comœdia triplex Platonice cruditionis  
lumine perillustis, ut abdicata patria totius Italiæ ciuitate donare-  
tur. Plenus ideo gloria perenni, quum eam quæ piis mortalibus  
expetitur, cœlestis auræ felicitatem tanto ore, tantoq; spiritu decan-

tatam contemplaretur, Nulla adhuc oborta canitie Rauennæ morbo interiit, adeo mentis compos, ut sex uersus sepulchro incidentos componeret; Nec Rauennates in apparatu funcri publico totius Italia ciui defuerunt, quum enim sepulchrum è marmore condidissent, non obscurè exprobrata Etruscis acerbitate, nouam sibi claritatem, gloriosa pietate uendicarunt.

### IPSIVS DANTHIS.

*IVRA Monarchæ, superos, Phlegethonta, Lacusq;*

*Lustrando cecini, uoluerunt fata quousque*

*Sed quia pars cecit melioribus hospita castris,*

*Ætoremq; suum petiit felicior astris,*

*Hic claudor Danthes patris extorris ab oris,*

*Quem genuit parui Florentia mater amoris.*

SED Tumulum uetustate collabentem, Bernardus Bembus, Petri Bembi Cardinalis Pater, in ea urbe Prætor opere calato, & concamerato additoq; hoc epigrammate luculenter exornauit.

*Exigua Tumuli Danthes hic sorte iacebas*

*Squalenti nulli cogmite penè situ.*

*At nunc marmoreo submixus conderis arcu,*

*Omnibus & cultu splendidiore nites.*

*Nimirum Bembus Musis, incensus ethruscis*

*Hoc tibi, quem imprimis hæc coluere, dedit.*

### FRANCISCVS PETRARCA.

FRANCISCVS PETRARCA eodem ciue Magistroq; suo Danthe, Etruscæ linguæ facultatem constitutam plane, & certis adornatam numeris flagranter excepit, tanta ingenii solertia, duriora molliendo, & singulari suauitate, uariis modis flexendo numeros, ut enatam dudum, & uixdum flores ostendentem eloquentiam, ingenti cultura, ad absolutæ maturitatis fructum, summumq; ideo exactæ elegantie fastigium perduxerit, eamq; laudem sit consecutus, ut in eo poësis genere, amatorioq; præsertim castitate, candore, dulcedine nobilium poëtarum, & primus, & ultimus sanis à scribendo deterritis existimetur. Sed tanti uiri iudicium illudens fortuna grauius fefellit, quum hæc æternæ felicitatis spiritum habitura, tanquam temporaria despiceret, ut ex latina Africa,

ca, unde ei in capitolio insignis laurea præmium fuit; certiozem, & nobiliorem gloriam adsequeretur. Sed debeamus plurimum, in genuo sudore semper æstuanti, dum literas à multo ævo misere sepultas è Gothicis sepulchris excitaret, modo eum tanquam Italica lingua conditorè, & Principem, ab incomparabili Diuini ingenii uirtute ueneremur. Concessit naturæ planè senex ad Arquatum Patauini agri uicū ubi Tumulus carmine ab se cõposito nobilis conspicitur.

*Frigida Francisci lapis hic tegit ossa Petrarchæ  
Suscipe Virgo parens animam, sate uirgine parce,  
Fessique iam terris cœli requiescat in arce,*

### BOCCACIVS.

BOCCACIVS, eodem felici sæculo quo renata litera latina existimantur, Certaldo oppido editus, alteram in patria lingua pedestris eloquentiæ partem, primus inchoauit, & absoluit. Neglexerat eam Danthes in altitudinem Heroicæ Comediæ diuino furore carminum abreptus. Petrarcha uerò latina oratione delectatus, tanquam ignobilem reliquerat, ut discipulo qui amore ei frater fuit, quota sua pars, tanquam ex patrimonio nouæ laudis, legitimo nomine hæreditatis obueneret, Non desuere tamen qui censerent, nequæ Boccacium uersu, nequæ Petrarcham soluta oratione ualuisse tantorum ingeniorum sortes alternante fortuna, ideoq; ambos acri iudicio in id munus intendisse neruos, ad quod pronior, atq; liquidior styli uena perflueret. Sed non dispari fato, & hic ipse in studiis opinio ne deceptus est, quum præcipuo, ingentiq; labore, ut certum sibi decus pararet, penè frustra desudarit, obsolescunt enim & ægre qui dem uitæ spiritum retinent Libri de Genealogia Deorum, Varietateq; fortunæ, & de fontibus accurate potius quam feliciter elaborati quando iam illæ decem dierum fabulæ Milesiarum imitatione in gratiam oblectandi ocii, admirabili iucunditate composita in omnium nationum linguas adoptentur, & sine ulla suspitione interitus applaudente populo cunctorum operum gratia antecedant. Excessit è uita sexagesimo secundo ætatis anno: Sepulchrū eius cū marmorea effigie insculptis his carminibus in tēplo maximo Certaldi cõspicitur.

*Hæc sub mole iacent cineres, ac ossa Ioannis  
Mens sedet ante Deum, meritis ornata laborum,  
Mortalis uitæ genitor Boccacius illi,  
Patria Certaldum, studium fuit alma potestas.*

## MYRTEI.

*Si quæram cineres tuos Bocaci ,  
 Hic iacent , si animam , petiuit astra :  
 Si qua gloria sit tuis libellis  
 Maior , non ego , Lydius'ue linguae  
 Cultor patriæ , & æmulus latine :  
 Sed iudex erit , aut iocis Cupido ,  
 Aut gaudens facili Venus loquela :  
 Aut , quem dicere malo , totus orbis ,  
 Cui uiuunt Veneres , cupidinesq̃ :  
 Quibus cultior est tuus Libellus  
 Elegantior omnibus Libellis .*

## BARTHOLVS.

**BARTHOLVS** Sentini in Vmbria natus magno acumi  
 ne perspicacis ingenii Ius ciuile professus , in omnibus Italiae gym-  
 nasiis exactæ doctrinæ documenta reliquit. cum aduersus studios-  
 rum labores indomitum extitisse ferunt , consueuisseq̃ uti in pertec-  
 nui mensa , certis cibi , potusq̃ mensuris ad tuendam ualitudinem.  
 Ut quum sæpè memoria laberetur , obliuionis incommoda , assidua  
 commentatione refarciret , Ob id uoluptates omnes adeo seuerè re-  
 iccerat , ut ne horula quidem extra naturæ necessitatem studiis sub-  
 traheretur : Sed eandem quoq̃ seueritatem supra æquum in torquen-  
 dis , necandisq̃ noxiis exercuisse uisus est ; quin rerum capitalium  
 iudiciis præflet , adeo , ut reum furti , nec rite confessum , & inson-  
 tem , præcipiti sententia , supplicio affecerit . Ex ea acerbitate , quum  
 inuidiam populari uoce conflata subisset , conspectum hominum  
 pudore uitabundus in arcanum iuris ocium cuoluendis Libris se ab-  
 didit . e qua demum studiorum intentione audacter egressus , æqua-  
 les suos , doctrinæ firmitate , & mira iudicii constantia superauit .  
 Donatus est , uirtutis causa a Carolo Quarto Imperatore , gentili-  
 tiis Bohemiæ Regum insignibus , quibus purpurei Leonis forma  
 aurato in campo , cum bicipiti cauda salientis exprimitur . Perusæ  
 autem supremam in gymnasio claritatem consecutus fortunas suas  
 collocauit ; duxitq̃ uxorem ; sed irrita spe masculæ prolis . Verum in  
 finitos propè discipulos , amore filius pares , præcellentis doctrinæ re-  
liquit

liquit hæredes. Defuit ei latinæ eloquentiæ facultas, ne summæ gloriæ fastigium teneret, & tamen est quod maxime miremur, illum in perpetuo docendi munere occupatum, tot, & tanta uolumina perscribere potuisse, quum quadragesimosextæ ætatis anno, fato creptus, iustum de inchoatis, summa felicitate, nec dum perfectis operibus desiderium posteris reliquerit. Sepultus est ad Aram Maximam in templo diui Francisci.

### MYRTEI.

*HIC* est Bartholus, ille, iuris ingens  
Lux, & commodus explicator, hæc est,  
Quem mors ante diem abstulit maligna,  
Hæc mors inuida, & æuo iniqua nostro,  
Quæ leges iterum iacere cogis.

### BALDVS.

BALDVS honesti Vhaldonum gente, Pctusia natus, Bartholum præceptorem subtilitate ingenij & uarietate doctrinæ superauit; Nam à Patre Medico celebri, prius quam ius ciuile attingeret Dialecticæ, atq; Philosophiæ præceptis, haud mediocriter imbutus fuerat. Præcoci enim ingenio, pene puer, non ad optimam modo frugem, sed rarissimo etiam naturæ dono, ad longam senectutem peruenit. Verum præalto ingenio multa conuoluenti, inuerten tique stabilis scientiæ constantia decrat; quoniam subtilissime disputando, atq; enarrando, non humani modo, sed diuini quoq; Iuris intelligentia summus; refrigerato demum iudicio, post altercationes à Bartholo doctrinæ robore uinceretur. Eum eximia laude florentem, Ioannes Galeatius Vicecomes, potentia, & gloria Maximis Regibus æquatus, quum Ticini gymnasium conderet, magnis præmiis euocauit. Ibi nunquam, senescente nōminis fama, nunquam in publico munere defessis uiribus ad septuagesimum sextum peruenit annum; Fatoq; functus est paulō antequam ille Princeps, externarum gentium uictor, properante fato moreretur. Ferunt Baldum Diui Francisci habitum, quum expiraret, induisse. Tumulus in eius Diui ade, cum hac rudī inscriptione conspicitur.

Conditur

*Conditur hic Baldus, Francisci regni filius, Doctorum Princeps, Perusina conditus arce.*

**LEONARDVS ARETINVS. IX.**

**PRIMVS** in Italia Leonardus Aretius natus graecarum literarum decus a multis saeculis Barbarorum immani tyrannide proculcatum erexit atq; restituit. Eius enim incomparabili beneficio morales Aristotelis Libros optima fide traductos legimus. Historia quoq; ab eo eleganter conscripta in manibus habentur. hac ingenii fecunditate florentem, Innocentius septimus quanquam plane inuenietur grauis simo muneri parem, epistolarum Magistrum fecit. Ita demum erudite atq; integre officio functus, ut succedentibus quatuor Pontificibus amplificada dignitate operam praestiterit. Senescenti opes creuerunt cum aliena liberalitate, tum sua tristi parsimonia cumulate, adeo, ut Arlotus mordaci sale perurbanus, in fabellis eius genus nium relicto corpore in fuga sitientem ridenter expresserit; mortuus, quod ei nullo pudori fuit, furti damnatus est, quod Gothicam historiam suppresso Procopii nomine publicasset, accusante Christophoro Persona, qui aliud exemplar nactus, & Gothicam, & Persicam simul atq; Vandalicam, Graeci auctoris titulum ingenue proficendo transtulerit. Nominis reuocatus in Ethuriam populi Florentini res gestas perscripsit, nec multo post senex diuitiis, & gloria plenus Florentiae uita functus est; dignus utiq; hoc sepulchri titulo ac marmoris ornamento, quod in aede sanctae crucis spectatur.

**CAROLI ARETINI.**

Postquam Leonardus e uita migravit  
Historia lugee, eloquentia muta est,  
Ferturq; Musas, tum graecas, tum  
Latinas, lachrymas tenere non potuisse.

**POGIUS.**

**POGIUS** e Terra noua Florentinae ditionis oppido in hac luce Romani caeli, optimis literis ingenium ita expoliuit, ut Pontificiis



tificiis scriuīs sub Eugenio & Nicolao praeferretur, æquatus scilicet honore summis uiris, qui in eo munere fidelis, eruditique ingenii operam praestitissent. In his fuit Leonardus, Maphæus Veggius, & Ioannes Aurispa. Erat consilio grauis, & quum luberet factitium sale perurbanus, ita ut mira, & saepe subita uarietate ad ciendum risum modo praetextatis uerbis uteretur, modo grauibus & malignis scommatibus alienæ famæ nomen perstringeret. Sed amarulento Libello in Vallam importunè inuectus, ab eodem pessimè audiendo cumulas maladicentiæ suæ panas luit, quum Val la suo felle turgidus, & Facium, & Panhorimitam, & Rauden sem probrosis uoluminibus ingulasset. Erat quoque Pogius adeo intemperans obiurgator, ut quum in theatro Pompei, loco, & die celebri, ubi bullatorum diplomatum censura habebatur, Georgio Trapezuntio malediceret, ab eo acriter duplici colapho caderetur. Transtulit demum ex græco Diodorum Siculum: sed nobiles alios quos Libellos de infelicitate Principum, Varietateque fortunæ, & de Auaritiæ pestē; Orationesque item plures composuit, tanta ingenii fecunditate, ut facetias etiam ad excitandum hylaritatem ægris animis expectandas conscriberet. Sed quod gratum, & utile posteris fiat Ciceronis libros de finibus, & de Legibus a se in germania, descriptus in Italiam primus attulit: ita ut & ei quoque Quintilianum in salsamentarii taberna repertum debere fateamur. Nouissime ex multa peregrinatione, Romanaque aula exactæ ætatis senex Florentiam reuersus, consummato oratore, ac optimo ciue dignam patriæ operam praestitit, conscripta latine historia populi Florentini, quæ a Iacobo demum filio in Etruscum sermonem uersa legitur hic iam defuncto patre, ex Pactiano scelere, strangulatus in pratorii fenestra, cum cæteris pendit.

## MYRTEI.

*Olim Pierides, olim Florentia mater*

*Viuentē risit Pogio.*

*Nunc tumulum hunc adit, & donum pro carmine flores*

*Fert, proque risu lachrymas,*

*Quæ nisi pro uera sat sint pietate, rogabit*

*Arnus ministret ut suas.*

C A M.

AMBROSIVS MONACHVS ex ordine Camaldu  
lenſium , qui ſupra Florentiam in opacis Apennini iugis dicatam  
cœnobio uitam ſeuere ducunt , Doctrinæ grauitate , ac ingenii præ  
ſtantia æquales ſuos antecellit . Græcè enim , atque Latine doctiſſi  
mus , complectente Coſmo , & mox Eugenio , & Nicolao admiran  
tibus , ſummum eius ordinis honorem , qui generalis præfecturæ  
hodie dicitur , ita adeptus eſt , ut eum conſtanti iudicio patres pur  
puræ deſtinarent Dionyſium enim Areopagitam de Cœleſti Hie  
rarchia , diuino ſpiritu proloquentem , ſingulari eloquentiæ purita  
te latinis expreſſerat , atque item Diogenem Laërtium ; Verum non  
eadem cura , limaꝝq; perpolitum . Sed & ſacris operibus , bibliothecæ  
cam , quæ ad Angelos ſpectatur , cumulatè referſit , quibus exiſti  
mari poteſt , nequaquàm ei uires & facultates , ſed animum omni  
no deſuiſſe , ut ad Romanæ facundiæ ſaltigium perueniret : abſtra  
ctus enim in altitudinem chriſtianæ contemplationis , uti pium , ſa  
cratumꝝq; Virum dicebat , totius uitæ ocium in diuinis literis con  
ſumpſit . Fuit hic uir ; quod raro euenit ; ſine oris triſtitia ſanctus ,  
ſemper utiq; ſuauis , atque ſerenus , ita procul à liuore , contentioſ  
neꝝq; , ut quum Vallæ Pogiũ reconciliare conaretur , eos neꝝq; pla  
ne literator , neꝝq; item chriſtianos uideri diceret , qui inducta ſi  
multate ſacroſanctum literarum decus probroſis Libellis importu  
nè deſcedarent . Exceſſit è uita planè ſenex , Tumulatusꝝq; eſt ad  
Angelos , ubi hoc carnem pius Vates affixit .

SPINELLI.

*Attica mella ſapis , redoles quoque necltar ubique  
Tu qui diuino numine , nomen habes :  
Quod miſi dulce canis referens myſteria diuum ,  
Dulcius hoc certè eſt necltare , & Ambroſia .*

MYRTEI.

*Viximus Ambroſia , ſed enim conceſſimus orco ,  
Nunc iterum calo redditur Ambroſia .*

## ANTONIUS PANHORMITA.

## ANTONIUS PANHORMITA SICVLVS

Bononia Equestri familia natus, qui à Pontano alumno elegantiarum pater appellatur, elatè genus suum ab ultimis Britannis, Becas dellaq; familia Bononiæ celebri repebat, præclaro genti insignium argumento, quod isdem militari in scuto, depictis alatis uiperis uteretur. Sed maiorem profectò sibi, ex laude optimorum studiorum nobilitatem comparasse uideri potest. Moribus enim ac literis præstantibus exornatus, quum Philippo Mediolanensium Principi, fertilis ingenii industriam obtulisset, tanta liberalitate susceptus est, ut Principem, noscendæ historiæ cupidum familiariter doceret, & publicè octingentis annuis auris elegantiores literas profiteretur. Hic est ille Philippus, qui summum clementiæ fructum generosis exoptatum Regibus gloriosissime decerpit, quum Alphonsum Regem nauali prælio captum, non emisit modo, sed auctum copiis, ac opibus in Regnum restituit. Verum, eo grauissimis bellis occupato, Panhormita Alfonso adhesit, secretioris scrinii Magister, & studiorum, expeditionumq; omnium, terra, mariq; perpetuus comes. Scripsit Epistolas candidiore stylo, sed maxime iucundo, uictoris Regis triumphum, & de factis, dictisq; optimi eius Regis aureum Libellum, quem Pius Pontifex, exemplis paribus intertextis, nobiliorem reddidisse uidetur. Sed cum Valla demum ad exercendum maledicentiæ dentem naturæ acerbitate paratissimo similitatem concepit, eo quidem euentu, ut mutuis ueluti confixi telis, fœde ad modum inimicis risum excitarent. Senex Vxorem duxit Arcellam sibi magnoperè dilectam, Liberosq; suscepit, quorum honesta soboles Neapoli uisitur. Postremo ager uitæq; diffidens, in supremo morbo, hoc carmen composuit, quod Tumulo inscriberetur.

## I P S I V S.

*Querite Pierides alium qui ploret amores,  
Querite qui Regum fortia facta canat.  
Me pater ille ingens hominum sator, atque redemptor  
Euocat, & sedes donat adire pias.*

## ELISII CALENTII.

*Qui molles Elegos, & Regum gesta canebat  
Sacra Panhormitæ contegit ossa Lapis*

## INI VITALIS

*Has tibi dat uiolas, immortalesq; Amarantbos  
Ingeniorum altrix, & Martis alumna Panhormos.  
Non quia torpenti Musas excire ueterno,  
Aut Regum immensas potuisti assumere curas.  
Verum quod Crassos inter, ditesq; Lucullos,  
Integer Antoni uoluisti uiuere Codrus.*

## LAVRENTIVS VALLA.

LAVRENTIVS VALLA Romanus à Gothicis temporibus usq; ad Patrum nostrorum memoriam præalto sepultos somno, ciues suos ad nobilium literarum studium excitauit. Indignatus enim tamdiu corrumpi sæculum leguleorum, & sophistarum immani conspiratione, optimasq; artes inculta sermonis barbarie deædari, elegantiarum Libros edidit, traditis Romanæ elocutionis præceptis, ex accurata ueterum scriptorum obseruatione, quibus iuuentus æmulandi studio ad detergendas corruptarum literarum sordes accenderetur; eam quoq; illustrati patrii sermonis laudem græcæ literæ cumularunt, quum Thucidides, & Herodotus Historiæ parentes ipsius liberali labore e Græcia in latium transferint. Fuit Valla ingenio maxime libero, ob idq; mordaci, contentiosoq; ut potè qui aliena satyrico dente facile perstringeret, & lites in literis, quasi id opus esset, aduersus ignorantes acerrimas sereret. Extant enim inuectiuarum, & recriminationum aliquot Libri eruditè falsq; perscripti, quibus dum læsi nominis famam tueretur, Facium Lygurem, Panhormitam, Pogium, & Raudensem iugulasse uideri potest. Flagellatis quoq; Regionum ludj Magistris, uti multabile redundans, quod nihil in aula Pontificis sibi placeret, Neapolim ad Alphonsum Regem se contulit, apud quem de Auitis bellis in Hispania, atq; Sicilia gestis historia perscripta est. Sed eo styli caractere, ut eius minime uideri possit, qui cæteris elegantiarum præcepta

præcepta tradiderit . Edidit etiam opus de falsa donatione Constantini , pio , & sacerdotis nomen professio criminofum , atq; nefariū , ut Pontificii Imperii authoritatem græcorum scriptorum adstipulatione confirmatam conuellere niteretur . Sed mox eadem inconstantia Regem deseruit , uel improbante Philolpho , ut nec planè senex in patria moreretur . Sepulchrum calato ex marmore cum effigie , ac Elogio , Catharina mater pietissimo Filio posuit , quod in Laterano ( eius enim templi flamen erat ) introeuntibus ad dexteram spectatur . Obiit anno Christianæ salutis . M. CCCC. LVII. Calendis Augusti.

## FRANCHINI COSENTINI.

*LAVRENS* *W*alla iacet Romanæ gloria lingue ;  
*P*rimus enim docuit qua decet arte loqui .

## FLAVIUS BLONDVS.

EX FORO LIVII. Viæ Æmiliæ nota urbe FLAVIUS BLONDVS prodiit , rudi adhuc ueteris elegantix sæculo . Is magnò ausu , singulariq; industria , nec infelici euentu , multorum annorum intermorientes res gestas è tenebris excitare orsus Decadas conscripsit , quibus ab inclinante Romano Imperio , funesta tempora , ac ideo ueritatis lumine orbata , in lucem proferuntur . De uetustate quoq; collapsæ urbis , ac eius demum resurgentis dignitate erudito , operosoq; uolumine publicato , quantam nec ambitio sè quasitam exoptarit , in literis auctoritatem adeptus est . Undè ei honestæ opes fauore Pontificum accessere . Liberis operam dare , quàm sacris initiari maluit , Suscepitq; Gasparem filium , quem uxor Margania Romani sanguinis nobilitasse uisa est . Sed posterius , quam adauctis fortunis , conditori familiæ minime responderunt . Fato functus est septuagenarius , Tumultusq; in Capitolio , extrâ limen templi Deiparæ Virginis ( id enim Iouis tonantis olim fuisse putamus ) quod non secus ac antiquitas , authore Tacito , centum gradibus adeatur .

*ERVIS* è tenebris Romam dum, Blonde, sepulcam,  
*Es* nouus ingenio Romulus, atque Remus:  
*Illi Urbem* struxere rudem, celeberrima surgit  
*Hæc eadem* studiis ingeniose tuis:  
*Barbarus* illam hostis ruituram euerit, at isti  
*Nulla* unquam poterunt tempora obesse tua.  
*Iure triumphalis* tibi facta est Roma sepulchrum,  
*Illi* ut tu uiuas, uiuat ut illa tibi.

PETRVS CANDIDVS DECEMBER.

CANDIDVS DECEMBER è Viglebano urbe, quæ est inter Padum, & Ticinum, Laurentii Vallæ testimonio exactissimæ censuræ grammaticus, Mediolani Græcè, Latineq; doctus, præstanti eruditionis, ac eloquentiæ fama. Eius extat Appianus Alexandrinus è græco in latinum uersus, id expetente Alphonsio Rege, qui studiosissimum quemq; eius ætatis, ut ad locupletandam latinam linguam, occultos Græciæ thesauros proferrent, liberaliter inuitarat. Sed manci, passimq; corrupti exemplaris græci uicio, uel laboriosus interpres in eo opere se se candidum præstare non potuit, quum alia multo felicius perscripserit. In uita enim Philippi Vicecomitis, quæ circumfertur, Suetonium lepide admodum æmulatus, ita quod proposuerat expresit, ut aliquantò inuerecundius, quam scriptorem odio uacuum deceret, stylum exercuisse iudicetur, quum uicia hominis occulta, nec ulli magis, quam ipsius pudori nocentia, ob idq; uelanda prorsus, cupide nimis, malignèq; detexerit, in eo præsertim Principe, in quo singularis illa, diuinæq; simillima clementiæ laus, cum probro multorum Regum gloriose refulsit, Fato functus est octogenarius senex Mediolani, non mediocris Fortunæ à Francisco Sfortia decenter honestè meruit; marmoreum sepulchrum cum effigie è suggestu iuuentutem docentis, quod in uestibulo Ambrosianæ Basilicæ ad leuam introeuntibus occurrit, Hoc rudi carmine inscripto, quod respondente Rhythmo, non minus Ineptè, quam ridiculè clauditur.

SCANDERE Sydereas uirtus si nouit ad oras,  
 CANDIDVS Astra tenet in templo numen odorans:  
 Pontifici Summo, Regi, Papuloq; Duciq;  
 Hic Ligurum secreta dedit laudatus ubique:  
 Miles eloquio clarus, grauiq; camænis  
 Instruclus, Latium studiis ornauit amænis.  
 Mundanis fessus curis, & in Aethere pulchro  
 Elatus gelido, Linquit sua membra sepulchro.

## DONATVS ACCIAIOLVS.

DONATVS ACCIAIOLVS Antiquæ stirpis Florentinus, quum exortis florentibus ingeniis de doctrinæ laude certaretur. In utraq; lingua generosè admodum sese exercuit, ut ex Moralibus Aristotelis luculenter apparet, quibus erudita, & pereleganti commentatione magnum lumen attulisse iudicatur, explosis scilicet sophistarum interpretum ineptiis, quum Eustratii Græci placita secutus, certiore utiq; uestigio niteretur. Vertit etiam in Latinum è Plutarcho Clarorum Heroum aliquot uitas longè omnium elegantissimè. Verum aliquantò nobilior euasit, quum Carolum cognomento Magnum, tanquàm alterum Florentiæ patriæ conditorem latino libro celebrasset. Sed Vir consilio grauis, ac ob id obeundis Reipublicæ muneribus occupatus, neq; satis ocii ad studia literarum furari, neq; ætatem, quod tenuissima ualetudine ute retur, longissimè proferre potuit. Fato enim functus est Mediolani, quum Legatus, in Galliam ulteriorem iter haberet; ut inde, implorata ope, ciuitatem Pontificiis armis uexatam, periculo liberaret, Nihil enim remisso odio, Xystus, post uindicatum Pactianæ coniurationis facinus, Laurentium Medicem, ex ea iniuria firmiore dominatu positum, uehementissimè persequebatur. Donati ossa, ad uetustum gentis Sepulchrum Florentiam relata id Carthusiano in templo, hoc Epigrammate inscripto legentibus indicatur.

Donatus nomen, patria est Florentia, gens mi  
 Acciaiola domus, Clarus eram eloquio,  
 Francorum ad Regem, patriæ dum orator abirem,  
 In Ducis Anguigeri mœnibus occubui,

Sic

21  
*Sic uitam impendi patriæ, quæ me inde relatum  
Inter maiorum nunc cineres sepelit.*

PHILELPHVS.

TOLENTINATES in publica Decurionum domo  
FRANCISCI PHILELPHI Cuius effigiem, cum eque-  
stris ordinis baltheo, laureatam, peregrinis hosijs ostendunt,  
adseruantq; etiam Regij, diplomatis membranam ad collatæ digni-  
tatis argumentum. Is græcarum literarum amore flagranter incen-  
sus, ut de Caballino fonte potaret, Parnasum montem petiuit, in  
Athenarumq; ruinis immortalium philosophorum uestigia pedibus  
calcauit. Porro inde Byzantium profectus Emanuelis Chryso-  
stæ filiam, uxorem duxit, quæ græcæ elocutionis magistra, quoti-  
diano usu Atticorum accentuum, inepto, sed docili coniugis ori-  
dulcedinem instillaret. Reuersum inde, & græcæ pariter, ac latinæ  
passim orantem Italiæ Principes admiranter exceperunt. Suscepto  
enim legationis munere, Paleologi Imperatoris Constantinopolis-  
tani, Turcarum infesta arma agrè sustinentis preces afferens opem  
implorabat. Fauere ei ante alios Eugenius Pontifex, Rex Alphon-  
sus, & qui singularem iustitiæ, & bellicæ uirtutis coronam eo sæcu-  
lo promeruit, Franciscus Sfortia, ab eo Heroico poemate celebra-  
tus. Ingenio enim in studiis astuante, uario, ambitioso, quum ne-  
minem sibi exæquari literaria laude pateretur; Plura quàm quisquā  
alius in omni dicendi genere uolumina publicauit, profutendoq;  
singulis in urbibus cruditi iuuentutis academias excitauit, nullam  
spem nobilioris gloriæ Latinis æmulis de Romana facundia, nullā  
lam deniq; de græca, uel ipsis græcis relicturus, nisi tantus eloquen-  
tiæ fluuius; uti nullis moderati iudicii ripis castigatus, nimis latè  
exundans, & mutato sæpè alueo, turbulentus & incertus, dum se  
se diducit, & abscedit in paludes, perspicui, pro fluentis dignitatem  
amississet. Inter græca opera latinitate donata, Xenophontis Pa-  
dia Cyri, & ex Plutarcho aliquot heroum uitæ, & demum Hipsi-  
pocrates, non ita probantur à græcis, quàm à Latinis perleguntur.  
Vixit ad exactam ætatem nonagenario proximus, periitq; Bono-  
niæ adeo dissipatis rei domesticæ copiis, ut ad efferendum funus,  
& cubiculi & coquinæ instrumenta uenierint. Et Marius filius egre-  
giè doctus, paternæ potius uirtutis, quàm multæ substantiæ hæ-



res relinqueretur. Sed in familia eruditæ uictoriae trophæum per-  
mansit, nobili exceptum risu, quum Timothæo graculo, de ui syl-  
labæ contendenti, uictoq; barbam, ex pactione inexorabili sui  
perbia derasisset, uti lepide Myrteus his carminibus expressit.

### MYRTEI.

**NU NOQ ID** Sat tui non fuit Philophe

Linguae gloria nobilis laqueus;

Nigrescas quoque peruagatus urbes

Dignus coniuge, nuptiisq; graecis

Ferres Timothei nouum triumphum?

Cui, dum una super ille dictione

Tecum pignore certat, atque Barbam M.

Abrahi sibi ferre pollicetur.

Victus; aut positam pecuniam abs te

Victor auferat. Abnegasti eadem

Barbam posse pecunia obtinere

Victor; atque nouacula expedire

Barbam illius habere maluisti

Iam nunc non Itale Philophe, sed sis

Græca gloria nobilis Palestræ,

### NICOLAUS PEROTTVS.

**SENTINVM** Vmbriae oppidum, cui hodie Saxoferra-  
to nomen est, Bartholo Iuriconsulto nobile, secundum a **NICO-**  
**LAO PEROTTO** Claritatem accepit. Huic, quum deessent  
opes, corporis Vires muniçi pæli frugalitate, atq; duricia constitu-  
to, perpetuis lucubrationum uigiliis minime defuerunt. Iuuenis in  
hudo pueros honestos docuit tanto conuersu, Vt mox Latinae lin-  
guæ rudimenta, utili compendio ad normam digesta, ob idq; faci-  
le pueris perdiscenda publicarit; Exinde Romæ græcas literas perti-  
naci studio confectatus, fretusq; Bessarione generoso Meccenate,  
adeo exacte, feliciterq; profecit, ut ab eo Polybius grauisimus his-  
toriarum scriptor, latinitati donaretur. Non defuere tamen ex  
auiulis, qui eius auctoris traductionem antiquissimam fuisse, furs

toq; surreptam exillimarint; quod Thurydiden, Diodorum, Plu-  
tarchum, & Appianum, clarissimo ingeniorum scrutamine conuer-  
sos; Vnus Polybius egregia fide latius, aequabili, & praeulci Ro-  
mani sermonis puritate profusus antecedit. Composuit quoq; ubi-  
men commentarii nomine in Martialem, Cornucopiam, usurpato  
ueteris graeco lemmae, nuncupatum, perutile quidem, ac ob id for-  
tasse sempiternum; Sed austero pudore suppressit editionem, quod  
humili, & parum pudico opere, quaesita laus dignitati minime res-  
ponderet, partis enim opibus, Archiepiscopatum Sipontinum ad-  
secutus, seipso maior Perusiam, Vmbriamq; regebat. Excessit e-  
uita senex apud Sentinum in Villa, Vindanis, & Pontibus per-  
amena, quam à pingui ocio Fugicuram appellauit.

### MYRTEL.

In Villa Fugicura obit. Perottus.

O Villam nimis, & nimis beatam.

Quae uiuentis heri leuare curas

Possit, nunc cineres tenet sepulchri.

O Villam domino beatiorem.

Cui curas moriens reliquit omnes.

### PLATINA.

SACRA TI praesertim ordinis, boniq; mortales plurimum  
Platinae manibus debent, quando eius ingenio labore, adeo exopta-  
tam obscuri saeculi, nec ideo perituram lucem, Pontificii principa-  
tus actionum incorrupta ueritas nunciatur; quae procul eliquentia  
illaecebris, uti pura, & incompta fidem praefert; & ceteris elabora-  
tis operibus auget dignitatem. Neq; enim uel dialogi de uero bono,  
ueraq; nobilitate, & de optimo ciue grauius conscripti, uel honeste  
noluptatis documenta scite tradita diu supersessent nisi uiuacis hi-  
storiae lateribus adfixa felici societate succederent, & communi (quan-  
quam impati) praesentis uita spiritu fruerentur. Is plane, egens,  
& obscurus, unoq; tantum ingenio nobilis, Cremona, Calixto.  
Pontifice in urbem uenit; Cognitum Pius, atq; Basilian, eruditio-  
to iudicio sacerdotiis minoribus exornatur. Paulus uero Pontis.

sex perinique, maligneq; delatum immaniter torfit: Xystus de-  
 mum, condita ab se in Vaticano Bibliotheca praefecit, quum eo  
 munere longe dignissimus haberetur. In ea nobili custodia iam se  
 nex Fato functus est; Quirinali domum cum Laureto ad coro-  
 nandos poetas Pomponio relinquens, funus in Exquilias ad Ma-  
 ria maioris templum usq; perductum est, flebili carmine celebra-  
 tibus poetis; Sepulchro autem quod à leua ad tertiam columnam  
 conspicitur, hoc Epitaphium ab alumno Demetrio inscribi iussit;  
 quum & haec quoq; carmina amici lugentes affixissent,

*Quisquis es (si pius) Platinam.*

*Et suos ne uices anguste*

*Iacent, & soli uolunt esse.*

### PROSPERI SPIRITEI.

*Qui res Pontificum sacras, & gesta piorum.*

*Quiq; Ducum uitas nobile fecit opus:*

*Vixit adhuc Platina: & quanquam concesserit orco:*

*Nil tamen in Vatem parca seuera potest.*

### IACOBVS CARDINALIS PAPIEN.

EVIT hic uir inter sacratì ordinis senatores pari uirtutis, atq;  
 Fortunae munere lectissimus. Erat enim cum optimarum literarum  
 studio, & uigilantis ingenii fertilitate; tum animi iudicio styloq;  
 & perspicuis moribus Pio secundo persimilis, à quo adoptatus in  
 familiae nomen, & ad purpuræ decus euectus est. Extant Commen-  
 tarii grauisimarum actionum, atq; epistolæ; quibus Senatoriæ pru-  
 dentiae potius, & Christianae seueritatis, nomenq; perfectæ orationis  
 laudem petisse uideri potest: Quod in cursu honorum maximis  
 obeundis muneribus occupatus splendidum illud antea conceptum  
 illustre eloquentiae lumen festinato, & penè præcipiti, uti neces-  
 tas ferebat, scribendi genere, uehementer infuscarit. Verum ea ru-  
 dis adhuc sæculi ingenia facile summa, ac admiranda censebantur;  
 quæ hodie tâquam expergefactis Censoribus, uix in infimis literari

Theatri gradibus sedem inueniunt. Sed fortasse populari commen-  
datione contentus, eam absolute scribendi gloriam uti leuem, & a  
doctissimis tantum ideoq; paucissimis intellectam spreuit, ut inge-  
nio ad sacrarum literarum studia reuocato, illam quam Dii superi  
dederant personæ dignitatem religiose tueretur. His enim moribus  
sibi iter sternebat ad ipsum rerum fastigium, sed illudente Fortu-  
na in summo fere, deceptus hæsit, quum fata potioem ei uiam ad  
cælum permunirent. Perijt enim non adhuc senex in secessu ad cry-  
ptas laurentianas Vulturnensis lacus, à circumforaneo medico mi-  
serabiliter enecatus, quum uir in omni negotio præterquam in tuen-  
dæ sanitatis ratione prudentissimus, ut quartanæ febris tedium discu-  
teret, inimite ueratræ stulta propinatum manu, fato coactus ebis-  
sisset. Scripserat antea ingenuæ piæq; liberalitatis Testamentum,  
sed id Xystus Pontifex irritum fecit, quod pecunia satis grandis  
apud mensarios occulte deposita tanquam frugi, atq; opes cõtēpnē-  
tis censu, amplior æstimatione publica uideretur. Epigramma ta-  
men ex eodem Testamento in fiscum non uenit, hæredibus utiq;  
relictum, ut hoc modo marmoreæ sepulchri tabule inscriberetur,

#### IPSIVS.

*Luca ortu, Sena lige fuit mihi Patria, nomen  
Dum uixi Iacobus, mens bona pro genere.  
Papa Pius sedem Papiensem detulit, idem  
Cardineo ornauit munere, gente, domo:  
Quem colui uiuens non linquo mortuus, hic sum  
Et propè sancta patris filius ossa cubo.  
Viuite qui legitis, coelestia querite, nostra hæc  
In cineres tandem gloria tota redit.*

#### DOMITIVS CALDERINVS.

CALDERIA VERONENSIS Agri oppidum cali-  
dis aquis nobile DOMITIVM protulit, Eum acri, flagran-  
tiq; ingenio. ad gloriam anhelantem Bessarion Cardinalis excepit,  
& extulit. Exinde, quum Romæ profiteretur, & obscurasensu du-  
riorum poetarum admirabili reconditæ lectionis testimonio diluci-  
dasset, literarii splendoris assertor, ac omnis obscuritatis illustra-  
tor

tor acclamatus est. Verum editis interpretationum commentariis, peracerbas, sed iuuentuti maximè utiles, cum amulis similitates exercuit. Ambitioso quidem, & nimis aculeato dicendi genere, ex aliena inscitia (dum intemperanter perstringit, atq; remordet) non men querens eo modo, ætate, laudèq; florentem, sed imbecilli stomachi temperaturam nimis lucubrationibus exterentem; quum digna multis æculis opera conciperet, rapida febris eripuit. Celebrante funus Academia, nobilis iuuentus cum lachrymis uestem mutauit; mortem uerò, uel amuli, & principatum affectantis, Politianus his carminibus profecutus est.

### POLITIANI.

*Hunc Domiti stecis tumulum qui transiit ocellis;  
Vel Phœbi ignarus, uel male gratus homo est.  
Intulit hic uatum cœcis pia lumina chartis,  
Obstrusum ad Masas hic patefecit iter.  
Hunc Verona tulit, docti patria illa Catulli:  
Huic letum, atque urnam Roma dedit iuuenti.*

### EIVSDEM SCÆZON.

*Asta uiator, puluerem uides sacrum,  
Quem uerticosis turbat unda Benaci;  
Hoc mutat ipsum sæpè Musa Libethron,  
Fontemq; Sisyphi, ac Vireta Permesis;  
Quippè hoc Domitius uaguit solo primum,  
Ille, ille doctus, ille quem probe nosti  
Dictata dantem Romulæ iuuentuti,  
Mira eruentem sensa de pœnu uatum.  
Abi uiator, sat oculis tuis debes.*

### ANTONIUS CAMPANVS.

*QVIS IN PRÆPINGVIS Simiæ rictu tantam ex-  
celli, atq; habilis ingenii indolem? Quis in sordida stirpe tantam  
fortunam non miretur? ANTONIVM enim CAMPA-  
D iii NVM*

NVM Rustica Mulier in agro fessa opere, sub Lauro peperit,  
 & aluit puerum argute loquacem adituo sacerdoti in famulatum,  
 & disciplinam tradidit. Ita feliciter perceptis literarum rudimentis,  
 Neapoli mox pædagogus erudiendo nobili puero mercede quas-  
 tus est. Tantos autem in studiis latinis quinquennio processus fe-  
 cit, ut inde Perusiam transierit, scilicet ut in præclara frequentis  
 gymnasii luce proficundo illustri famæ limen aperiret: nec multo  
 post à Perusinis ciuitate donatus, à Pii Secundi Pontificis gratiam  
 studiorum similitudine promeruit, à quo uirtutis honore Interamna-  
 tium Præsul est creatus, & à Paulo successore locupletatus: Sed po-  
 stremo cum Xystus immodicè Tiphernatium Tyrannis fauentem,  
 quum multis urbibus integra nominis auctoritate præfuisset, in exi-  
 lium egit. Fato functus est apud Senas à Pii memoria sibi gratis  
 sumas, Inuidente non planè seni longiorem uitam comitali morbo  
 inter multa orationum, & multiplicis styli opera, quæ extant, auis-  
 disime Bracii incliti Ducis uita perlegitur, digna posteritate, nisi  
 rerum gestarum fidem adulatione pœuca corrupisset.

## PLATINÆ.

CAMPANVS Iacet hic humili contextus in urna,  
 Qui uaga, dum uiuere, sidera transiit.  
 Historicus scripsit: dixit: cecinitq; nec alter  
 Philosophus toto clarior in Latio.  
 Nil manus natura tulit: miracula cœli  
 Huius in ingenio cuncta fletere Viri.  
 Deserto lugent Parnasi fonte sorores,  
 Et tumulus refugas lucis hic unus habet.  
 Vos quibus ingenium est: en quo contendimus omnes:  
 Virtutis sola est gloria: quæ superest.

## POLITIANI.

Ille ego Laurigeros, cui cinxit, & insula crines  
 Campanus Romæ delitum hic iaceo.  
 Mi toca diclarum charites, nigro salte Momus:  
 Mercurius nunc tinxit, utroque Venus.

Mi

*Mi ioca, mi risus, placuit mihi uterque Cupido,  
Si me fles, procul hinc quaeso Viator abi.*

# EMANVEL CHRYSOLORAS.

EMANVELIS CHRYSOLORÆ Qui primus  
græcas literas variis Barbarorum irruptionibus expulſas poſt ſe-  
pingentos annos in Italiam reportauit, tantū fuit in docendo libe-  
ralis ingenii humanitas, ut eius præclara ſæcies, primā inter græ-  
corum imagines illuſtri merito collocanda uideatur, quanquam nul-  
la extet, præter artis grammaticæ Regulas græuiores doctrinæ mo-  
numenta. In docendo enim nunquam feſtus, facile in ſcribendo,  
deſidioſus uideri poterat, quum altera pars laudis exoptata noſtris  
uili profeſſione pectetur. Is Byzantio cūſus à Ioanne Impera-  
tore, ut totius Europæ Reges adueniſſo pereuntes Græciæ maturam  
opem imploraret, Officium quidem laborioſa peregrinatione ita  
impleuit, ut in Italia ſubſiſteret, Græcia ſcilicet præſenti metu li-  
berata, quum Tamberlanes terror Orientis Baiazetem Othoma-  
num à terribili celeritate fulguris cognomen adeptum, ad ſtellam  
montem uiuim cepiſſet. Itaq; Chryſoloras diro Græciæ hoſte ſub-  
lato latuſ, Venetiis primum, & mox Florentiæ, Romæq; ac de-  
mum Ticini euocante, ingentibus præmiis Ioanne Galeatio Principi-  
pe, græcarum literarum ſtudiū excitauit, tanta felicitate uti ex eius  
ſchola ſummæ, nec ideo meritoria laudis ingenia prodierint. In  
queis fuit Leonardus Arctiniſ, Franciſcus Barbarus, Philelpus,  
Guariniſ, & Pogiſ. Poſtremo, quum ad tollendam pseudo-Pon-  
tificum controuerſiam, indieta ſynodus tanti ſpectaculi cupidum  
exciuiſſet, exauctorato Balthaſare Coſſa, Conſtantinæ interit, cui-  
us Tumuluſ, Pogiſ his carminibus exornauit.

*Hic eſt Emanuel ſtens*

*Sermōis decus Attici*

*Qui, dum querere opem patriæ*

*Affectu ſtudet: huc it.*

*Res belle cecidit tuis*

*Votis Italia hinc tibi*

*Lingua reſtituit decus*

*Atticæ ante recondita*

*Res belle cecidit tuis*

*Votis Emanuel ſolo*

*Conſecutus in Italo*

*Laternum decus es tibi*

*Quale Græcia non dedit*

*Bello perſua Græcia*

BES.



IN CELEBERRIMO gentium omnium concilio , quo Florentiæ discipulantibus græciæ , & Latinis , præfidentēq; Eugenio , christiani dogmatis fides , publici consensus autoritate firmata est , BESSARIONIS Nicæni iurifica uirtus Senatorii ordinis ornamenti promeruit . Datum est enim honori totius Græciæ ab antiqua pertinacia discedenti , ut duo eius nominis Isidorus scilicet , atq; Bessarion in sacra purpura conspicerentur , sed in Bessarione uirtutes omnes usq; adeo præcellenti temperamento , concentuq; ad admirationem responderunt , ut nemo eo christiana probitate spei ctiator , nemo admirabilior doctrina , & nemo denique generosis moribus ornatus , atq; splendidior , hoc ipso à morte eius sexaginta annorum circulo in Senatu conspectus sit . Senatoriam enim gravitatem , ore prebo , atq; blandissimo condiebat , ac ipsam Viri optimi famam dopu , & solis nitida , ac hospitali disciplina , & libera animi beneficentia iuebatur , quum subactæ Turcharum armis , & ideo concidentis græciæ ingenia diu iactata Muri , & terris apud eum certissimum salutis portum inuenerint , & qui in Academia nomen daret , eodem Patrobo atq; hospite uterentur . Habitabat sub Q uirinali , ad Sanctos Apostolos , deducebatur autem mane in Vaticanum , non exculso quidem & uimetroso , sed uno uirtutis nomine maxime decoro comitatur , quandoquidem præclara græcæ , Latineq; linguæ Læmina peregrinorum requisita oculis , circa eum triuis ciuium digito monstrarentur . In his enim sæpe conspecti sunt Trápezantius , Gæza , Argyropylus , Pléthon , Philéphus , Bloius , Leonardus , Pégus , Valla , Siphontius , Campanus , Plátina , Domitius , nullo Euo perituri , quibus Viris domesticus usq; adeo extrinsecus gloriola sui fama fruebatur , ut Eugenius , Nicolaus , & Pius eum sibi successorem , si fas esset , adoptare percuperent , neq; optimè de Republica merito , Senatorum studia decrant , Sed Paulo morte sublato , in Comitibus fatalis casus tante spei fortunam auertit , Ferunt enim tres summa auctoritatis Cardinales , quum eo decreto , ut Pontificem salutarent , abditum in cella conclusu adissent , nec admitterentur a Nicolao Perotto latitatore , quod cum Vir ineptus Lucubrantem parcendum diceret , usq; adeo stomachatos , ut se se indignanter auerentes responderent . Ergo nec præstanti , nec roganti quidem , summa dignitas erit inculcanda , ut quum ex celo suffragia expectet , superbis deum ac floridiss



lidis linitoribus pareamus : statimq; suffragia Xysto detulisse, quo repente renunciato, adoratoq; , Bessarion dixisse fertur. Hæc tua, Nicolæ, intempestiva sedulitas, & Tiaram mihi, & tibi galerum eripuit. Nec multò post cum honore Legationis in Galliam est ablegatus, quod Xystus noua licentia Pontificatum nomine principatus gerendum ratus, libere, & grauius, religiosèq; sententias dicentis uultum non perferret. Sed Bessarion, dum è Gallia rediens concepto morbo Rauennæ subitisset, septuagesimo septimo ætatis anno moritur. Funus autem Romæ celebratum in templo Apostolorum, ubi marmoreum Tumulum, uiuens sibi cum hac græcia inscriptione extruxerat : hanc sic uertit Maiorianus Salentinus.

*Bessarion feci hunc Tumulum, qui conderet ossa :*

*Venerat undè olim spiritus astra petet.*

### MAIORANI.

*Viuens adhuc feci hoc sepulchrum corpori*

*Bessarion ad Deum remittens spiritum.*

*Me docita genuit Græcia, at honores dedit.*

*Urbs Roma, quæ mihi perpetuò est patria.*

### MANIVITALE.

*Non tibi sit laudi sanctum celebrasse Platonem,*

*Castæq; Socraticæ Frena pudicitie :*

*Non quod uirtutum exemplum, quod lumen honoris,*

*Quod sol extinctæ religionis eras :*

*Verum quod per te migrauit Græcia Romam;*

*Ee didicit latios Attica Musa sonos.*

*Per te hinc Romanas miratur Tybris Athenas.*

*Argolicam, & Romam Græcia, Bessarion.*

### GEORGIVS TRAPEZVNTIVS.

*GEORGIVS TRAPEZVNTIVS In Creta natus, quod paternam originem è Pontica celebri urbe duceret uertit*

71  
 tusta patriæ nomen asciscere, quàm natale solum fateri maluit. Is  
 Græcorum fere primus Romæ eò tum saculo renascentibus literis,  
 qui græcâ feliciore stylo in Latinum uerterit exstimatus est, uti li-  
 quidissimè constat ex Aristotelis, sacrisq; Eusebii Cæsariensis operi-  
 bus, & ex Rhetoricis præceptis Hermogenis. Erat enim ingenio  
 ad lucubrandum maxime ualido, uchementiq;. Sed uti mox appa-  
 ruit, tetrici liuoris pleno, nam quum se Peripateticum proficeretur,  
 Vnumq; Aristotelem extollendo celebraret, usq; adeo superba aus-  
 re fuit, ut nec diuini quidem Platonis ingenium laudari pateretur,  
 cuius etiam dogmata, & mores peracerbe, ac insolenter edito famo-  
 so uolumine laceraret. Sed Bessarione, generosa eruditione; illis-  
 triq; facundia Platonem defendente, Georgius uim tanti fluminis  
 sustinere non potuit, quum publica inuidia deflagraret, quod sum-  
 ma authoritatis Philosophum, Magistrumq; sanctioris uitæ, ac  
 ideo Christianæ disciplinæ proximum, impio ac incesto ore proscis-  
 disset. Habitauit iuxta Minæruam, honesta domo sibi, & posteris  
 extructa, ad Diui Mauiti minores obeliscos, ducta uxore, susce-  
 ptoq; filio, sed non eadem felicitate in literis educato. Is enim no-  
 mine Andreas, paternas lites excipiens Theodoro Gazæ, tanquàm  
 Georgii patris laudi decus malignè subtrahenti rescripserat. Sed  
 Theodorus eam recriminandi libidinem, rabieq; facile contem-  
 psit. Porro Georgius ad exactam senectutem peruenisse fertur, ita  
 ut repuerascenti, & propemodum deliro memoria tantarum rerum  
 elaberetur, & circuiret urbem solus obtrito, in pallio pileatus, &  
 nodoso scipione uacillantis gradum sustinente. Andree filia hæres  
 Fausto Madalenæ Romano poëtæ lepido collocata est, hic multa  
 de Georgii proloceri doctrina, & litium acerbitate narrare soles-  
 bat, quum Leoni ab amœnitate ingenii gratissimus in Academia  
 floreret, sed is ante diem clade urbis interit.

## INCERTI.

*HAC Vna Trapezuntii quiescunt*

*Georgi, ossa, parum deis amici*

*Quod acri, & nimium procace lingua*

*Platonem superis parem petiuit*

*THEO.*

## THEODORVS GAZA.

THEODORVS GAZA Theſſalonice honeſto loco natus, Amurathe Graciam omnem uictoricibus armis quatiente in Italiam uenit, acumine, fertilitateq; ingenii nemini ſecundus, quum Græcos omnes linguæ peritia, eruditoq; iudicio ſuperaret. Victoſino autem Feltrenſe Magiſtro uſus uſq; adeo copioſe, & diligenter Latinas literas didicit, ut longè omnium Latiniffime ſcriberet, nec planè dignoſci poſſet an exactius, & certius ab eo latina græcè, an ipſa græca latine uerterentur. Hiſtorias enim Ariſtotelis de Animalibus, & Theophraſti, de Plantis ita latinis fecit, ut Romanæ linguæ facultatem, quum noua uocabula ſolerter effingeret, audaci, ſed generoſa translatione locupletarit. Tanta porro felicitate Librum Marci Tullii de ſenectute Græcum reddiderit, ut peritiſſimi præter adequatos ſenſus, ipſam quoq; Ciceronis eloquentiæ Maiſtatem ſcite, & grauiter repræſentatam admirentur; Tranſtulit etiam Problemata Ariſtotelis, & Hippocratis Aphoriſmos, ut præſtantiffimis authoribus ad perſpicuam fidem, nec obſcure ad ſalutem humani generis ſua dignitas redderetur. His uigiiliis ſacerdotium in Magna Græciâ, commendaute Beſſarione promeruit, quòd certe ſatis eſſet moderato, frugiq; homini, & aduerſus omnis luxuriæ uoluptates inuiſto, niſi neglecta ratione totius redditus rapacibus Græculis, & Brutis rei familiaris curam demandaret. Nouiſſime quum nobiliſſimas lucubrationes in membranis accurate perſcriptas Xyſto Pontifici detuliſſet; nec pecunia; uel ipſius Librarii premio digna redderetur, indignatus ſubageſte iudicium, effugere hinc lubet, inquit; poſtquàm optimæ ſegetes in olfactu præpiniſ guibus aſinis ſordeſcunt. Atq; ita in Brutios ad ſacerdotii ſacram ſedem contendit. Nec multo poſt planè ſenex Fato functus eſt, nec iniqua quidem ſorte, quum in Græcia natus, & educatus in Italia, tanquàm de utraq; lingua benemeritus in Magna Græcia tumularetur.

## PONTANI.

*SUME Lyram, dic Muſa modos, dum condimus umbram.*

*Et puer, & coluit numina ueſtra ſenex.*

*Indignus tellure, Deos Theodore petiſti,*

E ii Sca

Sera quidem, tamen est longa parata quies.  
Virtute, ingenioq; bonis hoc ipse parasti,  
Vt Cœli aspiceres aurea tecta senex.  
Nos artus terra tegimus, tu caste Sacerdos  
Da requiem, Aeternum iam Theodore Vale,

#### POLITIANI.

HEU Sacrum caput occubuit Theodorus, & hora  
Vna obiere omnes reliquit generis.  
Nec tamen hoc querimur, nimis est potuisse uideri,  
Non erat hic nostro tempore dignus bonos.  
Hoc dolet heu, quod neutra patri est nunc lingua superstes,  
Quæ mittat iustas manibus inferias,

#### EIVSDEM.

CUM Terram hinc nosset Theodorus, & acra, & undas:  
Iam resant, inquit, sidera, terra Vale.

#### ARGYROPYLVS.

IOANNES ARGYROPYLVS Byzantius eodem  
Turcharum impetu Græcia eiectus, apud Cosmum Medicem glo  
riosa liberalitate literis fauentem in honore fuit, tanta nominis exis  
timatione, ut Petro filio, nepotiq; Laurentio præceptor datus, lo  
co parentis haberetur. Publicè uerò Florentinæ iuuentuti Græcos  
autores enarraret. Grati idcirco animi erga Medicæ gentis pros  
ceres uigiliarum præclara extant monumenta, consecrata in ea do  
mo altice ueræ uirtutis. Aristotelis enim naturalia, atq; moralia  
generosè transulit: ita applaudente Gaza uetere sodali, qui diuer  
sas Aristotelis partes uertendo desumpserat, ut quædam ab se pari  
ter translata combureret, ne amicissimi hominis crescenti famæ offi  
ceret, si ad amulationem odiosa comparatione certaretur. Latina  
enim

enim ubertate facundior, & græcorum modestissimus, hoc facile dabat elatè ambizioso, & amplioris fortunæ percupido, quod ipse omnis semper lucri, & præsentis tanquàm euanida laudis contemptor extitisset. Argyropyli autem, sermones cum fastidiosi, tum graues eruditè auribus essent, & tum maxime, quum Ciceronem græcas ignorasse literas illoto ore prædicaret. Pestilentia demum Ethuriam euasante, Romam uenit, Profitendoq; græcè Aristotelem, ita opimis stipendiis uitam traduxit, ut tota substantia quotidianis sumptibus æquaretur, & in extremo uitæ actu iocatus, diuitiores amicos, æris alieni, condito testamento hæredes relinqueret. Vini, & cibi, æquè auidus & capax, & multo abdomine uentricosus, immodico Melopeponum usu, autumnalem accersit febrem, atq; ita septuagesimo ætatis anno, ereptus est. Ioannes autem Lascars eundem ciuem, & Magistrum, hoc græco carmine laudauit, quod Maiorianus Lascaris discipulus sic uertit.

*Hoc Argyropylus, patria procul, alta sophiæ  
Dogmata qui coluit, conditur in Tumulo:  
Dat patria huic nomen, sacrum dat Roma sepulchrum,  
Nescio quæ potior huic fuerit patria:  
Illa genus, nomenq; dedit, uerum inchyta Roma  
Nutriuit, coluit, perpetuoq; tenet.*

## MARVLLVS TARCHANIOTA.

### MARVLLVS TARCHANIOTA GRÆCVS

Inter Alarios Equites descriptus, Nicolao Ralla Spartano Duce in Italia militauit, ita labore, ac studio duri Martis cum tenerimis Mutis per Interualla feliciter adequato, ut non græco tantum, sed lati no carmine admirandus euaderet; Nam Theodori, ac, Argyropyli decora uestigia subsecutus nihil iam græcè doctum esse satis ad laudem putabat, nisi tota patrii sermonis facultas Romana facundia iungeretur; propterea Florentiæ Alexandram eruditi ingenii puellam uxorem duxit, Bartholomæi Scalæ Vexilliferatus honore con spicui filiam. hic est qui paulo ante Græcorum nomini fauens cum Politiano, eius gentis ingenii infesto maledicenti sissimis Epistolis li-

tes extenderat. Verum Marullus inquieto ingenio nullibi sedem stabilem nactus in cursu studiorum, ac itinerum semper fuit; transferendiq; munus tanta contentione, fama'q; ab aliis susceptum semper contempsit, quasi minime par, aut certe nobilis gloria periculofo opere peteretur grauiora idcirco meditantem, post editos Epigrammatum Libellos, quibus Apollo pereleganter arriserat, in Volaterrano, Cecina annis solito inflator, fallente equum ceco uado, uiolenter abripuit; eo die quo Ludouicus Sfortia ab Heluetiis proditus, ut Ferrato in carcere miser expiraret, in ulteriorem galliam est perductus. Luxere cum pari moestitia Graeci, Latiniq;.

## PONTANI.

*Hoc uacuum tibi Pierides statuere sepulchrum  
Et Grata, & Latia clare Marulle lyra.  
Ipse etenim Aonia in silua, atque Heliconis in antris  
Latus agens, illic otia grata teris.  
Illic formosae ludunt ad plectra puellae,  
Et tecum ad Choreas carmina lecta canunt.  
Et tibi resonant siluae, Penciaq; antra,  
Plaudit, & Ogygio roseida ripa lacu.  
Nil praeter nomen tumulo, per opaca uagaris  
Culta per Elysium doctae Marulle nemus:  
Hinc tibi se ad cantum adiungit formosa Corynnæ,  
Cantat, & ad calamos Delia culta tuos:  
Illic compositos exercet Cynthia saltus,  
Exercet raros Lesbia blanda Choros.  
Nec Parca eripuit, Musae rapuere Marullum,  
Arnidi ne fieret grata rapina Deae.  
Sis felix igitur Musis comes, & tua Musae  
Ambrosio foueant membra adamata sinu.*

## TIBULDEI.

*HIS Situs est celebris cithara, gladioq; Marullus,  
Qui Thufco (beu facinus) liquit in anne animam.*

Neptune

*Neptunè immittis : meruat si mergier ille ;  
Mergier Aonio flumine debuerat.*

## DEMETRIVS CHALCONDYLES.

DEMETRIVS CHALCONDYLES Diligens Grammaticus, & supra Græcorum mores, quum nihil in eo fallaciarum, aut fuci notaretur : Vir utiq; lenis, & probus scholam Florentiæ instaurauit, desertam ab Argyropylo, & à Politiano deficientibus Græcis occupatam ; sed ambitioso, peracriq; æmulo, multis bonis, malisq; artibus suggestus locum, & nomē defendenti Demetrius cessit ; Latina præsertim facundia inferior, & ob id rare scente auditorio à Iuuentute destitutus, quandoquidem uel apprimè doctus, facile Ieiunus, & hebes, lasciuus, & delicatis auribus uideri poterat : quibus Politianū decantantis, & uarios spargentis flores, iucunda, argutaq; uox, & salsa comitas, mira dulcedine placuisset. Sed mansit Demetrio honestus gratiæ locus apud Laurentium, uel infesto, & oblique semper incessente Politiano, qui quum neminem ē Latinis sibi parem pateretur, Græcis ipsis eruditior existimari uolebat. Diuisit idcirco munera Laurentius, ut æmulationis lites dirimeret. & Filii præceptorum contentione ad discendum accenderentur. Sed eo Principe uirtutis eximia, morte sublato, Demetrius Mediolanum à Ludouico Sfortia accitus est, adducta secum uxore Florentiā, ē qua iam liberos susceperat. Nec multo post profiterido, perscriptoq; utili uolumine, Rudimenta grammaticæ publicauit, quod Theodori, quanquam insignis Liber de arte eadem, uti prouectis & doctis scriptus, durior uideretur. Vxor uirili industria familiam regebat, ipso sene, & literarum studiū occupato, sed ea libertas in mirè fecunda uxore, dubiam pudicitia famam fecit, quanquam tres filii ipsam ueri patris effigiem, ore græco penitus referrent : Theophilus natu maximus iuuenis turbulens, quum Ticini Homerum proficeretur, nocturno, & petulantia certamine confossus interiit : & Basilius mira ingenii indole, tuocante Leone, ut in Gymnasio Romano Iuuentutem doceret, paucis mensibus, ex lenta febre contabuit : Seleucus uero natu minimus ad pubertatem non accessit, cæterum Demetrius octogenario maior, non planè miser, quod nihil de obitu Theophili, occultante matre didicisset, Mediolani Fato functus est, Paulō ante quam

quàm Gallo Iulii Pontificis, & Venetorum armis Italia pel-  
lerentur.

INCERTI.

*VIVENS* Corona nobilis Iuuentutis  
Circundabaris undequaque Demetri,  
Dum ostenderes iter per Atticos campos.  
Certe Beatus, si obtigisset morienti.  
Doctam videre tibi supersitem prolem;  
Oculumq; claudi languidum, à tuis natis,  
Aut hoc sepulchrum lacryma illorum spargi.

MARCUS MVSVRVS.

*MARCUS MVSVRVS* genere Cretensis, exacta  
diligentiæ grammaticus, & rara felicitatis poeta, in gymnasio Pata-  
uino aliquandiu græcos authores interpretatus, secunda perspicu-  
cis ingenii fama ad integram doctrinæ maturitatem peruenit, Sed  
sæua coniuratione externarum gentium; afflictis bello Venetis in-  
de exturbatus; ita tranquillum otium quasuit, ut græco carmine  
Diui Platonis laudes decantaret; extat id poema, & in limine ope-  
rum Platonis legitur; commendatione publica cum antiquis eles-  
gantia comparandum. Leone autem ingenii illustribus prædara  
præmia proponente, Romam uenit: nec multo post Manilio Rala-  
la eruditi iudicii Viro græco, morte sublato, Archiepiscopus Epis-  
daurensis effectus est. Eam autem secundæ fortunæ celeritatē, quasi  
ab occultis fati maiora præmia monstrarentur: Immoderato anis-  
mo tulit, sic ut insana, uehementiq; ambitione percitus; nouum  
illud sacratæ mitræ honorem nequaquam ingenii merito parem du-  
ceret, nulloq; pudore præproperus ad purpuram aspiraret, quum  
sæpe quæretur, græci generis neminem quasi probro gentis les-  
ctum fuisse, quando Princeps in donanda purpura maximè libe-  
ralis, uno comitali die, supra triginta nationum omnium delecta  
capita; galero purpureo petornasset. Ab hac intempestiuâ siti con-  
tabuit corpus adeo celeriter, ut obrepente morbo Intereunte, uix  
ostentatis Mitræ Insignibus expirari; In templo pacis tumultus  
est.



est. Amiterminus autem Antonius, sepulchro hoc distichon inscripsit.

*MVSURE Mansure parum, properata tulisti  
Præmia; namque cito tradita, rapta cito.*

## IOANNES LASCARES.

IOANNES LASCARES Græcorum fere omnium, qui Othomaniæ armis patria pulsi in Italiam confugerint, nobilissimus, atq; doctissimus fuit. Stirpem enim sanguinis Incorrupti ad Imperatoris Constantinopolitani decus generosis moribus referebat, ut pote qui ab ingenua educatione, optimas literas imbibisset. Naufragum excepit Laurentius Medices, cui nihil antiquius unquam fuit, quam ingenia liberali beneficio deuinxisse. Is, cum absolunda Bibliotheca studio tenebatur. Ob id Lascarem, ad conquirenda uolumina Byzantium cum legatione ad Baiazetem bis misit: nec defuit honesta petenti, nusquam Barbarus Imperator, qui sepe qui erat totius philosophiæ studiosus, Auerroisq; sectator existimius, & de Laurentio priuatim tanquam de Illustri cultore uirtutis, optime sentiret: quum paulo ante Bandinum percussorem fratris, fuga in Asiam clapsum in cathenis ad supplicium tradidisset; singulari quidem religionis, atq; iustitiæ exemplo; quod ille immanis scelus in templo ausus, merita poena plectendus censeretur. Itaq; Lascares, tuto abdita Græciæ perscrutatus, quum patriæ opes uictoribus cessissent, nobiliora diuitiis antiquæ dignitatis uolumina collegit, ut in Italia seruariantur. Transiit demum in Galliam, Legatumq; Ludouici Regis apud Venetos egit: nec multo post Leone ueteris amicitia nomine liberaliter attollente, nobiles e Græcia pueros adduxit, instituto ludo in Quirinali, ne græca lingua scite loquentium soboles interiret. Valebat Latina facundia, ita, ut uersus; qui extant, perscriberet; Sed adeo contumaci sterilitate desidiosus erat; ut in uertendo græca uix Polybii castrametationem efflagitantibus amicis expresserit, quod id studium, recto an maligno iudicio incertum, penitus damnaret. Verum egregia cum laude præstitit, ut Latini haberent emendatiora, quæ minore ipso rum labore uerterentur. Honestæ facultates non certo nixæ reddi

tu, sed aliena liberalitate quæsitæ, uel in rem negligenti, & sum-  
ptuose uiuenti nunquàm defuerunt, ut nonagenarius fere senex ar-  
ticulari morbo deformatus Romæ moreretur. Sepultus est in Æde  
Gothica Diuæ Agathæ supra Suburram: Fecitq; sibi græcum Epi-  
taphium, quod Maioranus sic uertit.

*LASCARIS* in terra est aliena sepultus,  
Nec nimis externam quod quæreretur erat.  
Quam placidam, o hospes reperit, sed deflet *Achæis*.  
Libera quod nec adhuc patria fundat humum.

### TIBALDEI.

*LASCARIS* hic grauium specimen: ne crede cadauer  
Illius esse sub hoc marmore, sed statuam.  
Altera quippe fuit *Niobe*, dolor impius illam  
Natorum: hunc podagræ translulit in lapidem.

### RODVLPVS AGRICOLA.

QVIS NON TE RODVLPHE AGRICO-  
LA Inuitato, & planè portentoſo conspirantium ſyderum con-  
curſu natum eſſe fateretur: Si uim cœleſtis tam uariè radiſi lumi-  
nis, non ſecus ac in aſtris curſum; certior diſciplina deprehendes  
ret? Hauſiſti enim hebraicas, græcasq; literas, uſq; adeo ſtupens  
da celeritate, ut nequaquàm Gruningiæ in ultima Friſia: Sed hies  
roſolyimis, Athenisq; natus, ac educatus à doctiſſimis credere. La-  
tinas porro tanta felicitate didiciſti, docuiſtiq; ut exacta puritas,  
ac illa nobilis ubertas Romanæ eloquentiæ, noſtro cum pudore in  
ſquallenti, aſperoq; Oceani litore quatrenda uideatur. Viuent  
profecto in admirantium manibus tua illa, quæ auidè leguntur  
in Dialecticis, Rhetoricisq; præcepta, & diuini ingenii carmi-  
na, quibus uel Illuſtribus poëtis numeros excuſiſti. Nos uerò  
in magno uitæ tuæ deſiderio, aut numinum, aut certè ſyderum in-  
constantiam

constantiam indignanter usquequaque mirabimur, quæ tantis cum mulatum muneribus, terris tantum ostenderint, grauiore quidem Iniuria humani generis, quum ille Cælesti aura fortasse dignior, in secundissimo fecunditatis cursu raperetur. Defunctum Hingols studio Germaniæ Vrbe gymnasio clara, Decuriones sepulchri honore perornarunt. Hermolaus autem Barbarus, apud Cæsarem Legatus, in scripto Epigrammate, supremum amicitie munus exoluit.

## HERMOLAI BARBARI.

*INVIDIA* Clauserunt hoc inarmore fata Rodolphum  
Agricolam, Frixi spesq; decusq; soli.

*Scilicet hoc uho meruit Germania, quicquid  
Laudis habet Latium, Græcia quicquid habet.*

LEO BAPTISTA ALBERTVS.

LEONI BAPTISTÆ EX ALBERTORVM  
Familia Florentiæ clara, Politianus, audita eius morte, nobile Encomium cecinit, nos autem eius ingenii acumen, & styli felicitatem in confragosa niuetia plurimum admiramur. Nouum enim opus adificatoris facultatis, & propter linguæ inopiam ualde impeditum, nec satis eloquentiæ capax aggressus est, tanta fecundia, ut imperitos obscuro, rudiq; eius sæculo, & certâ disciplinæ luce carentes architectos in semitam rectissimæ rationis deduxerit, quum Vitruuii præcepta densissimis obfessa tenebris illustraret, ac inspectis antiquorum adificiorum reliquiis, atq; inde accurata dimetiendi ratione initiorum, & finium ordinem deprahendisset, ita, ut inopem & corruptis artibus incultam ætatem nostram admirabili abditarum rerum copia locupletasse exstimeretur. Scripsit etiam in pictura de Recessibus, & Vmbis, Lincisq; ex optices disciplina, quibus rerum imagines, in eodem sitas plano, tanquam remotas, & extantes, erudita manus exprimere consuevit. Ex speculo quoq; reflexis radiis suam ipsius effigiem arguto penicillo, pereleganter est affectus, quam apud Pallantem Oricellarium in horris uidimus. Extat etiam Apologorum Urbani grauitatis Libellus, quo, uel Esopum Inuentionis amicitia superasse iudicatur, & Momus, sumus

ma gratis Dialogus, ac ideo cum antiquis operibus multorum sen-  
tentia comparandus.

IANI VITALIS.

ALBERTVS Iacet hic Leo, Leonem  
Quem Florentia iure nuncupauit,  
Quod Princeps fuit eruditionum,  
Princeps, ut Leo solus est ferarum.

LAVRENTIVS MEDICES.

SALVE HEROS OPTIME MAXIME In-  
geniorum liberalis educator, artiumq; omnium, & elegantiarum Pa-  
ter, ac unicus uera uirtutis aestimator, Salue iterum Immortale pre-  
conium merite: quum te uigilanter excubante, non Ethruria mo-  
do tua, sed omnis quoq; Italia, opulenta pace floruerit, scilicet, ut  
mox orbata te custode, & Vindice Intestina, fataliq; insania, & ex-  
terna immunitate uastata concideret. Sed salue iridem, qui lucu-  
lenter; & fouisti Musas, & feliciter extenuisti. Præclarus utiq; Vq;  
tum hospes, & amulus, Ideoq; celesti munere, pomini tuo debi-  
ta, uirenti Laureæ dignissime: nisi hæc fortuna tua putetur infe-  
rior; quando Cosmum Auum crudici sæculi decas gloria superasse  
summæ arduum uideri poterit. nisi Leonem Decimum; ad ornand-  
am uirtutem celo datum felici prole genuisses.

IANI VITALIS.

NIL Mortale unquam tibi contigit omni  
O Patriæ Pater, & decus Immortale tuorum,  
Laurenti, nisi cum te mors inuitas ademit,  
Illa quidem non te uitæ lumine cassum  
Exstinxit, uerum quæquid sanctæ bonæ  
Orbis habet, tecum simul abstulit; aurea quando  
Sæcula fœdauit scabra rubigine ferri,  
Non tamen ulla unquam uiderunt tempora dignum  
Te magis & titulis, & maiestate decoro.

Cui

*Cui Magnus Cosmus Avus, & cui filius altum  
 Maximus ille Leo Princeps Romanus, bonorum,  
 Aequè æternarum laudum erexere Theatrum.*

### MYRTEI.

*OCCIDIT Vt futo Medices Laurentius, ora  
 Converterens in sollicitas Florentia Musas.  
 Dixit, abite aliud vobis nunc quarite tectum.  
 Cui Musæ Nos hospitium sanc perdimus usquàm  
 Querendum. Sed tu Medice Florentia raptò  
 Amisum inachies nusquàm: Quin de sinis ipsa  
 Essè illud decus, & Latè Florentia lumen.  
 Nos erimus Musæ: cum si quid nostra parente  
 Ab Iove dat pietas sperare, videbimus ullo  
 Tempore post heròæ Deorum in sede suprema  
 Immortalem alti nutu Iouis astra regentem.*

### PETRVS LEONIVS.

**PETRVS LEONIVS** Spoleti natus multo acumine  
 perspicacis ingenii, cruditàq; facundia, Inter Medicos primus ferè  
 prolato Galeno, verum medicinæ limen aperuit, quum in Claris-  
 simis Italiæ gymnasiis proficundo, exercendoq; artem summa nomi-  
 nis autoritate, non ex fœculentis Arabum Lacunis: Sed ex pu-  
 rissimis græcorum fontibus haurienda præcepta artis, atq; remedia  
 docuisset. Is erat ualidis disciplinarum omnium prædictis instru-  
 ctus, ita ut Astrologiæ, & ueteris item Magiæ peritissimus habe-  
 retur. quòd de euentu gravisimorum rerum diuina prædictione  
 iudicare consueuisset. Constat enim cum amicis sæpè dixisse, sibi  
 subite mortis periculum in aqua potendè: Vade flumina, crebrasq;  
 navigationes formidaret, quam ob causam, quum alia omnia ad  
 questum, & decus secunda retinere, et Patruio, Venedisq; An Vm-  
 briam, & Spoletum emigraret, ut mutata sede, navigationum occa-  
 siones effugeret. Sed fata ubiq; viam inueniunt. Inde enim Lauren-  
 tio Medice suprema ualitudine tentato, Florentiam accitus, adeo  
 iuani, aut certè fatali spe concepta, de salute decumbentis, occul-

tans atrocis morbi impetum contempsit, ut oblata ab alijs ex arte remedia rejiceret, & insurgentis nature viribus nihil uerendam morbi uim, facile cessuram polliceretur. Verum non diu post ab ea cunctatione, detecta malignitate pituitæ, agroq; sensim deficienti, superuenit Lazarus Placentinus Illustris Medicus à Ludouico Sfortia Ticino missus, sera quidem afferens remedia, sed oblique Leonium iam toti familiæ inuisum perstringens, quod neglectis morbi initijs, facillime curationis occasiones, temere contemnenus imprudentia deperissent. Per hunc modum, expirante Laurentio, Leonius ex Infamiae dolore, cominota mente, exitialem insaniam, lugentiumq; familiarium letale odium contraxit; Ita, ut in proximæ Caregio Villæ puteum, sponte an illata ui incertum præceps datus mergeretur. Fuisse qui Petri Medicis feruida ira mortem patris more barbaro uindictantis, id scelus admissum crederent, uic Actius Sincerus Etrusco carmine deplorauit: Sed nullum omnino præclarius patratis necis argumentum exortam inde suspicionem fouet, quàm ipsius authoris, per scelere ad iustam poenam interitus, quum ille à clade Gallorum ad Lyrim aufugiens in Ostio, fluctibus naue obruta, fœde perierit.

# INNI VITAE.

*DE M. timet Astrologus, sua fata, Leonius, undas,  
Et fugit e ripis magne Tumaue ruis;  
Illa, eadem frustra fugientem, aduersa sequuntur.  
Quæ, rapitur, tacita nobilis Arnus aqua:  
Hic, tu, florentem, medicis, Florentia, curis  
Præruptum, ô facinus, corripis in puteum;  
Astra representant sic funera, dum fugit ille, sita in tui, ruis  
Tucius, hunc poterant, quàm latuisse, poli:  
HERMOLAVS BARBARVS  
N. V. L. L. A. HERCLES CVIVSQ VAM Defun-  
cti insignis effigies, maiore merito, quàm tua in Musæo, specta-  
tur HERMOLAE Eruditorum omnium, omnibus numeris  
longè doctissime. Nouiscomensibus enim C. Plinium Secundum  
Cicem suum, ab Imperitis Inuidiosè surreptum, erudita, præcla-  
raq;*

raque sententia reddidisti; Eumque eductum tenebris, & multo squalentem situm, Immenso radiantis ingenii tui lumine penitus illustrasti, scilicet, ut recepta antiqua dignitate sibi persemilis in lucem prodiret; ac ea omnino quæ in Foro à Comensibus erecta est, dignus marmorea statua spectaretur. Sed tibi publico nomine debemus omnes, quod Themistium, tenebrosis Aristotelis operibus uiuido splendore lucem afferentem, Latino sermone donaueris, ut quantus esses in Physicis, Dialecticis, atque Rhetoricis tot nobiles exuberantis ingenii fortune testarentur; nec satis fuerit impeditisimam illam Geographiæ Syluam inaccessam multis, nullique penitus exploratam, glorioso labore penetrasse: nisi ex ipso telluris, & naturæ germinantis gremio singulas salutes, & noxias herbas, tradidisset, ac explorato Dioscoride agris mortalibus demonstrasset. Sed qui linguarum, & disciplinarum omnium difficultates euasisse uideris longè maximo etiam Inuicti animi præconio, infestam uirtutis tuæ inuidiam generosè superasti, quum te speciosis honoribus perfunctum, & tum supremam idcircoque grauisimam legationem, Romanæ agentem, Innocentius Octauus, admiratione uirtutis, Aquileensem Patriarcham renuntiasset, uel non probante Senatu Veneto, qui nihil, uel inusitate uirtuti, extrâ leges tribuendum censuerat, tulisti quippè æquo animo suffragiorum seueritatem, quum ex eo tamen, pari merito tibi purpura pararetur. Sed mors ante diem irrepfit, & pestilenti quidem morbo properata, adeo, ut quod à Piseco, Politianoque Florentia laboranti per dispositos equos mittebatur miræ potestatis antidotum, Veneni celeritate præuerterit, scilicet, ut nimis seuera patria optimi ciuis ossa non haberet, quæ sub colle hortorum ad Flumentanam portam sepulchro condita è Campo Martio, ab erudita Romana Iuuentute salutantur.

*BARBARIE M, Hermoleos latio qui depulit omnem*

*Barbarus hic situs est, utraque Lingua gemit.*

*Urbs Venetum uitam, mortem dedit Inchyta Roma,*

*Non potuit nasci, nobilius ue mori.*

## GEORGIVS MERVLA.

IN GEORGIO MERVLA Ab aquis staciellis Alexandrino ingenium subagreste, atque ideo ad Lucubrationum labores maxime

ualidum; nullisq; obiter uoluptatum illecebris lacescitum emaleuit,  
passim florentibus græcarum literarum studiis, quarum felici so-  
cietate antiqui decoris ornamenta Latina facultati tradebantur. Ob  
id uariæ eruditionis laude celebratus quadraginta amplius annos,  
cum Venetiis, tum Mediolani Iuuentutem docuit; In alienos sæ-  
pè Libros acerbius censuram exercens, quum sæpè Calderini, Ga-  
leotti, & Politiani errata, uel certè prætermittenda notare contenderet,  
publicatis annotationum Libellis, quibus latè nomini fama apud  
stupentes grammaticos quæreretur. Edidit etiam translationē Dio-  
nis de Traiani gestis: Sed petenti Ludouico Sfortiæ historiam per-  
scripsit, Vicecomitum Principum origines, & Bella continentem,  
sobrio quidem stylo, ac ex omni parte Latino, sed in quo Lectos  
res minus austeri peramœna diuerticula passim requirant: Ceterū  
postremi eius historię Libri meo iudicio iucundiores, æternum  
dormituri, denegata luce in abditis scriniis iacent, quum nemo ē  
generosa stirpe Vicecomitum omnino prodeat, qui sepultum fami-  
liæ, patriæq; decus in lucem asserere uelit; quandoquidem nemo fæ-  
rè sit ex ea gente, qui non spreto ueræ uirtutis nomine, ab incons-  
dito luxu decoxisse uideatur. Perit exacte ætatis senex, tonsillis  
fauces occupantibus, Politiano obiter uehementi metu liberato,  
quum in Miscellaneam eius centuriam; cohortes, & alas, quæ im-  
petu obruerent, emissurus esse diceretur. Ludouicus Princeps op-  
timè de literis merito, Iustum functis honorem persoluit, clatusq;  
est ad Ædem Eustorgiæ nam: & hoc Carmen sepulchro Lancipus  
inscripsit.

## LANCINI CURTII.

*VIXI* *Alis inter spinas, Mundiq; procellas,*  
*Nunc hospes Cæli Merula, Vno mihi.*

## POLITIANVS.

POLITIANVS à prima statim Iuuenta admirabilis inge-  
nii nomen adeptus est; quum nouo, illustriq; poemate Iuliani Mes-  
dici Equestres Ludos celebrasset, Luca Pulcio nobili poëta, om-  
nium confessione superato, qui Laurentii Fratris Iudicrum Eque-  
stris pugnae spectaculum, iisdem modis, & numeris decantarat. In  
id enim



id enim è Græcis , atq; Latinis delectos flores populo stupendos contulisse censebatur : Nec multo post Iuliano à Pacchiis in templo immaniter interfecto , eius uindictæ coniurationis historiam , Latine , ornatisimèq; perscripsit ; Profellusq; demum in Gymnasio græcas pariter , latinasq; literas , tantos de se excitauit clamores , fauente Iuuentute , ut Demetrius Calchondyles Vir græcus , præstantiq; doctrina , uti aridus , atq; Ieiunus à discipulis deferretur . Exinde Herodianum Romanè loquentem publicauit , cunctis haud dubie , crepta laudè , qui id generis munus ante susceperint , quanquàm amuli eam translationem , uti nos à Leone Pontifice accepimus , Gregorii Tifernatis fuisse dicerent ; quod passim , inducto furo , & falsis neuorum coloribus interlita alieni styli habitum mentiretur . Sed eadem præcellenti studiorum omnium ubertate florentem , post editam Miscellaneorum Centuriam ; publicatq; latina poemata , Immatura mors oppressit . Erat , distortis sæpè moribus , uti facie nequaquam ingenua , & liberali ab enormi præsertim naso , subluscoq; oculo perabsurda , Ingenio autem astuto , aculeato , occulteq; liuido , quum aliena semper irrideret , nec sua , uel non iniquo iudicio expungi pateretur . Ferunt , cum ingenui adolescentis infano amore percitum , facile in letalem morbum incidisse . Correpta enim Cithara , quum eo incendio , & rapida febre torreretur , supremi furoris carmina decantauit , ita , ut mox delirantem , uox ipsa , & digitorum nerui , & uitalis deniq; spiritus , inuerecunda urgente morte , deferrent ; quum maturando iudicio integræ , statq; ætatis anni , non sine graui Musarum iniuria , doloreq; seculi , festinante Fausto eriperentur . Vix enim quadragesimum quartum ætatis annum attigerat : Sed eo præpropere uitæ exitu , profecto felix fuit , quod imminentem conuulsæ Medicæ domus ruinam effugerit . Tumulo autem hoc carmen Crinitus discipulus affixit .

### CRINITI.

*HIC hic Viator paululum gradum siste :  
Vatem potentis spiritus nides : clarum :  
Qui mente promptus acri , & arduum spirans ,  
Ac summa quæquæ & altæ cōsequi suctus :  
Is ille ego Angelus Politianus sum .*

G Fouit

Fouit benigno me sinu flora, & illic  
In fata, cessi, Parthenopeos Reges  
Cum gallica arma irruerent minabunda.  
Tu uale, & hoc sis meriti memor nostri.

POLITIANI TVMVLVVS  
A BEMBO COMPOSITVS.

DVCERET extincto cum mors Laurente triumphum,  
Lætâq; pullatis inueberetur equis;  
Respicit insano ferientem pollice chordas  
Viscera singultu concutiente uirum.  
Mirata est; tenuitq; iugum: furit ipse; pioq;  
Laurentem cunctos flagitat ore Deos.  
Miserbat precibus lachrymas, lachrymisq; dolorem:  
Verba ministrabat libertora dolor.  
Risit; & antiquæ non immemor illa querelæ,  
Orphi tartaræ cum patuere uiræ,  
Hic etiam infernas tentat rescindere leges;  
Ferosq; suas, dixit; in mea iura manus.  
Protinus & flentem percussit dura poetam;  
Rupit & in medio pectora docta sono.  
Heu sic tu raptus: sic te mala fata tulerunt,  
Arbiter Ausoniæ Politiane Lyre.

INCERTI.

POLITIANVS in hoc Tumulo iacet Angelus, unum  
Qui caput, & linguas tres noua, tres habuit.

MIRANDVLA.

IOANNES PICVS MIRANDVLA Merito cōs  
gnomine Phœnix appellatus est; quod in cum, Dii superi supra  
familie

familiæ claritatem, omnis corporis, ac animi uel rarissima dona contulerint; Mira enim altitudine subtilis ingenii, decora facie, le-  
ctissimisq; moribus, & incomparabili, quum disputaret, aut scri-  
beret, facundia, omnes eius sæculi sapientes in admirationem sui  
facile conuertit: Grauisimo autem opere, nec dum absoluto, tan-  
ta eruditione, atq; uehementia Astrologos totius diuinationis uas-  
nitate confutata persecutus est, ut subtilium disciplinarum professo-  
res a scribendo deteruisse uideatur. In Eptaplo autem, dum sacra-  
rum literarum mysteria, diuino ore nobis recludit, & In Apologe-  
tico grauisimis disciplinarum omnium rationibus propofita ad dis-  
putandum, ingenii sui decreta defendit, se ipsum doctrinæ, atque  
memoriæ felicitate supergressus esse uidetur. Excessit è uita dignus  
Cælo, trium & triginta annorum Iuuenis, eo die tam celebri, quàm  
postea Italiæ maxime funesto, quo Carolus Galliæ Rex Octauus  
Florentiam est ingressus; scilicet, ut tanti funeris luctus, quum  
sub signis ornatus in pompam externæ gentis exercitus urbem in-  
traret, uel co inusitato spectaculo, & in tanta receptæ libertatis læ-  
ticia minime uinceretur.

### TIBALDEI.

IOANNES *Iacet hic Mirandula, cætera norunt,*  
*Et Tagus, & Ganges, forsan & Antipodes.*

### POMPONIVS LÆTVS.

IVLIVM POMPONIVM LÆTVM Sanæue-  
rina Illustri familia in Picentinis natum ferunt, adoq; insigni cura  
educatum, ut ex adultera Matre alioqui pudica, illudente ei Saler-  
nitano Principe genitus putaretur. Sed uigente demum bello, &  
labante fortuna principalis domus, animum ad literarum studia con-  
uertit, tâta antiqui moris amulatione, & naturæ temperantia opti-  
mas literas complexus, ut Romæ Inter præclara eius sæcula inges-  
nia conspicuus monstraretur; Nam Vallæ præceptoris æquata cru-  
ditionis opinione, locum exceperat; Sed eum mox Pauli Secundi  
Iniuria percelebrem fecit, quum literatos quosdam, & in his Plas-  
tinam, atq; Callimachum, tanquàm Impios, atq; maleficos tormen-  
tis excruciaffet; Nam è Ventiis Romam pertractus ad dicendam

G ii causam,

causam , perpetua uitæ Innocentia tutus nihil terreri potuit ; ut In-  
 tegro , constantiq; animo indigna fateretur : Veterum enim inges-  
 niorum illustria nomina sibi ipsis indiderant , quum in cœtu sôdas-  
 sium Laureati Musas colerent ; Ea nominum nouitate , Pontifex  
 elegantiae literarum imperitus , suspiciosusq; uehementer offendes-  
 batur , quasi id esset occulta coniurantium tessera ad obeundum in-  
 signe facinus . Xysto demum , Innocentioq; fauentibus in gymnas-  
 sio docuit incredibili nominis autoritate , auditorumq; frequen-  
 tia ; adeo ut ante auroram profitentem , Romana Iuuentus à media  
 statim nocte præoccupandis subselliis præueniret . Descendebat è  
 Quirinali sæpe solus , Diogenis more præferens Laternam , quum  
 opes contemneret , & lucunda frugalitate uenerabilis haberetur .  
 Simplici nanq; , & penè subagresti conuictu usq; adeo gaudebat ,  
 ut quum frequenti semper limine coleretur , Improuisi nobiles con-  
 uiuæ , non sufficiente eius puero per iocum admoniti coquinæ ma-  
 nus admouerent . Vnde perurbani sales , multaq; facetiæ sereren-  
 tur . Scripsit grammaticæ Compendium , adultis pueris utile , &  
 grauiore demum stylo seriatim Romanos Cæsares , gratisimòq;  
 Libello in antiquæ Urbis ruinis , uera loca , atq; uocabula demon-  
 strauit : Sed in suggestu summam laudem promeruit ; quod eo ma-  
 gis mirum uidetur , quum in familiari sermone hesitant lingua  
 balbutire esset solitus , nec orantem demum , aut clara uoce lecti-  
 tantem , ulla omnino oris titubantia deformaret . Septuagenarius  
 excessit è uita , quum gelidissimo Vini potu uentriculi calorem op-  
 pressisset ; Elatus est auditorum Insignium piis humeris , honestan-  
 te funus . Familia purpurata Alexandri Pontificis , & Laudante  
 Marso Oratore : quum uariis autem Elegiis tumulus ornaretur ,  
 Epigramma Pontani , consensu publico , locum obtinuit .

## PONTANI.

POMPONI Tibi pro tumulo sit Laurea Sylua ,  
 Ossa , Maris rores , Myrtæq; umbra tegant :  
 Teq; tegant , artusq; tuos uolæq; , rosæq;  
 Ver habeat , Zephyros spiret , & ipse cinis .  
 Stillet & ipse cinis , quas & Parnasus , & Antra  
 Thespia , & ipsa suas Aëra ministrat aquas .

CAL

## CALLIMACHVS.

CALLIMACHVS Antiquo nomine PHILIPPVS Geminiano Ethrurix Oppido editus Ingeniū lectissimis literis Romæ excoluit; nec multo post Indignam in fonte animo subiit calamitatem, quum Paulus Secundus Illustres academix sodales odio temerè concepto, tanquàm malignè conspirantes persequeretur; Ita, ut ipse ante alios desumpti græci nominis reus tormentis, & carcere pœnas daret; Ab ea autem Iniuria indignabundus in ultimas terras profectus Cassimiro Sarmatix Regi Ingenii operam obtulit. Is uirtute, fortunaq; Clarissimus; Sed Pontificii nominis hostis, quatuor Regum pater fuit; In honore tum erant optimæ literæ apud externos Reges uno præceteris Matthia Coruino studiis ac artibus eximiis liberaliter fauente. Itaq; Callimachus Alberto filio præceptor datur; à quo demum, post Cassimiri patris interitum ad summum familiaritatis, atq; potentix locum euectus est, tanta Personarum conseruatione, odioq; ut eum tanquàm Impium, & Molauicæ cladis authorem, Tyrannidemq; impotentis Imperio exercendam Regi suaderet aula extruserint. Maligno enim Iudicio nobilitatem quod Imperatix pecuniæ, & suscepto bello auersa esset, sicuti hosti obiectandam esse censuerat, ut nemo demum superesset, qui libertatis per manum traditæ lura tueretur. Sed Callimachus, uel Alberto absentis desiderium uix ferente, quod Inuidiam minimè sustineret, semi exul in uilla Sarmatica apud uterem amicis cum occultatus Fato cecidit, Ita, ut morte calata sine funere arefactus tepore Clybani in armario seruarietur. Id rescituit Albertus, & pietatis ergo, Cracouix in æde Trinitatis æreo sepulchro honestandum curauit. Præcipuum eius ingenii monumentum, extat historia exactissimè conscripta de Rebus gestis Ladislai Sarmatix, atq; Pannoniæ Regis, qui ad Euxinum Varnensi acie, ab Amurathe superatus interiit; adeo enim eleganter eius grauissimi muneris legeres impleuisse existimatur; ut omnes, qui à Cornelio Tacito, per tot secula id scribendi genus attigerint, meo iudicio superarit.

## IANI VITALIS.

*ÆNEA*, Callimachi, quæ circumplectitur ossa,  
Depositi meritis nobilis urna sui,

T. 1. 2

G iii Ænea

*Aenea sit quamuis, multo est pretiosior auro,  
 Ethrusci felix hospita Callimachi;  
 Ipsi etiam, Italia; tantum decus, auspice, adepti,  
 Ad sacra conueniunt busta Boristhemides:  
 Exultantq; mero, & choreis, referuntq; uicissim,  
 Dedicat hæc Crispo Sarmatis ora suo.*

## HIERONYMVS SAVONAROLA.

MEDICEIS GALLORVM Aduentu Florentia pul-  
 sis **HIERONYMVS SAVONAROLA** Ferrariensis  
 ex ordine Diui Dominici cucullatus usq; adeo austera uitæ disci-  
 plina, ac erudito subtiliq; ingenio, & in sacris concionibus, mira-  
 bili facundia ualuit, ut populum instaurandis religionibus dedi-  
 tum, & tum nouo receptæ libertatis gaudio gestientem, quo uellet  
 facile Impelleret, priuatissq; familiarum, ac ipsis quoq; summi Ma-  
 gistratus consiliis misceretur. Futura enim prædicere, ueluti diuino  
 adflatum numine credebant, quando nihil ualidius esset ad persuas-  
 dendum specie ipsa pietatis, In qua etiam tuendæ libertatis studium  
 emineret; Sed nonnulli optimates, astutis ingeniis adundo, cons-  
 sulendoq; eius auctoritatem in immensum adaugebant, tanta qui-  
 dem infania, quo illam sibi astruerent, ut ad Carolum Regem, Pis-  
 sas Legatus mitteretur, & integros quattuor annos Florentinorum  
 animis, ac opibus imperaret. Verum in eo christianis herclæ mor-  
 ribus, ac optimis literis ornatisimo, Ingenium ab occultâ ambitio-  
 ne, & nimio, exitiali q; proferendæ ueritatis studio inflammatum,  
 adeo æstuanter efferbuit, ut capitale iudicium de suspectis nobilissi-  
 mis septem ciuibus sæua sententia præcipitarit, moresq; Alexan-  
 dri Summi Pontificis Vesana declamandi libertate, quum acerbe  
 sugillaret, sacrosanctam potestatem in dubium deuocarit; quamob-  
 rem reus Maiestatis, deposcente Pontifice, concedenteq; Senatu,  
 & concrematis quidem templi foribus, nec incruenta irruptione  
 comprehenditur; Nam inimicæ factionis Ciues, damnatorumq; pro-  
 pinqui arma ceperant: In eoq; tumultu trucidatus est Franciscus  
 Valorius partium Princeps, qui maturanda Reorum necis author  
 extiterat, Cæterum de Sauonarola tormentis excruciato, confessioq;  
 Latronum more, in medio foro, miserabile supplicium est desum-  
 ptum, ita, ut strangulati corpus, ex templo cremaretur, diuerso quis  
dem

lem animorum habitu, quum alii ardentes odio, Iure execratum, atq; punitum succlamarent, alii uerò lugentes, tanquam indigna morte percipiti è rogo cineres religiosè colligerent. Eius autem Ingenii operum, præcipua cum laude legitur gloriosus Crucis Triumphus aduersus eius sæculi sapientes, garrulosq; Sophistas, Latine perscriptus. Vtramq; autem Pii, atq; impii nominis famam cumulatè promeruit; Si duobus contrariis cænotaphiis credendum esse censeremus. Sed alterum quod Liuidus effudit, honestus suppresset pudor, ne supra miserabilis supplicii dolorem, infantis fortasse uiri manes hac etià æterni carminis inurente nota crucientur.

MARC' ANTONII FLAMINII.

*DU M Fera flamma tuos Hieronyme pascitur artus,  
Religio sanctus dilaniata comas  
Fleuit; & o dixit; crudeles parcite flammæ,  
Parcite; sunt isto viscera nostra rogo.*

MARSILIUS FICINVS.

Q VVM Clarissimj Græcorum Theodorus, Argyropylos, & Trapezuntius, ueluti ex condito inter se distributis operibus in traducendo Aristotele ad non obscuram æmulationem uersarentur. Vnus Latinorum MARSILIUS FICINVS Diuinæ Philosophiæ amore Incensus, transferendi Platonis negotium suscepit, atq; perfecit; usq; adeo festinata felicitis ingenii fecunditate, ut pleriq; in pusillo eius corpore, quod uix semihominem æquaret, tantam uim inusitati spiritus, & tantas utriusq; linguæ facultates uisgere mirarentur: Nam eundem quoq; Insatiabilis studij tenorem secutus Plotinum, Iamblichum, Synesium, & Psellum Platonice Sæctæ nobiles authores Latinos effecerat. Hortante quidem Cosmo Medice, & mox tradita per manus summa uirtutis hereditate, Petro filio, & Laurentio nepote suffragantibus. Ex ea siquidè ornatisimæ domus liberali disciplina Ficinus honestis ædibus, persamænna Villa, sacerdotio, annuisq; stipendiis, atq; muneribus se se adauctum, & cumulatè perornatum sensit: Contemnebat enim maiores opes. Vir minime ambitiosus, & nitidæ, lucundæq; uitæ ad bonam frugem percupidus, quum unam studiorum laudem spectaret,

ret, nec ullis unquam contentionibus misceretur, quod rerum omnium, præterquam uini subdulcis uoluptates abdicasset, nulla quidem animi tristitia, quum esset omnino latissimus, sed exactissima ratione ad tuendam ualitudinem, sicuti deprehendere licet, ex Libris de Triplici Vita editis. Adeo enim morose sibi ad spem uite blandiebatur, ut sæpe eadem die, quum aer incalcesceret, aut aliquo spiritu moueretur, capitis tegumenta permutaret. Sed quum sodalium suorum acerba funera luxisset Laurentii, Hermolai, Positiani, Mirandule, qui uno anno perierunt, Landiniq; item, & Sauonarole in Caregiana ipsius uilla, septuagenario prouectior, febricula interiit, diro quidem omine, quum eodem die, punctoq; temporis, duo clarissima Italiae lumina Ficinum ipsum, & Paulum Vitellium summa, Inuictaq; uirtutis Florentinorum Imperatorem aliquantò certiore inimicorum rabie, quam noxa capitali supplicio damnatum uis ipsa fatalis extinxerit; & tum esset in alpibus Ludouicus Rex Gallorum, armatus irrumpens, ut singulas illustres domos, & ad unum ferè omnes Italiae principatus cuerteret.

## INCERTI.

*Mores, ingenium, Musæ, Sophiæq; sepulta est  
Laus hic cum magni corpore Marsilii.*

## INCERTI.

*En hospes hic est Marsilius Sophiæ pater,  
Platonum qui dogma, culpa temporum  
Situ obrutum, illustrans & Atticum decus  
Seruans Latio dedit: Fores primus sacras  
Diuinæ aperiens mentis ætus numine  
Vixit beatus ante Cosmi munere,  
Lauriq; Medicis, nunc reuixit publico.*

## GALEOTTVS MARTIVS.

GALEOTTVM MARTIVM Narnia genuit, robusto ingenio disciplinas omnes complectentem. Is Mathiæ Corui



no Pannoniæ Regi præceptor, Epistolarumq; Magister, & in castris Miles; & in Palestra multarum palmarum Athleta fortissimus operam præstitit, adeo feliciter, ut omnium horarum amicus, & comes haberetur. Scripsit Librum de homine, uaria eruditione, potiusquàm eloquentia mirabilem, in quem nō multo post inuectus est Georgius Merula grammaticorum exactissimus; Sed ea uehementia Galeottus se se defendit, uti Apologeticus priore Libro uarietate eruditionis multo uberior censeretur. Scripsit etiam, & malo quidem Infortunio, quoddam in sacra, moraliq; Philosophia, nā ex ea lectione, quum omnibus gentibus integrè, & puriter ueluti ex iusta naturæ lege uiuentibus æternos cœlestis auræ fructus paratos diceret, à cucullatis sacerdotibus accusatus, damnatusq; est; Sed eum periculo celeriter exemit Xystus Pontifex, qui in minori fortuna eius fuerat Auditor, non sine graui tamen contumelia; Nam in Foro Veneto ad geminas columnas ad Tribunal perductus est, ut id iudicium exortus in turba risus euerteret falso, ac repentino Galeotti dictorio excitatus: Nam quum forte ignobilis Venetus, è turba proximus strigosa proceritate, & impudica uxoribus probro insignis tractum ludibrio prapinquum porcum appellasset: extemplo Galeottus, reidentiq; ore pinguis, ait, porcus, quàm macer hircus esse malo. Erat enim Galeottus usq; adeo tumentis abdomine, ut quum sub uasto obesi corporis pondere, uel prægrandia iumenta fatiscerent, rheda curuli ueheretur: ac demum senex ad Montem Annianum circa Atellæ, aruina suffocatus intriret.

## INUITABILIS.

*HANC galeam hunc posuit Galeottus Martius enses  
Mars tibi, & hanc citbaram docto cum pectine Musis,  
Militia sanctus, decantataq; possi.*

## ELISIVS CALENTIVS.

*HVIVS ex Amphracta oppido semiappuli Musa, regnantibus Aragoniis Neapoli insignis fuit, uel illustrium Poëtarum æmulatione proposita. Tum enim Pontanius, Altilius. Grauius, &*  
*H Actius,*

Actius, immortalī ingenio præditi uates, diuina carmina factitas-  
bant. Sed Calentio amatoriarū uanitatē incendiis iuueniliter uſtula-  
to, æquo torrentior uena uti ſubitis impulſa caſibus, nequaquā  
liquidiffimè profluebat; in uarios alioqui carminum modos repen-  
tina largitate mirabilis. Adamauit eum unice à puero contuber-  
nalem Pontanus, ſuſpexit Altilius, Actius uero Syncerus meritis  
laudibus exornauit. Extant eius Elegiæ teneris affectibus peramor-  
næ, & Ranarum cum Muribus prælia homerico ſpiritu latine de-  
cantata. Dicaui eas uigilias Angelo Colotio ab eruditi ingenii  
candore uiro lectiſſimo, quem hodie uiuido ingenio ſenem, & ſa-  
crata inſula clarum ſalubris eloquentiæ præcepta in hortis ingenuè  
tradentem, Romana iuuentus colit. Moriens Calentius Lucium  
filium reliquit ad quem legitur epiſtola Pontani, ad paternos mo-  
res, ſtudiaq; eadem, adoleſcentem accendentis. Porro Calentius  
ipſe quum amore perditus, oblitusq; rei, elegis inanibus diu hæ-  
ſiſſet, Fortunam ſibi ad parandas opes deuiſſe ſero ſenſit, ut hoc  
ſuo carmine fatetur.

*Talia poſt cineres de me toto orbe legantur,  
Scriptaq; ſint tumultu carmina digna meo.  
Ingenium natura dedit, Fortuna Poëtæ  
Deſuit, atque inopem uiuere fecit amor.*

*Moriens autem hoc carmen inſcribendum Lucio filio mandauit.*

#### IPSIUS.

*Si tibi ſit felix, & fauſtum iter,  
Qui ſim diſcito paucis ſodes  
Hic ego uates iaceo Calentius  
Somno ſapiens graui,  
Donec me Tubicen cætheris excitet  
Vocans ad pias ſuperum ſedes.  
Legiſtin? amabo dic abiens uale.*

#### PANDVLPHVS COLLENCIUS.

*PANDVLPHVS COLLENCIUS Piſaurenſis ingenio peracri, & ſtudioſorum, rerumq; omnium eruditi notitia  
perornato,*

perornato, Nobilissimarum Italiae Urbium Præturas gesit; Functusq; grauissimis Legationum muneribus Illustri facundia, & gestu pernobilis latini Oratoris nomen impleuit: Caterum tanto ingenio temperantia deorat, ut nulla in arte summum laudis fastigium teneret: Infaciabili etenim cupiditate semper uagus in omnes discipulas ferebatur, cum esset ex professo iureconsultus: ut facile reliquarum facultatum Principes disputatione, scriptisq; lacefferet: quod nihil, nisi ualdè excellens probare esset solitus, & quæq; mediocria fastidiret. Indignatione siquidem superba, & ostentatione præcipiti Plinium aduersus calumniatorem Leonicenum disertissimè defendit. Scripsit & Libellum de Vipera: ac Item Facetissimum capitis & pilei Dialogum; Postremo etiam Neapolitanorum Regum res gestas Etrusco quidem sermone in gratiam Herculis Atestini, qui Latinas minime didicerat. Multa autem lætu iucunda, eleganter inchoata absolueri nequiuit, quum apud Ioannem Sforziam Pisarensum Tyrannum; quem depræhensis literis offenderat, supra ueterum officiorum memoriam, dissimulata recentis odii libido ualuisse: Vir enim incautè Tyranno fidens, ea nece indignus; in carcere strangulatus interiit.

## FERDINANDI BALSAMI SICVLII.

*Ignoscet Colenuccio Tyrannus*

*Mox illum necat: o scelus nefandum*

*Vincens scuitiam Neronianam.*

## IOVIANVS PONTANVS.

IOVIANVS PONTANVS Vir ad omne genus eloquentiæ natus Cereto Vmbriæ oppido metu profugiens, quod ibi pater à factionis ciuibus esset interfectus, Neapolim planè iuuenis, & inops contendit: Ibi enim liberali Alphonsi Regis studio, condita celebri bibliotheca literas in honore esse didicerat. Nec defuit honestus uirtutis locus Antonio Panhormita, eruditè ingenii uim admirante, is tum erat excellentis doctrinæ nomine Regii Scrinii Magister. Aspirauit demum his cæptis Fortuna, usq; adeo benignè; ut Ferdinandi Regis castra secutus, in demortui Panhormitæ locum sufficeretur. Vnde illi mox honestæ opes sed obsequii

*Flora*

*H ii fide,*

fide, ac merito, uti scripsit, inferiores nisi ad opimi muneris pro-  
uentum Ariadnae uxoris dotalis hereditas accessisset. Hac par-  
ta dignitate, liberiore ueluti studio, Musas per omnes numeros exer-  
cuit; tanta habilis ingenii fecunditate, ut neq. poetis, neq. Orato-  
ribus, qui tum maxime florent, dignum secundae famae locum  
relinqueret. Erat austero supercilio, & toto oris habitu subagrestis;  
sed stylo, & sermone perurbanus, quum sapissime uel in seriis mul-  
to cum sale iocaretur. Habitus tamen est in omni censura quamquam  
absolute pius supra æquum mordax, uel eo quod non homines mo-  
do sibi notos, sed gentium, & urbium quoq. omnium mores acer-  
ba scribendi libertate perstringeret, sicuti ex uariis dialogis, Cha-  
ronte q. praesertim intemperanter ostendit. Sed in pangendo carmi-  
ne, quam texenda prosa cultior, atq. sublimior multis uidetur, quā  
doquidem in historia non semper integra grauisissimi incessus digni-  
tate ad eius muneris disciplina deflectisse existimari possit, quum po-  
stea ab Hesperidum hortis Citriorum suauissimis odores spirans,  
atq. inde diuino carmine in altum euectus, ad illa ipsa excelso ore de-  
cantata sydera propius accesserit. Vixit annos septuaginta septem.  
Fato autem functus eodem mense, quo Alexander Sextus Ponti-  
fex uita excefferat. Tumulatus est in Sacello ab se sepulchri cau-  
sa constructo e Regione Daualorum domus, ubi Elogium ab se com-  
positum in marmorea tabula spectatur.

*Viuus domum hanc mihi parauit*

*In qua quiescerem mortuus.*

*Noli obsecro iniuriam mortuo facere,*

*Viuens quam fecerim nemini.*

*Sum etenim Iouianus Pontanus,*

*Quem amauit bona Musa,*

*Suspexerunt Viri probi,*

*Honestauerunt Reges Domini.*

*Scis iam qui sim, uel qui potius fuerim,*

*Ego: uerò te, hospes, in tenebris noscere, nequeo;*

*Sed te ipsum ut noscas, rogo, Vale*

**MYRTEI.**

*Quod tuos sydera clara, ceterosq.*

Flores

*Flores hesperidum hortulis utrentes  
 Versibus cecinit laboriosis,  
 Pontano date sydera alma lymphas  
 Vos horti date ferta, quæ sepulchrum  
 Ornent perpetuo cadente flore,  
 Spargant perpetuo cadente rore.*

# MARCI ANTONII FLAMMINII.

*Quæ cecinit claro fulgentia lumina cælo  
 Pontani doctis versibus Vramia,  
 Phoebe, tuis magnam lucem addidit ignibus, utq;  
 Nunc melius nitcant sydera cuncta, facit.*

## MARCVS ANTONIVS COCCIUS SABELLICVS.

MARCVS ANTONIVS COCCIUS Sabellius ad Vicum Varronis in uia Valeria, iuxta Anienem Fabro Ferrario patre genitus ingentem, & propè ferream suam ingenii ad perdiscendas literas attulit, tanto prouentu, ut planè imberbis apud Tyburtes ludum aperiret. Inde uero, collecta mercede, & togula cærulea excultus nobilioris doctrinæ cupiditate in Urbem ad Pomponium se contulit, à quo uberrimi ingenii merito in collegium sodalium solenni cerimonia coopatus, Sabellici cognomen tulit; Mutabat enim nomen, qui in Quirinali sacra lauro coronabatur. In ea schola, quod censura literarum acerrimis iudicium ingenii ageretur, multum sibi de incondita, & subagresti Latine Orationis exuberantia detraxisse fertur. Nec multo post, Roma excedens Vtino in oppido non procul ab Aquileia, nobiles Regionis adolescentes docuit: Parta demum insigni nominis fama, quum Regionem uetus stas autoritate percelebrem lepide descripsisset; decantato etiam uersibus carnico incendio, & deplorata clade Soneiaca; idcirco cum Vicentini celebritate nominis exciti, ambitiose, duplicato stipendio conduxerunt; nec ibi diu mansit, euocante Senatu Veneto, ea conditione, ut ciuitatis res gestas à fine Iustiniani conscriberet, & trecentis aureis in gymnasio profiteretur, in hoc munere periculum iuuentuti operam præstitit, quum in altero adulatione parum sobria

SYM H iii rerum

rerum ueritatem adumbrasse uideretur; Sed in Enneadibus omnium  
temporum, ab orbe condito memoriam complexus, uti necesse fuit,  
ingenti operis instituto festinanter indulgenti, res Illustres praclara  
cognitione dignissimas perobscura breuitate adeo uehementer offu  
scauit, ut excitatam uberrimo titulo legentium cupiditatem pasim  
eluserit, quum omnia in aceruum angustissime coarctata, nequa  
quam certa effigie; sed exiguis tantum punctis, & lineis annotata  
designentur. Id susceptum munus nauiter secutus scribendo ad ses  
ptuagesimum fere annum peruenit, gallica tunc, ex uaga Venere  
quæsitæ non obscure consumptus. De sepulchro autem, Viuens,  
& incolumis, tempestiue sibi cauit; scilicet degeneri filio diffusus,  
quem ex concubina susceperat, compositumque ab se carmen lapidi  
insculpsit, insigne quidem, & meritum Elogium, sed certe hone  
stius, si alieni ingenii pietas inscripsisset.

*Quem non res hominum, non omnis ceperat ætas,  
Scribentem capit hæc Coccion urna breuis.*

#### LAVRENTIVS LAVRENTIANVS.

LAVRENTIVS LAVRENTIANVS Aliquan  
diu Florentiæ, & Pisis Philosophiam, Medicinamque Professus, in  
genium elegantibus literis deditum ad traducendum Hippocratem  
conuertit, quod Theodorus Gaza alioqui diligentissimus interpres  
circūscripti Authoris Laconismis minime serio respondere uideret  
tur. Extant & eius eruditæ lucubrationes in Galenum, Medicinæ  
Principis arcana perobscurè interpretantem. Sed in commentario  
num cursu planè miser atrabile correptus est. Empturus enim do  
mum ea pactione tertiam præti partem numerarat, ut, nisi intra sex  
tum mensem totius summæ pecuniam repræsenteret, Arrabonis  
pecunia lucro uenditoris amitteretur. Aduentante uero die, quum  
multa ei aduersa spem fefellissent, diffusus amicorum liberalitati, &  
iacturæ dolore percussus, animum despondit, In profundumque  
puteum se coniecit. Sub id tempus quo Petrus Soderinus erecto  
populari dominatu, tanquam Dictator perpetuus, summa cum mo  
deratione, Florentinæ Reipublicæ præsidebat.

## MYRTEI.

*SPE* deftitutus commodum sibi domum  
*Parandi*; & angustè magis, quàm patria  
*Florentia* natum ædibus mirabili  
*Decebat*, infelicem agens uitam miser  
*Laurentianus* se puteo in præceps dedit  
*Angustiori*; ne sepulchrum largius  
*Esset* cadenti, quàm fuerat uiuo domus:  
*Quæ* nunc parata literis illi patet  
*Talis* polo, qualem nequeat orbis dare.

## ANTIOCHVS TIBERTVS.

**ANTIOCHVS TIBERTVS** Cæsena's ingenuus  
 puer, à milite in ulteriorem galliam perductus, amore literarum  
 Lutetiæ confedit, non abnuente hero, ut docilis ingenii adolescens  
 optimis literis imbueretur; Post aliquot autem annos inde rediens  
 in Italiam, profiteri cœpit diuinatorias artes Magiæ proximas. Ele-  
 ganti enim Libro de Chiromantia edito tantum nouæ famæ pro-  
 meruit, ut insigni concursu, à curiosis, & anxiis de toto uitæ for-  
 tunæq; euentu consideretur; nam ad corroborandam eius disciplis-  
 næ authoritatem, opportuna bonarum artium præsidia contulerat,  
 usq; adeo solerter, atq; feliciter, ut Viri doctissimi planè conscii de  
 uanitate incertæ artis, id asseuerarent, quod uulgi testimonio cre-  
 deretur. Primus enim post Petrum Aponensem Magiæ peritiam ces-  
 lebrem, duobus sæculis iacentem, & à cucullatis explosam artem  
 excitarat, tribus etiam Libris de Physiognomia, & Pyromantia cõ-  
 positis, ea tamen opinione ut nequaquàm ex arcano artis auidissi-  
 mo cuiq; futura prænoscenti rerum abditarum euentus prædiceret,  
 sed ex miræ prudentiæ coniectura, tanquàm illustri ratione demon-  
 strare putaretur. Prædixerat Guidoni Balneo, cui in togata Gal-  
 lia propter inusitatum militaris animi uigorem, guerra cognomen  
 tum fuit, atq; item Pandulpho Malatestæ Ariminensium Tyrana-  
 no, ex uolæ manus lincis, futurum esse, ut hic pelleretur patria,  
 & dominatu; exulq; in extrema egestatis miseria periret; Ille uerò  
 ab insigni amico, perfidia suspicione necaretur. Memorabili hercè  
 non omnino incertæ artis argumento, nisi Antiochus imminentem  
 uitæ

uita suæ exitum ignorasset, de quo tamen, sed fatali deceptus ho-  
ra minime dubitarat. Interfecit enim Pandulphus sui metu, uel  
Bentiuoli socri iussu nimium sauius à suspecta uirtute uirum, for-  
tem quamuis amicum, & partium ducem, ac ipsum Tiberium cu-  
stodia tradidit, ut ex euentu, supplicio seruaretur; sed quum oc-  
cultam, exitio fata uiam aperirent captiuus, & compedibus nexus  
custodis arcis filiam mollis animi puellam ita orando, & blandien-  
do ad misericordiam, amoremq; pellexit, ut ab ea restem impetra-  
ret, & in fossam demitteretur; Sed compedum sonitu prodita fus-  
ga miser retractus, & pari sorte cum puella, securi percussus interiit:  
Nec in Pandulpho pradicentis fidem eadem fata fefellerunt, quan-  
do omnium egentissimus in hospitali diuersorio desertus à liberis,  
scutia infamis, ac egestate, senex miser perierit.

### FLORIDI SABINI.

*Exilium domino quod uaticinare potenti,  
Dira morte insons perderis Antioche.  
O Miseras artis, quæ non docuere salutis,  
Cum tibi monstrarint hæc quoque mortis iter.*

### PHILIPPVS BEROALDVS.

BEROALDVM Inter nobiles grammaticæ professores  
summi nominis celebritate, & incredibili auditorum frequentia Bo-  
noniæ docentem externa præsertim iuuentus effusè mirabatur, quum  
ex multa lectione, feliciq; memoria, abstrusæ doctrinæ opes uenui-  
sto oris gestu proferret, & interpretando intacta ab aliis auidè se-  
ctaretur. Cupiebat enim obscuris authoribus lucem dare, & ranci-  
dæ uetustatis uocabula iam planè repudiata à sanis scriptoribus in  
usum Romanæ Linguae reuocare, uti apparuit ex commentariis in  
Asinum Aureum Apulei: cuius familiaritate, horridum eloquen-  
tiæ genus, peruersa quadam libidine induerat, ita ut honestæ au-  
res illud asperum impuræ nouitatis mirari primo, & mox admittere  
cogerentur: Sed ingenio maxime liberali, & perhumano, hæc  
obsoleta, & ridenda doctioribus opportunè condecibat, ea fama, ut  
qui omnia didicisse, & sedulo docuisse uideri potuit, in delectu pin-  
guis, & supinus euaserit. Obiit non planè senex, paulo post id tem-  
pus,



pus, quo Bononia terremotu concussa est, & Tyranni Bentiuoli domum mirabili subsecuta calamitatis praefagio, dira fulmina percusserunt. Exceptit doctrinae hereditatem, eiusdem nominis fratris filius. Is nitidior ingenio, quum ad poëticam se contulisset, dignas aeternitate Odas conscripsit, Indeque a Leone Pontifice in intimam familiaritatem est receptus, Collata ei Vaticanæ Bibliothecæ praefectura; sed paratis honoribus, immatura mors celeriter inuadit.

### MYRTEI.

*Sæpè novos linguae mirata Bononia flores  
Non alios legit, quàm Beroalde tuos.  
Te nunc amisso languent cum floribus horti,  
Et flet delicias ad Tumulum illa suas.*

### HERCVLES STROZZA.

HERCVLES STROZZA Ferrariensis Tito poeta genitus patrem longo intervallo carminum nobilitate superauit. Illi lustrum enim quædam lepore generosi, & solertis ingenii in aula Principis adeo clarus eminebat, ut præter grauioris consilii munera, in quibus egregiè prudens, & paratus erat, Theatralium etiam ludorum, ac omnis elegantiae arbiter censeretur; nec quicquam de cultu corporis, sumptuosisque munditijs, & splendore uitæ Aethestinis iuuenibus concederet. Sed cum, ac ciuilibus Magnificentiae laude florentem, amatorijsque uanitatibus intemperanter deditum, ille impositus Deorum, ac hominum dominator, ut Fabulae ferunt, Cupido saeuus in præcipitem locum arripuit; Concepti si quidem amoris insaniam, adeo perditis sensibus alebat, ut multa, ac erudita largitione, tenerrimisque carminibus summi nominis matronam colere aliquantò præcaciùs quàm liceret minimè ueretur, qua improbitate, si non molestus palàm, grauis tamen quibusdam in arcano esse coeperat, quum tot illecebrae una illa morum eleganti libertate male tegerentur, ob idque ab odiosa obtrectatione timeri inciperet, quanquam luxato olim poplite claudus, nec alioqui plane formosus

Ius esset, aut iuuenis, prævalida scilicet apud Zelotypos suspitio-  
ne, quum ille inter iocos cum feminis ad eleuandam cruris defor-  
mitatem, lepidò exemplo diceret, non insulam esse Venerem, quæ  
Vulcanum probe Virum, & quanquam loripedem libenter admittere-  
ret. Sed demum Tauressam illustrem forma, & natalibus uiduam,  
usq; ad eos, diris auspiciis, admauit, ut quum Riualem haberet im-  
potentem Tyrannum cum ea fatales nuptias faceret, ut pudore  
coniugii repulsus Riualis arceretur; Sed id non tulit Vir atrox, &  
superbus breuiq; Hercules, dum à Cornadomum noctu mula re-  
ucheretur interfectus est, neq; cædis quisquam auctorem, silente  
Pratore nominauit.

### BEMBI.

Te ripa natum Eridani Permissus alebat;  
Fecerat & uatem Marsq; Venusq; suum.

Inicere manus iuuenti, & fatalia duris

Stamina pollicibus persequere Dea

Vxor honorata manes dum conderet urna;

Talia cum multis uerba dedet lachrymis;

Non potui tecum dulcem consumere uitam;

At iam adero amplexans te cinerem ipsa cinis.

### TIBALDEI.

HERCULIS hic Strozza tumulus, quem condidit uxor:

Tauralle matrens Barbara gentis bonos

Plus dederit quamuis, non hæc Mausole, meretur

Plus tua fortuna, hæc non pietate minor.

### BARTHOLOMEVS COCLES.

BARTHOLOMEVS COCLES humiligenere Bo-  
nonie natus, ingenio; nec mediocribus quidem literis imbutus, sed  
à cælesti quodam munere diuino, ac admirabili uaticinandi artes  
curiosè,

curiose, atq; feliciter excepit erectas nuper, ac illustratas ab Antiocho: se enim Metoposcopum, & Chiromantem profitebatur magno hercle Astrologorum pudore, qui laboriosis genituræ suppurationibus sæpissime fallerentur. Publicarat enim ingenti fama codicem cum effigie linearum, characteres, & notas artis continentem, ut & hac quoq; liberalitate tanquàm promulgato totius doctrinæ mysterio, ignaras uitæ euentus curiosorum mentes circumduceret, ualido hercle accedente patrocinio Achillini summi Philosophi, qui luculento prohemio aduersus artis calumniatores, Coclitis scripta, tanquàm insigni galea muniuerat, usq; adeo studiose, ac appositè, ut intertextis passim ex physica ratione quibusdā neruis, probe constituta, uallataq; uel inanis facultas una iam nec ignobilis liberalium artium, acclamatione publica censeretur; & eo quidem clariore authoris exultimatione, quod ipsius Antiochi, & Corui Mirandulae placita grauib; argumentis, tanquàm incerta conuellerentur, Ita pronis ad credendum auribus, ut multi stabilis aliqui prudentiæ, ab hoc adumbratæ rationis præstigio circumducti, penderent ab ore Coclitis, & de priuatis rebus statuerent, quandoquidem quotidianis prædictionibus, futura tanquàm præsentia sentirentur. Extat de his præclaræ, ac admirabilis fidei catalogus ipsius Coclitis manu perscriptus, de iis, quibus uaria uiolentiæ mortis pericula denunciauit, exactissimo post eius interitum fortunæ obsequentis euentu comprobatus. Quo fit, ut inè quòq; inueteratæ exercitatio nis in hac luce Romana non facile credulum senem, in sententiam adducat ipse exactæ ætatis, & integræ iudicii Lucas Gauricus, quum ingenuè fateatur se à Coclite seuerè, amiceq; admonitum, ut uiolenti cruciatus causas effugeret, quum id ipse, sui natalis, negligentia patris, ignarus, ex syderum scientia anteveruisse nequiuisset, à Ioanne enim Bentiuolo arreptus, & ex præalta troclea suspensio fusne quinque quassatus, ideo pœnas dederat, quod excessurum partria, & dominatu in eius anni prognostico pronunciaisset. Sed alioquanto acerbior non irritæ diuinationis pœnam Cocles promeruit; quum inuitus, & planè coactus Hermeti Tyranni filio, dixerit Futurum esse, ut exul in acie caderetur. Non tulit sanguinari Hermes fatali metu percutus, uel prouocatam oris libertatem, iussitq; Copono, ut Cocles tanquàm futuris inferiis suis expiando dolori uictima, mactaretur. Præuiderat necis discrimen Cocles: ideoq; secreta galea caput munierat, Ingenti gladio, quem peritissime ambabus manibus regebat, semper armatus sed fatales

insidias uitare non potuit , quum à personato baiuli habitu Copo-  
no , dum seræ ostiî , calculo iniecto præpeditæ clauem infereret , ad-  
acta in occipitium securi sterneretur , non aliam quoq; patrati facis  
noris causam asserente Copono , quàm quòd ipsi Cocles , breui , &  
secelste homicidam futurum edixisset .

GV IDONIS POSTHVMI. COPO,  
NVS LOQVITVR.

QV IS melior Vates? Quis Coclite uerior augur?

Falsa canit , atque hæc cogit habere fidem .

Grande mihi nuper scelus , ac graue crimen inussit ,

Quale uel ipsius pectus habere neges .

Puriter exegi tamen , ac sine crimine uitam

Hactenus , ille autem dicere uera solet .

Quid nam hoc Phœbe igitur? Certè illum baud multa se fillit

Linea , quam heu nostras damnat habere , manus :

Nanque ubi ob hoc nostra cecidit malus ille securi

Cæpi ego , ne falsum diceret , esse nocens .

IOANNES COTTA.

IOANNES COTTA apud Alieniæ pontem , id est  
oppidum supra Athesim , humili genere ortus , præcaltum in literis  
ingenium ostendit , in agresti enim ore , generosi spiritus indoles ,  
ita latitabat , ut in sermone , scriptoq; mira felicitas emineret : hauserat  
enim pertinaci studio , euolutis utriusq; linguæ optimis authori-  
bus , tantas eruditionis opes , ut à stupenda memoria clarus haberetur , &  
antiquæ dignitatis carmina perscriberet . Aperuerat Ludum ,  
Laudi Pompeiæ , quòd ibi nupta erat eius Matertera . Sed demum  
indè Neapolim ad Pontanum se contulit , secutusq; aliquandiu San-  
seuerinum , & Cabanilium procures , transiuit ad Liuianum Vene-  
torum Ducem , qui Musarum liberalis hospes Academiam in agro  
Taruisino ad Portum Naonem instituerat , euocatis in contuber-  
nium præcellentibus poetis , in quibus longè demum clarissimi ( præ-  
ter Cottam ) Fragaſtorius , Naugerius , & Hieronymus Borgius  
cuaſerunt . Ad Abduam autem , ex ipsa Gallorum uictoria , Liuias  
no

no fuso, captoq; Cotta, insigni pietate, se totius calamitatis, & carceris comitem obtulit, Sed Galli inhumana acerbitate, non miscro tantum comitem: Sed Libros, & calamum, ac omnia denique tenebrofi otii solatia denegarunt. Impleuit alterum officii munus Cotta: susceptisq; à Liuiano mandatis, quum ad Iulium Pontificem Viterbium peruenisset, paucos post dies, oborta pestilenti febre, octo & uiginti annorum iuuenis interiit. Epigrammata, ac Orationes eius extant; Sed Chorographia opus nobile uersibus inchoatum, & in Plinium, erudita scholia perierunt.

## ACTII SYNCERI.

*SPERABAS tibi docta nouum Verona Catullum:*

*Experta es duros bis uiduata deos.*

*Nulla animum posthac res erigat: optima quando*

*Prima rapit celeri parca inimica manu.*

*Quæ tamen, ut uidit morientis frigida Cottæ*

*Ora: suum passa est crimen, & erubuit.*

## MARCI ANTONII FLAMINII.

*Si fas cuique sui sensus expromere cordis,*

*Hoc equidem dicam pace Catulle tua.*

*Est tua Musa quidem dulcissima, Musa uidetur*

*Ipsa tamen Cottæ dulcior esse mihi.*

GEORGE DOLBY

## PETRVS CRINITVS.

*PETRVS CRINITVS* iucundo, eruditoq; ingenio iuuenis, quum à crispa patris coma, Ethrusco nomine Riccius uocaretur, idq; nomen fastidiret, Crinitus appellari maluit. Is non iniquo iudicio habitus est inter Politiani discipulos disertissimus. Extant enim, præter non illepida poemata Libri de honesta disciplina, supra uiginti peramœna, & copiosa uarietate delectabi-

cauq;

I iii less

les : ac item quinq; de poetis Latinis , laboriose cruditeq; perscrip-  
ti . Mortuo Politiano , patritiorum iuuenum , qui ingenua literis  
excolebant ; uel genere , & censu impar promeruit , ut apud eos , &  
sodalis , & magistri munus adimpleret . Nobiles enim adolescentes  
more Socratis adamandos , pariter ac erudiendos , corporis , ac ani-  
mi pulchritudine ductus pradicabat . Sed tanta familiaritas nequa-  
quam certis grauitatis , atq; modestia finibus descripta , contumeliae ,  
ac item exitio locum aperuit . In Scandiciana enim Petri Martellii  
Villa , post hylarem coenam , quum petulantis conuiuui manu inter  
iocosam rixam frigida cantharo perfusus obriguisset , insolentis in-  
iuria dolore saucius paucis diebus interiit , eo quidem sodalium gra-  
uiore poenitentia , acerbiorq; iactura , quod nondum quadragesi-  
mum aetatis annum attigisset .

### MYRTEI.

*Priscos poetas uiuere  
Crimite dum doces , obis .  
Ergo tibi superstites  
Debent poetæ non minus :  
Ipse amplius nihil uolens  
Debere , dono carmine  
Hoc , te sepulchro conditum .*

### HIERONYMVS DONATVS.

#### ENIT VIT IN HIERONYMO DONATO

Patritio Veneto supra oris , atq; staturæ dignitatem , senatoria pru-  
dencia singularis , præcellenti doctrinæ præsidio , & multo rerum  
usu constituta . Attulisse siquidem uidetur in omnem actionem ,  
mores longè lectissimos , & præclaris disciplinarum omnium lūmi-  
nibus illustres , quibus postea Iulium Secundum Veneto nomini  
grauiter iratum , & conspirantibus externis Regibus , saeuo bello  
Maiestatis iniuriam uindictantem , non leniuerit modo , sed impe-  
trata pace , istoq; fodere conuerterit . Quo felicis ingenii supremo  
opere , iam penè conuulsum radicibus eius Reipublicæ statum , se-  
ptennio

ptennio restitutum uidimus; Sed industrie suæ fructum sentire non potuit, pauloante Romæ morbo extinctus, quàm Gallus grauis hostis Italia pelleretur. Verum, ex ea Legatione, eximia laus totius Italici iudicio parata, perpetuis annalibus ad posteros transmittitur, nec erit ingrata patria, quin meritum decus optimo ciui, instaurata nominis memoria perfoluat. Monumenta eius ingenii digna luce, quod publicis occupationibus absolui nequiverant, Filii suppresserant, edito Libro aduersus Græcos, uanisimè de sacrorum principatu cum Romano Pontifice contententes. Legitur etiam Libellus Alexandri Aphrodisei, de intellectu e Græco in Latinum puriter, ac appositè traductus. Extant etiam aliquot Epistolæ, multa styli grauitate conscriptæ, ex his ea præsertim, qua gallici Fœderis compedes Maximiliano Cæsari exuendas persuadet, altera qua concussæ ingenti terremotu Cretæ insulæ, quum ipse præsideret, clades, terroresq; describit.

### MYRTEI.

*Donate diuom munere.*

*Fudisti ut orbi neclaris,*

*Quantumq; manat gratia*

*Duino ab ore colitum,*

*Seruasti, & exul patriam;*

*Dus restitutus deuuo*

*Orbi querenti deseris.*

*Nul præter ossa, & Lacrymas.*

### ALEXANDER ACHILLINVS.

ALEXANDER ACHILLINVS Bononiensis accuratus Auerrois interpres, quum Patavi Philosophiam proficere-  
tur, solidæ, constantisq; doctrinæ famam obtinuit, vel ipso Pon-  
ponatō acri amulo insidiosa ambitione, scholam eius depopulan-  
te. Erat enim à summa ingenii simplicitate ambiendi, adulandiq;  
proptus imperitus, usq; adeo, ut falsæ, petulantiq; iuuenturi, quan-  
quàm doctrinæ nomine in honore esset, ridendus uideretur, & tum  
maximè, quum deambulare undulatis passibus, coccina in toga  
exoleti moris, astrictas scilicet habente rōnicas, & nullis a tergo  
defluentibus

defluentibus rugis Lutrina pelle fimbriatas . Renidentiq; semper fronte , & sermone pingui , uel incepti , uel contemplantis ingenii uicia fateretur : sed amulum in corona , ueteratorie disputantem , & risum falsa dicacitate sepius excitantem , ipso inuicto doctrinae robore superabat ; Ediderat enim iam pridem ex peripatetico dogmate singulos Libros , de Elementis , de intelligentiis , & de orbibus , secutus opiniones Auerrois , quibus totius ingenii sui fama nitebatur . Concidente autem Patauino gymnasio , inter exorti belli strepitum , Bononiam reuersus , excessit e uita , quum nondum quinquagesimum expleuisset annum . Tumulus eius cum hoc carmine in aede Diui Martini conspicitur .

### UNIVERSALIS.

*Hospes Achillinum Tumulo qui quæris in isto  
Falleris , ille suo iunctus Aristoteli  
Elysium colit , & quas rerum hic discere causas  
Vix potuit , plenis nunc uidet ille oculis ;  
Tu modo , per campos dum nobilis umbra beatos  
Errat , dic longum , perpetuumq; uale .*

### BERNARDINVS CORIVS.

NON EST CVR BERNARDINVM CORIVM MEDIOLANENSEM quisquam cruditis contemnat , & irrideat ; quod immensum rerum gestarum uolumen , in condito , ac inepto sermone perscripserit . Honesto enim loco natus , & gloriæ cupidus , quum pro ingenii captu Vernacula , idiotisq; familiari lingua uteretur , optimam ciuibus suis attulit uoluntatem , idq; unum scribendo respexit , quod curiosis , aut nobiliore facundia , scripturis maxime prodesset . Atq; inde nominis , ac industriae Laus ad posteros proferretur . Nam si Cæcili Plinii testimonio historia quouismodo scripta delectat ; quod lux temporum , Nuncia ueritatis , & Magistra uitæ censeatur ; huic cui suo plurimum profectio insubres debebunt ; qui ingenuo labore intercisam , & plane sepultam grauisimarum rerum memoriam diligenter inquirendo , consuendoq; ad singularem utilitatem posteris repræsentauit . Fuit enim uir amantissimus Patriæ , & nusquam factiosus , minutiarum adeo



adeo diligens indagator, ut quum historia, studiosis perutilem, & iucundam afferat uoluptatem, nihil morosis, & delicatis officiat. Nam in enarrandis rebus, quibus ipse interfuit fide, & diligentia mirus agnoscitur; quando eum in aula splendide uersantem, & ex secretioris Archiuii copia, opportunè adiutum nusquam arcana fefellerint. Perijt Gallis Mediolano potitis, ante sexagesimum ætatis annum, Ludouici Principis, & Ascanii Cardinalis calamitate perturbatus. Publicauit historiae uolumen uiuus, priuato sumptu, ac ob id graui Rei familiaris damno, quoniam dum spectare gloriam uideri uellet, refarciendi sumptus, noui quæpæ lucri inanem spem, astuta chalcographorum persuasione concepisset. In Sepulchro eius, tale inscriptum carmen legitur.

### INCERTI.

*BERNARDINE tibi insubres debere fatentur,  
Non minus ac Magno Roma superba TITO.*

### MARCVS ANTONIVS TURRIANVS VERONEN.

QVAM uides Marci Antonii Turriani Veronensis effigiem nullis idcirco interlitam picturæ coloribus, sed carbone tantum, atque unis umbrarum sinibus diliniatam, hoc loco dicauimus quod ille diuino præditus ingenio, dum exactæ ætatis, inueteratæque auctoritatis medicinæ professores interpretationum subtilitate superaret; prius inimiti fato Gymnasiis est creptus, quam admirandæ utilitatis, exquisitæque doctrinæ inchoata opera absoluerentur. Elaborabat is proficundo simul, atque secundo damnatorum cadauera, Anatome uolumen ex placitis Galeni, quo Mundinum rudis sæculi scriptorem, & Zerbum in eodem negotio delirantem iugularat. Hic est Zerbus, qui ambitioso, avaroque ingenio, quum accitus grandi pecunia penetrasset ad Triballos, ut Schenderbassam recenti, & lusciosa in Euganeos irruptione clarissimum intercute morbo liberaret; nec demum quod inflatè promiserat morienti præstaret, à barbaris seruis, ut domini manibus ea scilicet uictima parentarent, tradidatus interiit, ita ut lepide Turrianus in eum iocaretur quum libri eius errata dispungeret, quasi iure concisus esset, quod magna

K discendum

discientium iniuria perperam secundo cadauera, ipse uiuus meritam talionis poenam subisset. Natus est Turrianus ex ea perillustri familia quæ ante ducentos annos Insucribus imperarat, patre peracuto, excellentiq; medicinæ professore, ita ut non mirum sit ab ineunte ætate in eadem educatum disciplina multo maturius quàm quisq; alius ad primos suggestus honores Patauii, & Ticini peruenisse. Præferebat os maximè uenustum serena quadam comitate occurrentium animos alliciens; uerum docendo, & disputando mirus, prolati Græcis authoribus, pudendos errores, & uitæ quidem exitiales ostendebat, in quos medici ex herbariæ facultatis, ac Anatomes inscitia cecidissent. Hoc eximio præceptore in Gymnasio Ticinensi studiorum nostrorum uigilias pro concione laudante de liberalibus disciplinis, atq; arte medica lauream, & annulum comprobatae dignitatis ornamenta accepimus. Nec multos post menses quum ad ripam Benaci lacus secessisset pestifera febre Tringintatium annorum iuuenis creptus est, quum Iulius Pontifex in pseudo Cardinales fauentesq; eis Gallos uictricia arma in luctuosum utrisq; Raunenatis pugnae euentum expediret. Luxere Turrianum cuncta Gymnasia, & diuturnis quidem lachrymis. Nemo enim eo in literis absolutæ uirtutis illustrius specimen, nemo certiore consummata gloria spem dederat. Ad meritos autem titulos Veronæ nobilitumulo inscriptos, Nicolaus Archius hoc lepidum carmen apposuit.

### NICOLAI COMITIS ARCHII.

*Ante annos sciuisse nocet, nam maxima uirtus  
Persuasit morti, ut crederet esse senem.*

### LANCINVS CVRTIVS.

LANCINVS CVRTIVS Mediolani honesta ortus familia, inter Merula sectatores græcè, & latine doctissimus euas sit; sed quadam uolucris, nec plane sana ingenii libertate, per omnes scientias euagatus, nusquam ad integrum decus constitisse uidetur, utpotè qui passim utroq; stylo, & scaber, & obscurus dissipato uariæ doctrinæ lumine, euoluisset cuncta uolumina uideri mallet, quàm puri, & circumscripti Poëtæ nomen appetisse. Eius enim sylux, quæ iam pridem in publicum exiuerunt, quanquam densa  
illa,

illa, & peragressi arborum luxuria, uti maxime frondosa; alteq;  
surgentes quibusdam placere possint; præpeditibus tamen uepris  
bus horridæ, inaccessæq; existimantur, adeo ut Urbanus lector res  
formidata situs nouitate, in limine hæreat. In libris porro Epigrams-  
matum uidere est in multa duritie nonnunquam molles facetias, quæ  
risum falsè permoueant. Sed hoc multo iucundius, atque lepidius  
consecutus uidetur, quum præpingui in subrum lingua scite nume-  
ros iocanter effunderet. Anguineos etiam, quos uocant, uersus mi-  
ris modis & numeris conformabat, ita ut recto, & conuerso quoq;  
ordine quadrati Epigrammatis introrsus exempta uerba aliud car-  
men efficere, quod priori sententiæ per costas, & diametros ex  
obliqua serie mirabiliter arriderent: inani hercle, & planè ridenda  
cum laude, quum tanto sudore delirantis ingenii ab inepta, & res  
dis litterarum studiis exitiali uoluptate, fama quæreretur. Caterum  
contentus paruo, sibiq; soli (uti sæpe dicebat) & genio suo uiuens,  
& cœlebs, & liber sine labe nominis ad senectutem peruenit, nihil  
obiter immutato uetere cultu, quum cæteri ciues non obscura cons-  
fessione seruitutis aduentu Gallorum, peregrinam induti uestem, &  
capillum ad aurem subtondentes, cum pristino more togatum, pro-  
lixæq; comatum petulanter irriderent. Moriens de sepulchro sibi cas-  
uit, quod in templo Diui Marci extra Beatricem portam cum uera  
effigie, & hoc carmine spectatur.

STEPHANI DULCINI CRE-  
MONENSIS.

*EN uirtutem mortis insciam,  
Viuere Lancinus Curtius  
Sæcula per omnia,  
Tantum possunt Camœnæ.*

BAPTISTA MANTVANVS CARMELITA.

BAPTISTA Carmelitani ordinis Princeps, Mantuæ ex  
Hispaniola gente honesta, uerum ex damnato coitu natus, naturam  
ad carmen attulit, uerum insatiabili hebraicorum studiorum cupidi-  
tate ita occupatam, ut quum magnus & admirabilis in omnibus  
uideri contenderet, in excolendis Musis curam, ac diligentiam re-  
mittere

mittere cogeretur; quibus unis non dubius ad aternitatem gradus parabatur, si certa laude contentus, in reliquis inane nomen tempestiue contempnisset, Sed incidit in ea tempora, quibus nullus mediocribus poetis locus erat, reperit tamen sibi amulum incondito furoris Consalvi Magni res gestas decantantem cuius explosione claresceret. Is erat Cantalicus pro bono Poeta ab optimo Duce mediocris etiam uirtutis amantissimo liberaliter ditatus. Verum & hunc, & ipsum quoque Carmelitam desumpto eodem argumento, Grauius maxime partem laudis loco strenue deturbauit, quum incohatum Poema nobile, Pontano, atque Actio censoribus recitasset. Caterum Carmelita satis ad laudem fuit, quod per quindecim secula neglectos a ciuibz Andinos fontes salubriter ebiberit, scilicet ut fatali monitu limpidioris eius aquae Siphones Latio, ac Hippolyto Capilupis fratribz monstrarentur. Octogenario maior Mantuae decessit non plane felix, quum in extremo uitae actu defensionem contra Criticos scribere cogeretur, qui eius Poemata Obeliscis non inanibus misere confodisset. Sacrato Poetae mortuo cucullati eius ordinis sacerdotes, prolixè parentarunt: Federicus autem Princeps marmoream effigiem cum laurea posuit, quae in arcu lapideo, iuxta Virgilii Maronis simulachrum, Pia hercle si non ridenda comparatione conspicitur.

### MYRTEI.

*Alter hic iacet à Marone Vates  
Natus Mantuae, & is quidem Poetae  
Dignior titulo, nisi incidisset  
In Fluctus uarios scientiarum  
Quo Musas Coluit minore cura  
Primus hic tamen à Marone natus  
Mantuae coluit Poeta Musas,  
Andinosque bibit sacro ore fontes.*

### FRANCISCVS MARIVS GRAPALDVS.

**QVVM PARMENSES.** Post exactos Gallos ad Iulii Pontificis auctoritatem se contulissent **MARIVS GRAPALDVS** à praestanti facundia, & insigni corporis proceritate Legionis

gationis Princeps: Luculentam de laudibus inuicti, optimiq; Pontificis habuit orationem, ediditq; item pari argumento carmina eximia grauitatis: quo demum officio appositè, ac eleganter patriæ præfinito, honoris causa Lauream à Pontifice de manu, erudito capiti impositam solemnî cerimonia, in Vaticano consecutus est. Exindè tanto honore, alacer, Musas, tanquàm non obscure propitias uehementius lacesiuit, ut ex publicatis poematibus ostenditur. Sed multo uberius, & latius ingenii famam propagauit, edito Libro de partibus ædium, quo per optimas disciplinas perornatum diligentî cultura ingenium demonstrauit. Fato functus est in patria post quinquagesimum ætatis annum, quum interiores meatus, emittendo lotio globosior calculus obstruxisset.

### GEORGII ANSELMI.

*E* meritam hic laurum Anides, plectrumq; Lyramq;  
Grata tibi ex merito turba Grapalde dicat.

*V*t tumuli misera erexit leue nomen inanis,  
Soluît, & ad uacuos, ut sua iussa rogos.  
Nam te, nec fas est humili cohibere sepulchro  
Tam rara insignem qui. Struis arte. domum.

*R*edditæ ubi doctis uoces, uulgoq; receptæ,  
Haud dubiam faciunt non obuisse fidem.

### IANI VITALIS.

*T*u Grapalde tibi magna pro molè sepulchri

Erigis ingentem, perpetuamq; domum

Occupat illa suis immensum finibus orbem

Atq; sublimis sycdera tangit apex

*E*t merito, nequè enim tumulo tua gloria claudi,

Cum uolitet mundi claustra perampla, potest.

### THOMAS LINACRVS.

THOMAS LINACRVS ex insula Britannia ad perscendendas græcas literas in Italiam profectus, Florentiæ Demetrium

& Politianum audiuit, eaq; enituit morum suauitate, atq; modestia, ut à Magno Laurentio liberis suis, familiari studiorum consuetudine quanquam ætate maior socius adderetur. Inde uero multis uariæ doctrinæ ornamentis adauctus, quum Romana quoq; ingenia certius agnoscenda, ac opulentiores bibliothecas inspiciendas existimaret ad urbem contendit. In primo autem appulsu forte accidit, ut Hermolao Barbaro amicitia iungeretur. Nam ingressio Vaticanam bibliothecam, & græcos codices euoluenti superuenit Hermolaus, ad plutumq; humaniter accedens, non tu herelè inquit studiose hospes, uti ego planè sum, Barbarus esse potes, quod lectissimum Platonis Librum ( is erat Phædrus ) diligenter euoluas; ad id Linacrus lato ore respondit, Nec tu sacratè heros, alius esse iam potes, quàm ille, fama, notus Patriarcha Italorum Latissimus: Ab hac amicitia ( uti casu euenit, feliciter conflata ) egre giis demum uoluminibus ditatus in Britanniam rediit: datusq; est præceptor Aréturo Regis filio: cui dicatam Procli sphaeram legimus. Transtulit demum, ex felici uigiliâ Galeni Librum de uita uale tudine, quum in arte medica æquè doctus, & fortunatus spectaretur. Verum, ab eo munere, ueluti quæstuofo, potius quàm ad parandam perennem gloriam nobili; refugit ad antiqua optima rum literarum studia reuocatus societate Latomæri, atq; Gracini, qui constituto Triumuiratu, ad immortalem laudem; uertendum Aristotelem communicato labore susceperant; Sed Gracinius, ad oblatum sibi sacerdotij a decreto, fidèq; discessit, & Latomerus consilio, excussus est; ita, ut Linacro egregiæ uoluntatis decus maneret apud Henricum Octauum, Sexagesimo autem, & quarto ætatis anno, ex dolore disruptæ herniæ, uita excedens, honestam domum, Londini Medicorum collegio dedicauit.

## INNIUITALIS.

*Dum Linacrus adit Morinos patrisq; Britannos*

*Artibus egregius diues ab Italia,*

*Ingentem molem saxorum in rupibus altis*

*Congerit ad fauces alte Gebenna tuas,*

*Floribus hinc uiridiq; struem, dum fronde coronat,*

*Et sacer assyrias pascitur ignis opes;*

*Hoc tibi ait mater studiorum, o sancta meorum.*

33 III 21

Templum

*Templum Linacrus dedicat, Italia;*  
*Tu modo cui docta assurgunt cum Pallade Athenæ*  
*Hoc de me pretium sedulitatis habe.*

## ANTONIUS NEBRISSENSIS.

**HISPANIA** per mille amplius annos, uandalicis, punis-  
 cisq; armis occupantibus Latinarum literarum splendore caruit,  
 alioqui non obscura telluris, coeliq; temperie maximorum ingenio-  
 rum ferax, si Lucani, Senecarum, Sili, Martialisq; memoria res-  
 colatur: ut hic Auerroem in Arabica lingua, sapientiæ lumine cla-  
 rissimum omittamus: Hispaniæ enim proceres, totaq; nobilitas  
 peruersam opinionem de literis induerant; sic, ut earum studia, quæ  
 pro libertate aduersus externas gentes dimicarent, publica conspi-  
 ratione damnarentur, quasi aliena, importunaq; uirtuti bellicæ, qua  
 una salus, & libertas omnium certiore laude pararetur: Sed post  
 punicum nomen, uirtute Ferdinandi Regis Hispania pulsum An-  
 tonii Nebrissenfis ingenium emicuit par antiquis grammaticis si-  
 par fortuna sæculi anhelanti ad ueterem laudem opportunè respon-  
 disse. Hic Nebrissæ, quæ olim Veneria fuit, ad Bethim natus,  
 scribendo & docendo iuuentutem, admonitis, castigatisq; natu-  
 maioribus, ad antiquum decus literarum uehementer erexit. Con-  
 stat enim eum, literarum amore spontè exulantem, ferè totius Ita-  
 liæ gymnasia collustrasse; collegisseq; dignos nobili uoto, græcæ,  
 latinæq; linguæ thesauros: quibus terra, patria ditaretur. Dicebat  
 enim proceribus ad arma natis, sero exactæ artis, & disciplinæ  
 exempla, uel longo usu percepturos, si literarum lumine carerent;  
 quo uno stolidè sublato, tota bellica laus celeriter euanescit, & in-  
 tercidit. Paucis itaq; annis, effectum est, ut nemo, qui literarum  
 studium reformidaret, satis nobilis haberetur. Ipseq; Antonius,  
 non secus de restitutis, postliminio literis, quàm Ferdinandus, Gra-  
 nata capta, Maurisq; pulsus, gloriose triumpharet. Scripsit inge-  
 ni cursu orsus à grammaticæ præceptis omnes ferè liberales disci-  
 plas, & sacras literas peruagatus, multa uolumina, quæ extant.  
 Expectatur autem summæ utilitatis Dictionarium, quo Latine,  
 græcè, ac hebraicè linguæ documenta continentur, ab hærede si-  
 lio, hæctenus impie suppressum, quum & ipsa quoq; penè ad exis-  
 tum perducta, Bethici Belli historia in lucem non prodeat: Oppres-  
 sit

fit cum repentina Paralyfis, quum ad septuagesimum septimum atatis annum peruenisset: tanto quidem corporis, ingeniiq; uigore, ut nihil de studiorum labore omnino remitteret: & ut natura muslierosus, ad supremum usq; diem ueneris uteretur: Obiit sub id tempus, quo popularibus ulterioris Hispaniæ ad arma cõsternatis, aduersus Belgas præfides, tanquàm auarè imperantes, grauiter est tumultuatum.

### MYRTEI.

*Me putat æternum saxo posuisse sub imo  
Æcerba mors, & fallitur.  
Non ingrata etenim mea gens uolitare per ora  
Dat, & per oras omnium.  
Hæc mihi pro reduci studio, latiusq; camænis  
Certe trophæum non minus,  
Quam tibi pro Mauris debet Fernande fugatis  
Et pro recepta Bætica.*

### BERNARDVS BIBIENNA.

HOMO Valdè mirus in utraq; fortuna extitit BERNARDVS DIVITIVS in oppido Bibienna, undè ei cognomen, ad summas Aretinorum alpes natus. Is à pueritia inter Medicæ familiaris clientes, primum solertis industriæ locum meritis, Leoni patri pulso, atq; exuli, singulari fide comes fuit, & consiliorum quidem omnium particeps: in multa enim, & uaria rerum commutatione, diuturnoq; usu grauissimarum actionum peracutus, efficax, & quod unum in aula maxime conducit, iucundus ueterator euasferat; ita, ut eum Leo rerum potitus inter propinquos maturato honore legerit in Senatum magno si quidem adiumento fuisse constabat in comitiis ad promerendas suffragatorum uoluntates, quum antea nobilissimis Cardinalium hero conciliatis, ad petendum Pontificatum, expeditam uiam, astuta quadam Urbanitate muniuisset. Conuiuia enim in quibus erudito luxu certabatur, miris facetiis condire, seria iocis miscere, adulari, resq; arduas dissimulante conficere solitus, ingenium nusquam absurdum, aut ineptum, in otio pariter, atq; negotio feliciter afferebat. Scripsit admirabili lepore Comædiam



Comcediam Calandram, quæ acta est in Vaticano Ludis Luperca-  
libus, per nobiles comcedos Romanæ iuuentutis, in gratiam Isabel-  
le Mantuani Principis uxoris, usq; adeo docti apparatu, ut nis-  
hil ad elegantiam theatralem, ab eximio Poëta Comico doctius atq;  
facetius compositum, aut magnificentius in Scena editum, consi-  
teri liceat; nisi tum cæteris partibus sacra purpura pudorem, expres-  
sisset; quum tamen à minus seueris dignitatem attulisse putaretur.  
Abdicauit in eà numeros primus, ut uernaculos sales dulcius, atq;  
liquidius feminarum auribus infunderet: quo multi risus hilarior  
uoluptas excitaretur. Id enim unum peti, quatriq; debere à nō in-  
sulso poëta diserebat, quod in Terentiana Scena, Verecundi salis  
prudenciam admirari quidem, non satis possint spectatores, ridere  
certè nequeant, quod nullam, uel crudite fabulæ inesse gratiam  
putaret, nisi ab excitato populo, mixtus cachinno plausus reddere-  
tur. Perit non planè senex, quum è, Legatione gallica in urbem  
redisset intempestiua ambitione, ad Pontificatum aspirans, si Leo  
uti in fatis erat, uita excederet, quod ei Rex Franciscus, ex proli-  
xa pollicitatione suffragaturus crederetur, id multo iunior, habituq;  
uiuacior Leo, in imbecillo sene adeo indignanter tulisse fertur, ut ip-  
se Bibienna, tabifico ueneno ex Frixis ouis, de manu in mensa por-  
rectis, se petitem suspiciosius, quàm decebat existimaret, inani cer-  
te argumento, quod insignium medicorum, uel iterata, exquisitaq;  
remedia minime profecissent.

## BOCCARINI ARETINI.

*Trunca fides, lugent Charites, periere lepôres*

*Desipere sales, desipere ioci.*

*Lurida nimirum mors, quæ Urbi inuidit, & orbi,*

*Diuitium immiti funere corripuit.*

*Purpureos meruit titulos. Romæ occidit, ortus*

*Est Bibiennæ, hoc te scire sat hospes erat.*

## IASON MAINVS.

IASONI MAINO MEDIOLANENSI, uti ip-  
se in gentiliis insignibus præscribere solebat, uirtuti fortuna cō-

L mes

mes non defuit; natus enim ex concubina nequaquam eodem cultu, quo æquales propinqui, sed eodem pedagogo sibi tantum imitanti; atq; aspero utebatur, ut ab eo familiariter audiuimus, ex hac schola; missus Ticinum ad ius ciuile perdiscendum; primo anno ita ingenium ad uitia, illamq; supra cætera pestilentem aleam deflexit, ut cum hospite decoqueret, & iuris codicem in membranis scriptum magno emptum pretio fœneratori tradere cogeretur. Ipse uero demum sordida in toga, capite tonso, quod id tinca deformis obsideret, ridiculus uidebatur; Sed maturè, & peracerbè castigatus, se ipsum collegit, bonæq; frugis personam, nequaquam mentitus, tanta contentione in studiis disputationibusq; se se exerceuit, ut doctores ipsi, æqualisq; iuuentus, eum adeo celeriter, atq; feliciter profecisse mirarentur. Exinde suggestu dignus, institutiones enarrauit, concessitq; demum Patauium: Sed inde, quum secunda fama profiteretur, euocante Ludouico Sfortia Ticinum reuersus est. Ab eximia tum grauitate, atq; facundia summi oratoris laude fruebatur: nam optinuis litteris, usq; ad poëticum decus instructus, dicta, scriptaq; lepidissime condiebat, canoram uocem, ualida lætera, gestum oris excellentem, ad suggestum afferens, explicati & perillustres, solidiq; doctoris nomen tuebatur; consultoribus pretio grauis uideri poterat, nisi pecuniam acceptam si causa decidissent; liberali pactione, se continuo redditurum profiteretur: me audiente interrogatus à Ludouico gallorum Rege, cur nunquam duxisset uxorem, ut te commendante inquit, Iulius Pontifex, ad purpureum galerum gestandum, me habilem sciat. Audiuerat enim honoris causa eo die aurata in toga proficentem, Rex ipse quinque Cardinalibus, & centum proceribus subscellia implentibus, quum Genua subacta, de Lyguribus triumphasset. Ea enim lectione dignitatem equestrem ob spectatum in acie facinus de manu Regis traditam, accendendæ uirtutis ergo ad pòsteros manare diffiniuit. Mortuus est Ticinii ualde senex, extructa nobili domo, emptisq; in Placentino Latifundiis: Suburbano autem in templo Diui Pauli sepulchrum cum his titulis ostenditur.

## DARDANI PARMENSIS.

*Quis idcèt hoc hospes tumulo? Quis? Summus Jason.* ORAI

*Ille nē Frixæ uellere diues ouis?* Clarior

z m J

*Clarius hic illo longè est. Quis nam oro? Magnus,*  
*Excellens iuris gloria Cæsaret.*  
*Non fuit hoc quisquam iuris consultior alter,*  
*Qui extinctum posset reddere ius melius.*  
*Sed tamen hoc summi uetuit mens dia parentis,*  
*Cæsaribus cupiens usque fauere suis.*  
*Te auduit, o nimium felix, qui iura legentem,*  
*Damnantemq; acri plurima iudicio,*  
*Nec tamen infelix, tua qui monumenta reuoluit,*  
*Et memori condit lecta, fouetq; sinu.*  
*Et quanquam obloqueris plebs inuuda, solus Iason*  
*Hic legum nodos difficiles soluit.*  
*Amorum sic fama omnem uulgata per orbem:*  
*Ille mitis belli laude, sed iste togæ,*

## CHRISTOPHORVS LONGOLIUS.

CHRISTOPHORVS Longolius Maclinæ Belgicæ  
 sacerdote. Antistite genitus, & Lutetiæ in scholis frugaliter educa-  
 tus, partis disciplinarum omnium peramplis opibus, aureo Leonis  
 principatu Romam uenit; adeo dissimulata ingenii professione, ut  
 rubro pilco, & alstricta penula scini germani militis habitum menti  
 retur, quippe cui mens erat auidè peregrinanti priscae felicitatis mo-  
 numenta spectare, scrutari ingenia, Bibliothecas excutere, atq; illud  
 demum eruditæ censuræ iudicium, quod frustra alibi, quam sub Ro-  
 mano Cælo quæritur, certius, atq; liquidius adipisci; sed intranti  
 gymnasium, & acutè disputanti, non insulsi literarum professores  
 celeriter, & comiter personam detraxerunt, ita, ut mox honestissimi  
 Ciues Romani Flaminius, Tomarotius, & Marius Castellanus alter-  
 na hospitii liberalitate intra penates receptum triennio aluerint, eiq;  
 uirtutis merito Romanæ ciuitatis ius, & nomen impetrarint. Verum  
 aliquantò post, emerfit liber execrabilis maledicentiæ ueneno delibu-  
 tos, quem iuuenili declamatione perscripserat Romani nominis anti-  
 quæ decus Barbaro liuore proscindens: infremuit Populus Romanus  
 ea cõtumelia perturbatus, Celso Mellino adolefcète clarissimo, genero  
 la oratione in Capitolio, tâquam reū Maiestatis accusante. Sed Lon-  
 L i i golius

54  
golijs totius aulæ clementia præmunitus, duabus orationibus publicatis se se eo nomine defendens, iudicium populi subterfugit, quod nequaquam malignitate animi; sed more sophistarum, exercitationis studio materiæ difficilis, ac insolentis; ideoq; damnata spei argumentum desumpisset, scilicet, ut sodales eius temere suscepi muneris, uel infelicem audaciam mirarentur. Transiuit inde Patavium, his præsertim actionibus claritatem consecutus. Adhucq; Petro Bembo, & mox Reginaldo Polo Britanno, in quorum hodie sacra purpura summam pietatem, atq; doctrinam ueneramur. In eius contubernio, quum ingentibus uigiliis Libros aduersus Lutherum disertè, & grauitè incohatos elaboraret, editis iam ad imitationem Ciceronis Epistolis, febre consumptus est. Tumulum autem, hoc carmine Bembo honestauit.

### BEMBI.

*Te iuuenem rapuere Deæ fatalia nentes  
Stamina, cum scirent moriturum tempore nullo  
Longoli, tibi si canos, seniumq; dedissent.*

### AVRELIUS AVGVRELLVS.

NON EST cur miremur in pusillo corpore uiuacissimi hominis AVRELI AVGVRELLI præaltum ingenium enituisse. Fit enim plerunq; natura, ut innati spiritus uis ipsa collectior parvæ compaginis membra aptissime regat, & quod mentis est ad excogitandum plenius, atq; ualidius illustret. Is Arimini natus, uitam in literis perdiscendo, docendoq; ad octogcesimum tertium ætatis annum, feliciter extendit, Venetiisq; imprimis habitus est, multo doctior, & purior, quàm quisquam alius, qui Latinis, græcisq; literis, priuato quodam officio, ac ob id quaestuosiore proficeretur. Extant eius Ode plures, & pauca Elegia Romana simplicitate decantatæ, sed iambico uersu à paucis hætenus prospere tentato, uisus est ad antiquæ laudis metam propius accessisse. Nos uisimè ridendus ille morbus certæ egestatis, & casu laboris comes, curiosus ingenij familiaris totum homunculum occupauit, metalla & succos in abditis fornacibus recoquẽtem, ut ex argento uiuo concretum, & ductile argentum ad cudendam monetam efficeret, & admirabilem

admirabilem abditarum natura rerum massam conflando, purum inde aurum crearetur. Sed ea cura inani uoto suscepta, nequaquam magno damno ei cessit, quum ingenium ab irrita spe ad factitanda carmina uerteretur, ut fallacis, & irritæ artis certitudinem, carminum autoritate demonstraret; quum ipso conscientia pudore inanis artifex proderetur: Scripsit enim Chrysopoem ad Leonem auri contemptorem, ut prodigè utenti ad alenda ingenia, festosq; & planè Regios sumptus, inexhaustæ opes, sine iniuria humani generis, abundè suppeterent. Edidit etiam Geruntica, Petro Lipomæno discipulo dicata, quem hodie, Veronenses, uirtutis merito, Antistitem uenerantur. Taruissî, ubi flamen erat, quum ad Forum in taberna Libraria disputaret, apoplexia correptus, subito interiit. Depicta est Tumulo effigies, cui hoc ipse carmen subscripserat.

2VME IPSIVS.

*AVRELII Augurelli imago est, quam uides,  
Vni uacantis literarum serio  
Studio, & iocoso, dispari cura tamen:  
Hoc, ut uegetior sic fieret ad seria;  
Illo, ut iocosis uteretur firmior.*

GVIDO POSTHVMVS.

GVIDO POSTHVMVS Pisarenfis lepidus, & comi, argutoq; ingenio poëta, quum Elegias, & uariis numeris carmina factitaret, in aula Leonis conspicuus fuit. Patebat enim ea liberaliter, meridianis præsertim horis, quum Citharedi cessarent, his omnibus, qui cruditi suauitatis oblectamenta ad ciendam hilaritatem intulissent: Sed benigna Principis manu sæpè donatum, & non insulsè ad honores aspirantem Regius inuasit morbus, ex moribunda Patriæ sede procul dubio conceptus. Medici suaserunt, ut Capranicum secederet Sutrini agri uicem, aëris salubritate per celebrem; atq; ita humanitate, ac indulgentia Herculis Rangoni Cardinalis, cuius opibus familiariter utebatur, eo deuectus est. Verum non multo post exusto, lenta febre, toto uiscere, uel adhuc uenis, uim morbi, fatiq; sustinere non potuit, in Æde Diui Francisci tumulatum, poëta sodales his carminibus prosecuti sunt.

## TIBALDEI.

*Posthumus hic situs est, ne dictum hoc nomine credas  
In lucem extincto quod patre prodierit.  
Mortales neque enim talem genere parentes  
Calliopea fuit mater, Apollo pater.*

## IANI VITALIS.

*Quærite nunc alium Musæ, quem semper ametis.  
Qui vos semper amet, Posthumus occubuit.*

## NICOLAUS LEONICENVS.

NEMO PROFITENTIVM, MEDICORVM,  
NICOLAO LEONICENO Vicentino uera salutaris  
scientiæ dogmata purius, atq; nitidius explicauit. Nemo errores So-  
phistarum importuna garrulitate cuncta fœdantium, eloquentius,  
atq; ualidius confutauit: Nemo eo demum ad illustrem certioris  
peritiæ fidem longius, atq; salubrius uitam produxit. Primus enim  
græca Galeni uolumina latine interpretando studiosis perdiscenda  
demonstrauit, Imperitorum latratibus, publicatis summa eloquen-  
tia commentariis occurrerat, ut potè qui ab incunte atate, optimis  
literis deditus, ingentes opes capax, & maxime constantis inge-  
nii ad illustrandam medicinam contulisset. Cibi enim, & uini ma-  
xime abstinens, somniq; minimi præsertim, uero ueneris cōtinen-  
tissimus, usq; adeo mollioris uitæ uoluptates abdicauit, ut pecunias,  
luxurie instrumenta, nec agnita quidem monete nota contemneret;  
oblatum, & nulla delectum cura cibum caperet; nec unquam de for-  
tuna quereretur, quod unam uir acutus studiorum laudem respiceret;  
nec opportuna mediocris uitæ subsidia benignitate Ferrariensium  
Principum Hercules, Alfonsiq; filii sibi defutura prospiceret:  
Eum hercle perfectum stoicum putasses, nisi honesto ori liberalis  
hilaritas affuisset. Edidit cruditum, & perelegantem Librum, qui  
Romanus Medicus Antisophista inscribitur, quum antea de ordi-  
ne trium doctrinarum, & de uirtute formatiua perutiles Libellos  
publicasset; Dionis quoq; historia, & Luciani Dialogi, uernacula  
loquentes

loquentes lingua, Herculi Latinarum literarum imperito mirè placuerunt. Peruenit ad nonagesimum annum integerrimis sensibus, uegetaq; memoria, nec incurua quidem ceruice, quum esset statum celsioris, & sine scipione uenerabilis. quum ego aliquando comiter ab eo peterem, ut ingenue profertet, quonam arcano artis uteretur, ut tanto corporis, atq; animi uigore uitia senectutis eluderet, uiuiscum inquit ingenium, perpetua, loui, uita innocentia, salubre uero corpus, hylari frugalitatis prafidio facile tuemur; Tumulus eius in Atrio adis,

### MYRTEI.

*Cui neque sat fuit, & terras euoluere, & undas,*

*Quæq; arcana tenent flumina, terra, mare;*

*Dum rerum causas latè uestigat; & agra*

*Morborum reuocat corpora collue:*

*Nunc Leoniceus tegitur paruo aggere terra:*

*Cuius utramq; uolat fama per Hesperiam.*

### PETRVS POMPONATIVS.

PETRVS POMPONATIVS Mantuanus, in philosophia præceptor meus inter Peripateticos illustres primum suggestus locum obtinuit: Enarrabat enim Aristotelem simul, ac Auerroem suauis, & præclara uoce; Elocutione autem emendata, & leni quum proponeret; uolubili, & concitata quum infringeret; porro quum diffiniret, atq; decerneret, adeo graui, sedataq; ut auditores in subselliis scriptitando, explicatas sententias notis exciperent. At in coronis; confessuq; doctorum, quum exercitatione perutili ad Prætoriani porticum disputaretur, ita mirus euadebat; ut sæpe accipici, & cornuto Achillini enthymemate circūuentus, superfuso factiarum sale aduersarii impetum, ex illis gyris, & macandris explicatus eluderet. Erat pusilla admodum, sed quadrata corporis statura, capite nulla ex parte enormi; uel insulso, ut pote oculis ad omnes animi habitus aptissime paratis, & intentis. Exorto bello Veneto, post Achillini mortem, Bononiæ professus est; ubi cucullatos sacerdotes contra se in caput, & nominis famam uehementissime concitauit;

concitauit; edito scilicet uolumine, quo animas post corporis mortem interituras, ex sententia Aristotelis probare nitebatur, secutus Aphrodisi placita, cuius dogmate ad corrumpendam iuuentutem, dissoluendamq; Christianæ uitæ disciplinam, nihil pestilentius induci potuit: quamquàm in exemplo dudum fuisset, qui pariter scriptis assentiretur, uir sanctissimus, atq; doctissimus Thomas Caietanus Cardinalis. Scripsit etiam de fato, & de incantationum occulta potestate. Sexagesimo autem tertio ætatis anno, stranguria oborta Bononiæ, Fato functus est: relatusq; inde Mantuam, nobile sepulchrum, Herculis Gonzagæ Cardinalis, erga ciuem, & Magistrum, liberali pietate promeruit.

## INNIUITALIS

*En animarum ingens globus, en legio omniuiagantum,  
Quas tu perpetua luce carere negas.  
Mortuus, ut discas æternam has uiuere uitam,  
Ad cineres ululant Pomponiatæ tuos.*

## ANDREAS MARO.

NVLIS OMNINO certioribus lineis, nulloq; exactiore pennicillo ANDRÆ MARONIS ingenium depinxerim, quàm si eisdem utar coloribus, quibus illud, dum ille uiueret, diligenter expressimus in Dialogo nostro, quem in Ænaria insula, dum Vrbs Roma à Cæsariânis, capto Pontifice uastaretur, perseripsimus. Interrogante enim Daualo, his ferme uerbis respondi, quum de uiris, & feminis ætate nostra florentibus, iucundissimo censura ordine disputaretur, & non temerè in mentionem Andræ Maronis incidissemus. Is erat Brixianus, quamquàm dimidiam patriam ab Euganeis, foroq; Iulio repeteret. Cupiebat enim Dux generosus cultorq; Musarum, Poëtam inusitata uirtute præditum è fusta clade urbis eripere. quod, ex me, illum ter captum, cruciatumq; diu, ac omnibus fortunis expoliatum, miserabili, ridendoq; famelcentis baiuli habitu in urbe plena funeribus mendicare didicisset. Non est inquam Dauale, cur tantoperè, Ethruscos Vates ad expeditæ facundie laudem, arguta Cithara personantes admireretur, in eam enim peramœna uoluptatis consuetudinem, mos patrius illos



los adduxit; quod faciles ad ueniam aures dicere audentibus plurimum indulgeant, ita, ut nec eos, uel leui sibilo notandos possent, qui hesitando, amissa celeritatis laude, uel in dissona, uel in dispari syllaba peccauerint. Verè siquidem admirari, & plaudentis clamorem attollere iuuat, si nouum Maronem audiamus. Is enim cum summa eruditorum admiratione ex tempore ad quam iusseris quæstionem, Latinos uersus, uariis modis, & numeris fundere consuevit. Audax profecto negotium, ac munus impudentiæ, uel temeritatis plenum, nisi id à natura impetu propè Diuino, mira felicitas sequeretur. Fidibus, & cantu Musas euocat, & quum semel coniectam in numeros mentem, alacriore spiritu inflauerit, tanta uir in torrentis morem citatus fertur; ut fortuita, & subitariis tractibus ducta, multum ante prouisa, & meditata carmina uideantur. Canenti defixi exardent oculi, sudores manant, frontis uenæ contumescunt, & quod mirum est, eruditæ aures, tanquam alienæ, & intentæ, omnem impetum profluentium numerorum, exactissima ratione moderantur. Exceptus est secundissimo plausu, ac idcirco à Leone representatæ facultatis nomine, sacerdotio donatus. quum post celebre conuiuium, cui Regum Legati, Senatoresq; aderant, de suscipienda sacro bello dicere iussus iucunda figurarum uarietate decantauit, orsus hoc nobili carmine. **I N F E L I X** Europa diu quassata tumultu Bellorum. Tum enim Selymus Turcarum Imperator, Campsone, & Tomumbeio ultimis Ægypti Regibus, una, atque altera acie deuictis, ac interfectis, magnum Europæ, intestino bello deflagranti terrorem intulerat. Perijt, amissis Poëmatibus infelix Maro in uili caupona ad Scrofam lapideam, Campi Martii ab omnibus desertus, quinquagesimo tertio ætatis anno; quum è Tybure, quo perfugerat, uagantibus etiam ibi Barbaris, in pestilentem urbem, urgente fato rediisset.

### MYRTEI.

*Postquam secundum publica abstulit clades.*

*Maronem, & urna caruit infelix, campis*

*Quæ situs Elysiis, nec inuentus Musis.*

M Phœbus

*Phœbus furoris nam minister illius ,  
Quo carmen edere inchoatum Maro fuerat ,  
Inter Sybillas rapuit , æternum ut uiuat .*

ANDREAS MATTHÆVS  
AQVAVIVIVS.

NEMO Ex his qui illustribus orti familiis ætate nostra clauerunt , quum peculiari bellica laude ducerentur ANDREA MATTHÆO AQVAVIVIO ad Præcunos Hadrianorum Regulo se luculentius optimis disciplinis exornauit ; uti præclare constat ex eo Libro nobili pariter , ac erudito , qui Encyclopædia inscribitur , & de morali uirtute Plutarchi plenior liber subtili , & copioso commentario persimilis ostendit . Hic heros antiquæ uirtutis , uti casus tulit , bis bello , prælioq; aduerso , & uulneribus honestissimè susceptis captus , forti animo tetri carceris calamitatem , studiorum solatio , ita leniuit , ut ad eam exculti ingenii frugem , quæ ab impotentî fortuna cripi non potest ; generosa meditatione peruenerit . Sed quum cum uictor Consalius cum reliquis captiuis in Triumpho ducendum in Hispaniam mitteret ; Rex Ferdinandus prudentiæ , & Lenitatis nomine maxime clarus , Libertati , pristinaq; fortunæ restituit . Tanto itaq; usus beneficio per uiginti-quattuor annos egit iucundo in otio uitam dicatam Musis adeo splendide , & uigilanter ; ut ad idem literarum honestissimum decus Belisarium Fratrem Neretiorum Regulum æmulanter inuiteret , quem de Venatione , & de singulari certaminis prouocatione scripsisse uidemus . Caterum uir tantus , quum Neapolitanos proceres , candore , innocentia , & Liberalitate facile superaret . Visus est parum accuratus , & diligens in tuenda rei familiaris dignitate , quum in ultimo uitæ actû præaltus animus contemptor opum institutæ Liberalitatis neruos inconditis sumptibus incidisset . Fato functus est ad Conuersanum Bario finitimum , septuagesimosecundo ætatis anno , quum Lotrechii Galli infelicibus armis , Apulia quateretur .

## MARCELLI PALONII ROMANI

*Non minus æternum ex Aquituo habet Hadria nomen,*

*Nobilis immenso, quam dedit ipsa Mari.*

*Adde, freto suus est supero quod terminus: illi*

*Nec Limes tellus ulla, nec unda datur.*

*Nam Musis ubi bonos, martiꝫ, togæꝫ manebit,*

*Et lucebit ubi sol, Aquinius erit.*

## PETRVS GRAVINA.

NATVS EST PETRVS GRAVINA Catinæ in Sicilia, sed ipse primam domus originem a Capua repetebat; Natura ei admodum indulgenter, præter excellentis ingenii uim, summam etiam procero corpori, & uenusto tribuit dignitatem, firmitate imprimis, & agilitate quadam singulari, quum in ludo pilæ usq; ad admirationem, & gladiatoria arte, equestribusq; armis ad militarem laudem exerceretur, naretq; sapissime ad incredibile uirum nandi patientiam, quibus agitationibus ita firmavit corpus, ut nulla paulo sæuiore tentatus ualitudine ad extremam propè senectutem, integro, & planè iuuenili uigore peruenerit, utebatur parcior re mensa, sed ea semper nitida, uinum a uescuo, surtentioq; in honore erat; sed semper sobriè, & moderatè perpotanti. Vita genus adamauit quietum, cunctis solutum curis, & litibus, hilariq; intus primis, & tenera studiosorum adolescentium familiaritate gaudebat; ingenio enim erat aperto liberali, perblando, cultu corporis nitido, & sumptuoso, quum undulata toga uteretur, & serico latiore uiloso pilco argenteam comam morosè perornaret. quum in Aragonia aula uersaretur, emanarentq; ab eo uersiculi ex nobili semper occasione, argutè, lepideq; perscripti; Pontano carus esse cepit, qui erat ingeniorum censor longè grauisissimus, idq; Diuinis operibus ad immortalè auctoris laudem benignè testatus est; Spectatæ demum eius uirtuti externus Meccenas adfulsit Magnus Consaluis, qui ipsius uictorias, & trophæa gallica heroico celebrantem in templo maximo Neapoli sacerdotii honore nobilitauit: Sed Consaluo in Hispaniam abducto, quod Regi in suspicionem affectati Regni uenisset, Prospero Columnæ adhesit. In pangendis

M ii Elegis,

Elegis, tenero quodam lepore, sibi genium respondere fatebatur: Sed in scribendo Epigrammate uni ei haud dubie palmam tribuebat Actius Syncerus; qui, & parvus, & amarulentus in alieni operis censura Laudator esse consuevisset. Heroica poemata petiisse tum ferunt, nisi iam pridem à nobis lectitata compareant, quum Cæsariam à Gallis Neapoli obsessi, tanquam non in socia urbe, diuina, ac humana omnia conturbarent, ita, ut non miretur quispiam, tam paucis quæ extant ingenii monumentis, præclari poëtæ famam constituisse: nam & multa ipse lugentibus amicis sponte delcuit, ueluti strepitibus armis, sæculum indignatus, aut iratus Musis; quod externi duces conceptæ spei minus liberaliter arrisissent. Sed dispari iudicii sorte id. poema prope amissum querulus lugebat; quo Surrentini otii delicias elegantissime depinxerat. Sed Scipionis Capycii Pictas dignam egregio, nobilique poëtæ, colligendi dispersa & publicandi officium præstitit, ut penè intercepta amico poëtæ uita redderetur. Non carebat quoque compositi Oratoris nomine, quanquam dum publice oraret una actionis laude contentus esse uideretur. Descessit septuagesimo quarto ætatis anno, ad Concham oppidum Sidicini agri, quum ei in umbra micridianti, Castaneæ echinus tibie suram leuissime pupugisset: temere enim scalpendo enatum est ulcus accersita lætali scabricula: Adeo enim subiles mortis causas fata inueniunt, quum ex decreto urgent.

### IANI VITALIS.

*Hanc tibi pro tumuli Ianus Vitalis honore  
Ramosam Laurum Magnæ Granina dicat.  
Hic ubi odorata manes requiescere in umbra  
Floribus in mediis, & iuuat esse tuos:  
Illa, Notis quoties rami quatentur, & Euris;  
Per strepet in Laudes Sanctæ Poëtæ tuas.*

### POMPONIVS GAVRICVS.

ARGIVÆ iuuenis Fanum, quod est Picentinorum nobile oppidum, Geminos Fratres Gauricos præstanti ingenio protulit; Lucam ipsum, quem Astrologiæ peritissimum, feliciq; sæpè eventu futura prædicentem, in aula PAULI TERTII Pontificis admiramur

admiramur ; & Pomponium non incelebrem Poëtam , ualidaq; in uarias artes , ardentis ingenii fecunditate mirabilem , nisi instabili genio abductus , dum feruidè transcurrit , & sectatur operum noui tatem , in cunctis , nusquam accuratus , & diligens firmæ prudentiæ dignitatem amisisset . Is Græcorum Poëtarum uitas , Petri Criniti æmulatione , qui de Latinis Librum ædiderat , Latine perscripsit ; atq; item geminos de Physiognomia , & de Architectura Libellos : Ex tat & eius Volumen de Metallicis , curiosorum insanæ turbæ gra tissimum . Neq; enim defunt , qui Aurum pariter , & Argentum , ex ignobili materia , inanibus recoctionum artificijs procreari , atq; exprimi posse arbitrentur . Exierunt etiam in publicum Epigramma ta aliquot , & Elegiæ , non dubia amatorix uanitatis inditia ; nam il lustrem foeminam arsisse constat , enudasseq; animi ægritudinem pro caci Musarum Lenocinio , adeo incautè , & flagranter , ut quum Surrentina uia , Stabias peteret , in eoq; itinere ab obuiis salutatus fuisset , nusquam demum apparuerit . Frustra eum , Luca fratre , per sexdecim annos expectante , quum procul dubio , ab ea suspici one trucidatus , & cum seruis , & iumentis , ne ullum cadis uesti gium extaret , in subiectum Mare præcipitatus existimetur .

## MYRTEI.

*Ibat Gauricus ad suos amores*

*Sed diu baud potuit suos amores*

*Vti Gauricus . abstulere fata .*

*Verum nulla manet sepulchri imago .*

*Nanque ( quod coluit pari labore*

*Musas & Venerem ) uel à Camœnis*

*Raptus creditur inter alta montis ,*

*Qui tacet Stabias super uetustas :*

*Vel Pulchræ Veneri datus sacerdos*

*Tyrrheni Maris in Sinum profundum .*

## MARCUS ANTONIVS CASANOVA.

MARCO ANTONIO CASANOVÆ Comen se ; patre Romæ genito , arguti Epigrammatis palmam detulit illa  
M iii ipsa

ipsa Roma seueræ auris iudicio superba ; nec unquam inconfesso pudore poëtis adulatrix . quod lepida , & falsis finibus , aculeata carmina factitaret ; Elocutioni tamen casta puritas , ac in numero sæpe duro lenitas defuit ; qualis in Catullo prætenere poëta conspicietur , quum ingeniosè mordaci , & impuro Martiali , persimilis esse mallet , & una præsertim peracuta , circumductaq; sententiæ gloria duceretur . Sed miscuisse utrumq; genus tum iuuit , quum paucorû uersuum spectanda posteris Elogia Priscis Romanæ uirtutis heroibus , tanquam manentibus eorum statuis inscripisset . Nemo autem eo simplicitate , ac innocentia uitæ melior ; Nemo urbana comitate iucundior existimari potuit ; nisi Columnæ familiæ alumnus in gratiam Pompeii Cardinalis , Clementis Pontificis famam intemperantissimè lacerasset . Sed Clemens se ipso , & toto deniquè desumpto nomine maior , & augustior , reo Maiestatis , captoq; ad supplicium facilè pepercit , præclara C. Caesaris imitatione qui Catulliani deitis æternum uirus , & liuidam libertatem generosa dissimulatione contempserat . Perii pestilenti correptus morbo , quo cladem urbis , fortuna nec innumeris saturata funeribus accumularat , quum obsessio , captoq; Pontifice , Pompeius ipse , diuerso ingenii habitu inimici calamitate lataretur , & ruentis patriæ casum inani pœnitentia deploraret . Tumulatus est iuxta Naumachiam campi Martii Laurentianò in templo : quod olim Lucinæ dicatum fuerat , Et Blossius Palladius sodalis , quod funeris honore caruisset , hoc piè inscripto carmine , tumultum spectantium oculis ad lachrymas indicauit .

### BLOSSII PALLADII.

*Comensis Casanova , dum priores  
Et Duces canit , & canit poëtas  
Præcurtis Epigrammatis : perennem  
Ac longam sibi gloriam parauit .*

### BALTHASAR CASTELLIO.

**HIC EST ILLE BALTHASAR CASTELLIO**  
Mantux natus , ingenii laude , Maroni Cui suo planè secundus ,  
qui ad exactam principalis Aulæ normam , militari , ciuiliq; munere uirum

re uirum elegantem instituit ; pariq; disciplina illustrem foeminam , descriptis Lectissimorum morum finibus effingit , quo opere iucundissimo græce , Latinaq; facultatis peramœnos flores decerpissse uideatur ; ut in unum uolumen nobilioris uitæ præcepta , oblectamentaq; honestissimi otii conferrentur , placere siquidem magnæ Fortunæ uiris , ut sæpe literarum expertibus , ipsiq; præsertim foeminis magnopere cupiebat ; ob idq; maluit uernacula quàm Latina Lingua stylum Etrusca molliorem exercuisse ; scilicet , ut imperiti ex antiquis arguta manu surrepta , translataq; scitisimè non agnoscentes , ea omnia tanquàm noua mirarentur . Scripsit & Latinas Elegias , & grandi Heroico Cleopatram , sed paucis admodum Etruscis Rhythmis , quum amatorii doloris finem superba comparatione desperaret , nobilis poëtæ , famam tulisse iudicatur . In sago autem , togaq; pariter habili ingenio , & generoso quidem ore pacis , belliq; muneribus interfuit , obuiq; subitarias Legationes ad Reges , atq; Pontifices , quum momenta grauissimarum rerum , non modo præstantis animi fidem , sed expediti corporis diligentiam , celeritatemq; requirerent . Nouissimè annis prouectum , sed medicamentis , occultata canitie , & multis cultus munditiis , iuuentæ decus affectantem , quum eruditæ artes in eo uigerent , Clemens ad Carolum Quintum , in Hispaniam misit ; ei , non dubio honore purpure destinato , nisi Fortuna Romanæ urbi immane excidium struens utriusq; uora fessellisset . Corruit enim mox Roma , Cæsarianorum Ducum , simul latis indutiis prodita , uideriq; potuit Castellio in ea re non satis diligenter , aut certè parum felicem operam præstitisse , quum delatum sibi in ea lugubri clade Episcopatum Abulensem , munere Cæsaris accepisset . Verum ea dignitate diu perfrui , uel uberiores expectare non licuit . Sublatus est enim , occulta febre , quum uix quinquagesimum sextum attingisset annum , ad Mantuam in Carpentariis . Funeri eius Aulæ proceres officium præstitere : nec cum Chisromantis Ariolus scellit , qui ex dextræ uolæ lincis , eum dignitate auctum Mantuæ : sed nequaquam in Hispania moriturum prædixerat .

## IANI VITALIS.

*CASTALIONEVM ad Tumulum dum Hispania tota  
Conuenit , & sancto iusta parat cineri :*

*Scipiadum manes referunt dixisse secundum  
Hæc docta amisit Mantua Virgilum.*

### MARCI ANTONII FLAMINII.

*Si truculenta ferox irrumpis in agmina, Marte  
Diceris inuicto Castatione satus;  
At molli cithara si condis amabile carmen,  
Castalia natus diceris esse Dea.*

### EIVSDEM.

*Horrida terribilis cum tractas arma, Maronis  
Castatione tui carmine digna facis:  
Idem cum molli uacuis requiescis in umbra  
Castaliæ, æterno digna Marone canis.*

### ANDREAS NAVGERIVS.

ANDREAS NAVGERIVS Patritii ordinis, Sabellico Venetiis proficiente, Latinas literas, græcas autem à Marco Musuro Cretense Patauî hausit; Sed in Latinis delectu, ac obseruatione præceptore diligentior, illum, quem superior ætas in salubri, atq; aspera styli nouitate delectata contempserat; candorem antiquæ puritatis assecutus est: ut funebribus Liuiani Ducis, & Principis Lauredani laudationibus appareat. Proposito quidem Cicero ne ad imitandum, quem Politianus, & Hermolaus fastidisse uidebantur, utpotè qui omnis eruditionis exundante copia instructi, aliquid in stylo proprium, quod peculiarem, ex certa nota mentis effigiem referret, ex naturæ genio effinxisse nobilius putarint, quâ seruilî imitatione enata ad nouam frugem ingenia distorsisse. Magno tum quidem probro erat doctis, ridendis pares simis uideri. Eodem quoq; præstanti iudicio, quum Epigrammata lepidissime scriberet, non falsis, aculeatisq; finibus, sed tenera illa, & prædulcis prisca suauitate claudebat; adeo Martiali seuerus hostis, ut quotannis statò, die Musis dicato, multa eius uolumina, tanquam impura, cum execratione Vulcano dicarentur. Nec minore felicitate Ethruscos



Ethruscos numeros attigit : Sed in Liuiani contubernio castra secutus studiorum diligentiam remisit , & salubri quidem remedio , quum ingenium bilis atra ueterum Lucubrationum Vigiliiis accersita haud leuiter afflixisset . Propterea scribendæ Venetæ historiæ munus à Senatu demandatum , acceptoq; liberali stipendio susceptum præstare non potuit , quanquàm non desint ; qui eum in ipso statim limine feliciter exordientem , religiosi operis grauitate deteritum existiment , quum infinita curiositate , summoq; labore , & pertinaci memoria tantarum rerum notitia paranda uideretur . Verum in ea cogitatione , ut Reipublicæ operam præstaret à Senatu ad Carolum Cæsarem in Hispaniam missus infaustam Legationem suscepit , quum in id tempus incidisset , quo Italiæ Principes , seruitutis metu ad arma consternati , affectanti dominatum Italiæ , Cæsari restitissent ; Secunda autem suscepta Legatione , quum exitiali festinatione , mutatis ad celeritatem iumentis in Galliam percurrisset , uix dum salutato Rege Bleſio in oppido ad Ligerim febre correptus interit , quadragesimo septimo ætatis anno , omniq; eum funeris honore , Rex Musarum amicissimus nec sine luctu profecutus est .

### MARCIA NTONII FLAMINII.

*NAVGERI ne quis tibi certet , nèue laboret  
In cassum , laudes æquiparare tuas ;  
Siue Epigramma facis iuncto pede , siue soluto  
Desles Magnanimum funera acerba uirum.*

### IOANNES MARIVS CATANÆVS.

IOANNES MARIVS CATANÆVS Nolauiensis , Merulæ , Demetrii q; discipulus , quum iustas ex utraque lingua facultates comparasset . C. PLINII Cæcili secundum Epistolas , erudito commentario interpretatus est : collataq; inde non mediocris eruditionis fama , Romam se contulit in domoque Bordinelli Sauli Cardinalis , cui ab Epistolis operam præstabat . Tres Luciani Dialogos diuersi caracteris in Latinum uertit , præter ceteros scilicet AMORES , uel  
N parum

parum pudicos ; iucundo Lapithas , graui uerò , illum de Legibus conscribendæ Historiæ , tanquàm in usum suscepti à me , eius muneris Iouio nomini dicatum , ex censura quidem Scipionis Cartheromachi , quum ille in Academiam nomen daret , magnopere laudatos . Descripsit demum carmine Genuam in Heri gratiam , atque inde poësis amore iam planè senex correptus est ; sera & parum ideo felici libidine , quum Musas nunquàm tentatis numeris in iuuenta lacessisset ; Itaque Gotifredi Bolionis sacrum bellum sub titulo Solymidos , quo potuit ore decantatum est ; in quo poëma te non morosus , & æquus lector , argumenti pictatem , & quædam schemata iucundæ nouitatis admirabitur , si carmina , tanquàm salebrosa , & distortis numeris luxata probare noluerit . Id opus auctor , quum alieni ingenii iudicium subiturus , ad Bembum , me præsentè detulisset ; Lecto statim titulo , Bembo hylari comitate , nunquàm Catanæe putassém inquit , te aliqui uirum de utraque Lingua optimè meritum , hac ipsa , qua nesc gaudemus carminum facultate ualuisse , quum nihil omnino , ad quod Musæ dulces arideant , in se uero , & militari uultu tuo prorsus emineat ; quo uerbo ille perstrictus , argutè respondit ; Ergo nec tu Bembe satis peritus Phisognomus uideri potes , quum te Philomusi poëtæ gratia tua florentis à dedolatis ruditer maxillis , & repando naso , enormis uultus omnino deceperit ; quo responso , omnibus exortus est plenior cæhinnus ; quod Philomusus poëta , utique non insuauis , & Lyristes Bembo sodalis , è patria Pisauo Vespillonis senis Busxæam faciem referret . Nondum autem , perfectò poëmate , rediit ad pedestrem orationem , non obscure ipsa spe conceptæ laudis destitutus : perscripsitq; duos exactæ eruditionis Dialogos de potestate , & cursu solis , ac Lunæ ; & de Ludis Romanis : sed ingruente fatali morbo , absolui nequiuērunt . Perii in urbe , quum abesset Clemens , Carolo Casari Romani Imperii insignia Bononiæ traditurus . Ideo , calata morte , quòd ita impetrandis sacerdotiis ex mora caueretur , ut sepulchri , & funeris honore caruerit , quum ab Academicis ad uetulonas aquas secessisse crederetur .

## MYRTEI.

*Vide uiator , quanta iactura occulti  
Esset sepulchri , ni ingeni sui claris*

*Percens*

*Perennioribusq; monumentis teclis ,  
Adhuc ubique uiucret Catanæus .*

## IACOBVS SANAZARIVS.

IACOBVS SANAZARIVS Equestris ordinis poëta Neapoli natus , atq; educatus , quum praeclarum fecundi , atq; felicis ingenii specimen daret , repudiato auito , gentilitioq; nomine , **ACTIVS SYNCERVS** appellari uoluit , adhortante Pontano , qui Iouiani cognomen , amicorum imitatione desumpserat : Sed origo uetusta stirpis è Sancto Nazario , Laumellini agri , oppido , inter Padum , & Ticinum non ignobili , undè maiores aduenerant , non obscure petebatur . Floruit amicitia Federici Regis senescentè Pontani gratia : qui Aragonum nomen uehementer offenderat , quum ueluti personæ oblitus , Victorem Carolum insidiosè , uel intempestiuè Oratione publicè laudasset . Permanfit in ea belli procella in officio Actius , Redeuntiq; Ferdinando iuniori armatus inter fideles ciues operam præstitit . Vndè ei conspicuus in aula gratiæ locus . Sed infestius demum urgente Fortuna , quum Federicus Regno pelleretur ; constanti studio , atq; integra fide , cum exulem in ulteriorem Galliam secutus est ; qua gratisimi animi testificatione singularem laudem promeruisse , uel eius inimici iudicabant . Scripsit , tanquàm ambidexter , Ethrusca simul , atq; Latina carmina , pari lepore , salèq; aridentibus utrinque Musis , quum multo felle odii subamarus præpilata iacula iambis intorqueret ; aut amorum suorum dulcedine resolutus tenerrimè lasciuires . Graui autem , & sacro poëmata , De Partu Virginis , uiginti annorum lima perpolito , summum decus frustra expectasse uideri potuit ; quum illæ quæ iuueni exciderant , Piscatoriæ eclogæ publico exceptæ plausu reliquorum operum famam oppresserint ; ita , ut eam publici tanquàm iniqui iudicii querelam , aperto cum pudore , neccamen sine tacita uoluptate deuoraret . Vixit annos septingintaduos , peramæno , uirentiq; semper ingenio , accuratoq; , & planè iuuenili cultu inter amatorias oblectationes ; nunquàm non festiuus , & hylaris , ex dolore autem indignantis animi supremum concepit morbum , quòd Philibertus Aurantius Dux Caesaris Mergilline uillæ suæ delicias temerè , excisa turre deformasset , ea ad Pau-

silypi radices conspicitur . Sed Aurantio demum acie interfecto ,  
 quum hora fatalis adueniret , audito eius interitu se se in cubitum  
 erigens , excedam , inquit , è uita hoc meo non inani uoto lætus ,  
 postquam Barbarus Musarum hostis ultore Marte , immanis iniu-  
 ritæ pœnas perfoluit . Sepultus est iuxta uillam Mergillinam in tem-  
 plo Deiparæ uirgini ab se dedicato . Marmoreo autem Tumulo  
 Bembus hoc carmen inscripsit .

## BEMBI.

*DA* Sacro cineri flores : hic ille Maroni  
 Syneerus , Musa , proximus , ut Tumulo .

## MARCI ANTONII FLAMINII.

*Quantum* Virgilio debet Sylua Maroni ,  
 Et pastor , donec Musa Maronis erit .  
*Tantum* penè tibi debent piscator , & acta  
 Acti diuino proxime Virgilio .

## IOANNES MANARDVS.

IOANNES MANARDVS Ferrariensis in Pannonia Vladislao Rege, medendi artem exercuit ; eandemq; demum in gymnasio Ferrariæ professus Epistolarum Librum edidit ; quo magna medentibus , & pharmacopolis utilitas paratur ; quum terræ frugibus , indicisq; præsertim in Medicinæ usum adoptatis , obsoleto antiquo nomine , & incerta uirium potestate , perobscuris eruditam claritatem attulerit . Duxit autem uxorem planè senex , & articulorum dolore distortus , ab ætate , formaq; florentis iuuenis toro dignam adeo leui iudicio , & lætali quidem intemperantia , ut maturando funeri suo , aliquantò prolis , quàm uitæ cupidior ab amicis censeretur .

*Dum Manarde Vigil cum prole Coronidis effes,  
 Vidisti uitam perpetuam esse tuam.  
 At dum formosa cum Pallade coniuge dormis,  
 Sensisti mortem curuus adesse senex.  
 Hic nunc clarè iaces, & quem Podalirion esse  
 Vidimus, amosum sustulit ipsa Venus.*

## CAMILLVS QVERNVS ARCHIPOETA.

CAMILLVS QVERNVS è Monopoli, Leonis fama excitus, quum non dubiis unquam præmiis, Poëtas in honore esse didicisset in Urbem uenit, Lyram secum afferens, ad quam suæ Alexiadis supra uigintimillia uersuum decantaret. Arrisere ei statim Academiæ sodales, quod Appulo præpingui uultu alacer, & prolixè comatus, omnino dignus festa laurea uideretur. Itaque solenni exceptum epulo in insula Tyberis Æsculapio dicata, potantemque sæpè ingenti patera, & totius ingenii opes, pulsata Lyra proferentem, nouo seriti genere coronarunt; id erat ex pampino, Brasica, & Lauro eleganter intextum, sic, ut tam falsè, quam lesipidè, eius temulentia, Brasicæ remedio cohibenda notaretur; & ipse publico consensu Archipoëtæ cognomen, manantibus prægaudio Lachrymis latus acciperet, salutareturque itidem cum plausu, hoc repetito sæpè carmine.

*Salue Brasicea uirens corona,  
 Et Lauro ARCHIPOETÆ pampinoque  
 Dignus Principis auribus Leonis:*

Nec multo post tanto cognomine percelebris productus ad Leonem infinita carmina in torrentis morem, rotundo ore decantauit; fuitque diu inter instrumenta cruditi uoluptatis longè gratissimus, quum cœnante Leone, porrectis de manu semetis obsoniis, stans in festra uesceretur, & de principis lagena perpotando, subitaria carmina faceret; ea demum lege, ut præscripto argumento bina saltem carmina ad mensam, tributum nomine solucentur, & in poenam sterili uel inepto longè dilutissime foret perbibendum. Ab hac autem opulenta, hylarique sagina, uehementem incidit in podagram;

N iii sic,

12  
sic, ut bellissime ad risum euenerit, quum de se canere iussus in hunc  
exametrum erupisset;

*Archipoëta facit uersus pro mille poëtis.*

& demum hæsitaret, inexpectatus Princeps hoc pentametro per ar-  
gute respondit;

*Et pro mille aliis Archipoëta libit.*

Tum uero astantibus obortus est risus; & demum multo maximus,  
quum Queninus stupens & interritus, hoc tertium non inepte car-  
men induxisset,

*Porrige, quod faciat mihi carmina docta Falernum.*

Idq; Leo repente mutuatus à Virgilio subdiderit

*Hoc etiam enervat debilitatq; pedes.*

Mortuo autem Leone, profligatisq; Poëtis, Neapolim rediit; ibiq;  
demum, quum gallica arma perstreperent, & uti ipse in miseris  
perurbane dicebat pro uno benigno Leone, in multos feros Lupos  
incidisset. Oppressus utraq; prædura egestatis, & insanabilis mor-  
bi miseria in publica hospitali domo, uitæ finem inuenit; quum in-  
dignatus fortunæ acerbitem, præ dolore, uentrem sibi, ac intima  
uiscera forfice perfoderit.

## ININVITALIS.

*Laurus, Brasica, Pampinus Coronam*

*Contextæ simul, hinc pares in unam*

*Deflent interitum sui poëtae:*

*Quinimmo Archipoëta, & hinc Lagena,*

*Scyphiq; & cyathi, Amphoræ, Urceiq;*

*Queruntur lepidum suum patrum,*

*Pro dulci modo, Cretico, & Phalerno*

*Exhaustæ acidas sbygis Lacunas,*

*Et sales periisse Quernianos,*

*Dum uitæ, sibi, prodigus molestæ*

*Fodit uiscera forfice, o seuerum*

*Nostri temporis appulum Catonem.*

ALBER.

LVBET hoc loco sub illustri scilicet imagine Alberti Pii inter exempla fortunæ humanis consiliis malignæ & petulanter illudentis, eius uiri grauissimi, genus, opes, ingenium, mores, studiaq; referre, ut uel hinc mortales inani rerum peritiæ persuasione subnixi, fortunam omni prudentia superiorem intelligant. Is antiquissima stirpe ortus à maioribus per manus traditum quum ante ducentos annos Mutinæ imperasset, in campis Nacris, Carpum nobile oppidum possedit; optimisq; literis, generosisq; moribus animum pariter, & corpus excoluit. Erat enim à procera, decentiq; statura ad arma neruis, & spiritu ualidus, ac habilis; maximarum autem rerum negotiis, & literis præaltum, & incomparabile ingenium attulerat. Nihil enim uel præstantis doctrinæ, uel solertis industriæ, uel recondite artis, ardens eius ingenium, semperq; uiuidum, & maxime efficax subterfugit. Erat enim celeri captu expedita ratione tenaciq; memoria stupendus, eloquentia porro tanta, ut in omni congressu, & disputatione, quum de arduis consuleretur, & odio amarus, & amore prædulcis, tranquillitate lenis, atq; sedatus, & uehementia concitatus, atq; fulmineus, quo uellet principum animos impelleret; & summus bello, & pace consultor, & mirabilis occasionum inuentor, & artifex censeretur. Quattuor summis Regibus, & totidem maximis Pontificibus in prædaro semper honore legationum operam præstitit, uigilantia, fide, & prouidentia semper illustrem. Sed uti occultæ Principum uoluntates, & erumpentia ex insperato eorum odia tulerunt, coactus est alterna partium studia profiteri, quod his omnino adharendum iudicaret; quibus Alphonsus Atestinus hostis esset, quo eum de possessione paterni agri disceptabat. Sed Atestini fortuna præclare ipsa Pii prudentia uirtuteq; superior, priuatam causam publicis eladibus inuoluit, atq; ita capto Clemente Pontifice, quum urbs Roma scædè peruisset, ex arce emissus in Galliam enauigauit, ubi se paternam disputatione Cæsaris iudicio exutum audiuit. Indeci diuturnus articularis morbus, quo misere conuulsus cruciabatur adaustus est; hunc diu æquo animo, & christiana patientia fortiter tulisse frustra fuit, quum sæua pestis fatalem horam adduecet. Obiit Lutetiæ non plane senex sub id tempus, quo Carolus Cæsar, & Solymanus, irritò utrinq; ausu ad Viennam Noricam certaturi credebantur. Rodolphus Pius fratris filius, quem aliquantò post Paulus Pontifex eximix

mix uirtutis meritò legit in Senatum , condito æneo sepulchro Pa-  
trui memoriam prosecutus est . Sed Albertus ipse, multo pcrennius  
antea sibi struxerat , quum librum longè grauisimum aduersus Lu-  
therum , perstricto etiam Erasmo Roterodamo publicasset.

## FERDINANDI BASILAMII.

*Insignes usu rerum , studiisque Mineræ  
Per paucos ætas prisca recensq; dedit ;  
In solem , assuetus doctos uersare libellos  
Quum prodit , lucem non tulit insolitam ,  
Laudibus hunc omnes doctrinæ , & rebus agendis  
Conspexere domi , conspicuumq; foris .  
Hunc Arar , hunc Rhænus toties , hunc accola magni  
Eridani , hunc Tybris sensit , & obstupuit .  
Fortuna inuidit , raperisq; Alberte , tuorum ,  
Italiæq; omnis cum gemitu , & lachrymis .*

## IVLII GONZAGÆ.

*Hoc decus Italiæ tegitur Pius ille sepulchro  
Solerti ingenio , consilioq; potens :  
Nulli hominum uis dicendi , fecundia maior ,  
Ille sed & studius auxit , & arte magis .  
Hunc Reges , hunc Pontifices sibi rebus agendis  
Optarant socium , consiliisq; Ducem .  
Felix , spem senû natum nisi flectet ademptum ,  
Et data in hostiles Regna paterna manus .*

## LVDOVICVS ARIOSTVS.

LVDOVICVS ARIOSTVS Nobili genere Fer-  
rariæ natus , quum paterna hæreditas inter numerosam fratrum so-  
bolem diducta , ipsi pertenuis obuénisset , ingenium in literis uigi-  
lanter exercuit , ut certo , nobiliq; præsidio familiæ nomen tuere-  
tur : Sed uti parè necessitatis , & gloriæ stimulo uehementer  
excitatus feliciore certè iudicio inter primos Etruscæ Lingvæ poë-  
tas



tas celebrari, quàm inter Latinos in secundis gradibus consistere maluit; quòd eius industria labor cum eruditis, ac idiotis latissime dispensatus, uberiorem præsentis præmii, & diffusæ laudis fructum ostenderet. Adhæsit comes Hippolyto Atestino Cardinali in Pan-  
noniam profecto; quum ille erudito, ac illustri comitatu apud Res-  
ges Hungaros ambitiosè gauderet: Sed iterum cuntem, quum sequi  
reculasset usq; adeo grauiter offendit penè implacabilis odii disci-  
men adierit. Receptus inde est ab Alfonso Principe tanquam hora-  
rum omnium amicus, & sodalis, cuius benigna manu urbanam dor-  
mum extruxit, peramicæ hortorum ubertate, frugum mensæ quoti-  
dianos sumptus adæquantem: in eo autem ciuili otio, extrâ Aulæ  
strepitum poemata factitauit. Satyras imprimis, mordaci sale con-  
spersas, ac item Comœdias plures theatri uoluptate, sæpè repeti-  
tas, inter eas autem, maxime Suppositi excellunt, inuentionis, atq;  
successus amenitate cum Plautinis facile contententes, si utriusq;  
seculi mores non ineptè comparentur. Sed Luculentissimum ope-  
rum, ob idq; forsitan æternum id uolumen existimatur, quo Or-  
landi fabulosi Herois admiranda bello facinora, octonario modulo  
decantauit. Boiardo hercle, ipsoq; Pulcio peregre regiè superatis.  
Quandoquidem & hunc rerum, & carminum accurata granditate  
deuicerit; ac illum surrepto inuentionis titulo, ac eo quidem uariis  
elegantioris doctrinæ Luminibus illustrato penitus extinxerit. Cun-  
cta enim euoluissè uolumina uidetur, ut sibi undiq; collecta gras-  
tia, ex iucundissimis floribus longè pulcherrimam: ideoq; perens-  
nem, quo lepidum caput ornaretur coronam intextet. Interiit in  
patria, scalaris ætatis anno, quum diu pectoris angustia, ex pitui-  
tæ stillicidio laborasset: hoc autem carmen, uiuens composuit, ut  
sepulchro incideretur.

### IPSIVS.

*LVDOVICI Ariosti humanur ossa*

*Sub hoc marmore: seu sub hac humo: seu*

*Sub quicquid uoluit benignus hæres:*

*Siue hærede benignior comes: seu*

*Opportunius incidens uiator:*

*Nam scire haud potuit futura: sed nec*

O Tanti

*Tanti erat uacuum sibi cadaver :*  
*Ut urnam cuperet parare uiuens ,*  
*Viuens ista tamen sibi parauit*  
*Que scribi uoluit suo sepulchro ,*  
*Olim si quod haberet is sepulchrum :*  
*Ne cum spiritus hoc breui peracto*  
*Præscripto spatio misellus artus ,*  
*Quos ægre antè reliquerat , reposcet :*  
*Hæc , & hæc cinerem hunc & hunc reuellens ,*  
*Dum noscat proprium , diu uagetur .*

### ÆGIDIUS CARDINALIS.

NON est cur te præteream Ægidi humili quidem loco , uerum  
 maxime illustri fato , Viterbii nate : Christiani scilicet oratoris in  
 sacra pergula , primum , atq; ultimum decus merite ; quanquam  
 egregia illa ex arcanis Moseos deprompta sublimis ingenii monu-  
 menta tenebris adhuc impie supprimantur . Præstantissimum enim  
 præceptorem facile superasti Marianum scilicet Genezanensem Pon-  
 tani , & Politiani admiratione , eruditoq; præconio inclytum , huius  
 enim extat in Epistolis laudatio florentissima , illius uero nobile car-  
 men , quod in Ægidio Dialogo tale legitur .

*Qualis Alphæi liquidos ad amnes*  
*Siue Meandri uiridante ripa*  
*Concinne serum moriens in ipso*  
*Funere Cygnus .*  
*Talis ad plectrum ad Thyasos Deorum*  
*Ludit in cælo Marianus , ipsa*  
*Morte uicturus Marianus , ipso*  
*Funere felix .*  
*Ipse sis felix , faueasq; nobis*  
*Ipse ades fessis Mariane rebus*  
*Tu preces audi miserorum , & iras*  
*Siste tonantis .*

Cæterum Marianus , Ægidius cōparatione ad optime glorioseq; dicen-  
 dū nequaquā tanta ex Græcis noui , & ueteris instrumenti enarrato-  
 ribus præsidia compararat ; neq; penetrarat ad Chaldaeos , ut admi-  
 randa

randæ nostræ legis fundamenta reuelaret; neque concionibus prædulce illud, & nobile poëticum melos instillaret; ut suspensos arrectis auribus animos, suauitate carminum ad colendam pietatem reuocaret. Sed Ægidius quum in suggestu uerè admirabilis æquo iudicio per omnes Vrbes oratoricæ facultatis lauream mereretur, etiam domi lepidissimis sermonibus nouam laudem ferebat. Erat enim eius ingenium exquisito literarum omnium delectu grauiter instructum sic, ut in omnes exemplorum casus per amplas opes alacris, & expedita memoria suppeditaret. Facundia porro tanta dissimulatis illecebris audienter semper exhyarans, atque demulcens; ut ipso concionante uel maxima templa complerentur. Ante autem id tempus, quo totius Eremitani ordinis præfecturam à Iulio consecutus est, nonnunquam accidit, ut Patauii optimis literis operantauans, factitata ab se lepida carmina ad lyram elegantissimè decantaret. Ei demum Leo Pontifex uirtutem omnem liberaliter exornare solitus honorè purpurei Galeri detulit; quum Petruciana consiuratione, & Vmblico bello circumuentus, Senatum aut malignè, aut segniter Principis iniuriam ferentem supplere cogeretur. Exiit de functus est legatione in Hispaniam, quum Selymo post debellatos Persas, & duos Memphiticos Reges interfectos, nobis arma comminante, christianæ gentes ad sacrum bellum excitandæ uiderentur. Sexagesimo ætatis anno subita oppressus Pituita Romæ interit, quum Clemens Carolum Cæsarem Bononiæ iterum excepisset destinatus, optatusq; à multis ad Pontificatum tanquàm parsum mo oneri: Sed non deerant, qui præclari nominis famam, uerbis eleuarent, quod pallorem oris sumpto cumino, & suffitu uix pallex mentiretur, uariasq; libidines censoria seueritate contegeret, quas demum malignus potius rumor quàm ulla certi uestigii relicta proles detexit. Fit enim quadam naturæ minimè benigna sorte, ut nulla absolute uirtutis præclara facies enitere possit, nisi aliquem uitii turpem natiuum ad eludendam felicitatem ostendat.

## ANI VITALIS.

*Ante sacrosanctos cineres bona uerba Vtator  
Dicit, diuinus hic tacet Ægidius;  
Qui potuit lingua humanas inflectere mentes*

O ii Et

<sup>2</sup> *Et trahere hærentes feruidus ad se animos .*  
*Quicquid pandit Arabs , diuinum quicquid Erebus*  
*Diues Aramæis occulit in tabulis*  
*Explicuit populis , & si quid spiritus ultra*  
*Sentit , adhuc sanctum quod meditetur habet .*

IOANNES FRANCISCVS  
 PICVS MIRANDVLA.

IN IOANNE FRANCISCO PICO Mirandus  
 lano inter studiosos bonarum artium , scribendiq; auidos memoria  
 uerborum uehementer excelluit : Sed in ipso rerum delectu illud  
 perillustre iudicium , quod summo uiro Hippocrati maxime difficilis  
 le existimatur , omnino non uiguit . Frustra enim ad Ioannis Patru  
 gloriam aspiranti , ingressosq; grauissimorum studiorum penetralia ,  
 quum infatigabili lectione duceretur , nusquam Minerua satis arifes  
 rat . Extant eius sacra Poëmata suis quoq; Commentariis illustras  
 ta , ne Legentibus minus clara uiderentur : Et Libri de ueritate fidei  
 christianæ , in quibus Disciplinarum omnium aceruus eminet . Sed  
 acriter disputantem inter Cucullatos , magna etiam expedite Do  
 ctrinæ Laus sequebatur , quum scribentem , uel mediocriter eloquen  
 tes minime probarent . Neq; enim quid potissimum imitaretur , con  
 stitutum habuisse uideri potest ex duobus præsertim Libellis , de  
 optimo imitationis genere ad Bembum perscriptis . Sed quum in  
 omnibus ingenii operibus sacras Literas religiose respiceret , con  
 tempnissæ Latinæ facundie flores , atq; inde gloriam , tanquam inas  
 nem existimari uoluit ; quanquam eius uniuersa literarum studia ,  
 tanquam illustri in homine & in domo sanctissimis moribus perori  
 nata , quum in minus seueros iudices facile incidrent , splendidiora  
 uiderentur : & hercle uir antiqua simplicitate , potiusquam nouo  
 astu æquiora iudicia redimebat , quum Libros ipsos priuato impres  
 sos sumptu , liberali largitione publicaret . Interfectus est cum Al  
 berto filio , uir indignus adeo crudeli uitæ exitu à Galeotto fratris  
 filio , quum nocturnis insidiis , capta arce , Mirandulæ dominatû , &  
 paterno iure inuadendum existimasset . Fuere qui crederent merita  
 fortasse pœna mulctatum , quod eudendæ monete miserum artis  
 ficem ipsius officinæ præpositum ex impuri auri , & ad Decimum  
 subtiliter

subtiliter improbi, magnum sensim Lucrum ipsi Domino reddens-  
tem, crudeli supplicio ad deriuandam inuidiam sustulisset; quem in-  
tellecta fraus ipsius famæ uehementer officeret, palamq; ea aurea  
moneta, ex eius effigie spectabilis, uulgate uitii detrimento reii-  
ceretur. Sed iuuat audire quosdam, uirum alioqui integra fide opti-  
mum, excusantes, tanquàm eius auaræ fraudis penitus ignarum,  
quum in uxorem, quod esset accurata, & diligens materfamilias,  
tanquàm muliebris auaritiæ probro notatam, eius flagitii nomen  
nullo cum pudore referendum existiment.

### MYRTEI.

*HIC Picus taceo, atque me illa, quæ iam*

*Ante non potuerat, nunc iniquo*

*Me seruant obitu arma literarum.*

*Aegre illud fero concidisse dextra*

*Fratris filii hoc eleuor, me adeptum*

*Utam pro fludus mæis perennem.*

### NICOLAUS MACCIAVELLVS.

QVIS NON MIRETUR, In hoc Macciauello tan-  
tum ualuisse naturam, ut in nulla uel certè mediocri Latinarum li-  
terarum cognitione ad iustam rectè scribendi facultatem, peruenire  
potuerit; habili siquidem ingenio, ac ubi solertiam intenderet, plas-  
nè mirabili, cuncta, quæ aggrediretur elegantissime perficiebat,  
siue seria, siue iocosa scriberentur. In historia enim apprimè gra-  
uis, & astutus, ita Patriæ fauit, ut dissimulatis factionum studiis,  
impellente recondita Libidine, & lenis, & asper incesisse iudicetur;  
egregia herclè cum laude, nisi uti nos non imperiti rerum Ethrus-  
scarum præclare conspicimus, prædulcis eloquentiæ mella, occulto  
ueneno illita, singulis operibus infudisset, & tum etiam, quum opti-  
mum Principem formaret, quum bellicis præceptis Ducem instrue-  
ret; & deniq; traditis exactæ prudentiæ documentis, in delibera-  
ndo, & consulendo eximium Senatorem effingeret; Sed comiter  
astimemus Ethruscos sales ad exemplar Comædiæ ueteris Aristopha-  
nis, in Nicia præsertim Comædia, in qua adeo iucunde uel in tri-  
stibus risum excitauit, ut illi ipsi ex persona scite expressa, in Sec-

O iii nam

nam inducti ciues , quanquam prælate commorderentur , totam iniuste nocte iniuriam , ciuili lenitate pertulerint : Actamq; Florentiæ , ex ea miri leporis fama Leo Pontifex , instaurato ludo , ut urbi , ea uoluptas communicaretur , cum toto Scenæ cultu , ipsisq; histrionibus Romam acciuerit . Constat eum , sicuti ipse nobis fatebatur , à Marcello Virgilio , cuius & notarius , & assecla publici muneris fuit , Græcæ , atq; Latinae linguæ flores acceperit , quos scriptis suis infereret . Ipse quoq; natura perargutus , & docilis , falsiq; iudicii plenus pedestrem patrii sermonis facultatem à Boccacii conditoris uetustate diffluentem , nouis , & planè atticis uinculis astrixerat ; sic , ut ille castigatior , sed non purior aut grauior otiosis ingeniis existimetur . Cæterum quod olim ciecto Soderino à Medicis in quaestione tortus fuisset , ab his leniendo dolori , annuam scribendæ historiæ mercedem promeruit ; ita tamen , ut agere compresso odio , quum dicendo , scribendoq; Brutos , & Casios laudaret , eius coniurationis architectus fuisse putaretur : in qua Aiactus poëta , & Alamanus , ex ipsa Turma pratoria leuissimus eques , concepti sceleris capite poenas dederunt . Fuit exinde semper inops uti irrisor , & Atheos : Factoq; functus est , quum accepto temerè pharmaco , quo se aduersus morbos præmuniret , uitæ suæ iocabundus illuisset , paulò antequam Florentia Cæsarianis subacta armis , Medicos ueteres Dominos recipere cogeretur .

### ANTONII VACCÆ CONSILICENSIS.

*Quisquis adis , sacro flores , & ferta sepulchro  
Adde puer , cineri debita dona ferens .  
Nam uete res belli , & pacis , qui reddidit arteis  
Iam pridem ignotas Regibus , & populis  
Ethruscæ Macciauellus bonos , & gloria lingua  
Hic iacet . hoc saxum non coluisse nefas .*

### PHILIPPVS DECIVS.

PARI ferè gloria , & dignitate PHILIPPVS DECIVS in professione humani , diuiniq; præsertim iuris floruit . Maini Iasonis , & ciuis , & amulus , ac ætate simul æqualis ; sed qui docendo ,

docendō, & scribendō in omnibus Italiae gymnasiis multo latius ingenii famam protulerit. Enarrabat enim subtilissime, & uti saepe uidimus longē omnium acerrimē disputabat. Ab ipsīs Pisis ubi uxorē duxerat, Ticinum à Gallo Praefide, opimis stipendiis euocatus, in id tempus incidit, quo Ludouicus Rex ad conuellendam Iulii Pontificis auctoritatem concilium Pisis indixerat. Fugitiua, ideoq; Rebelles, aliquot Cardinales in gratiam Regis, synodum postulabant. Ius uerō in dicendi, decernendiq; loci, Pontifex ad se reuocabat; Consultus propterea Decius super ea re intemperanter contra Maiestatem Pontificis de scripto respondit, secus ac Iason, qui rogatus sententiam, uel magno munere oblato adduci non potuit, ut non clementissime responderet. Ob eam contumeliam Matthaeus Sedunensis Cardinalis, pulsus Gallis uictore cum exercitu, Ticinū urbem ingressus, unam omnium Decii domum, militi diripiendam dedit, tanto accepto incommodo in Galliam ex fuga profectus in ciuitate Biturigum ius Diuinum edocuit per duos ferme annos. Inde uerō in Italiam reuersum Senenses conduxerunt; qua in urbe, unica eius filia Senensi patritio collocata octogenario maior interiit. Delatusq; est Pisas ad Sepulchrum Marmoreum magno sumptu ab se in Maximi Templi fronte constitutum, inscriptione adeo inepta, ut si eam supponamus elegantibus ingeniis non sine pudore boni mortui, ridenda uideatur.

### INUITABILIS.

*Dum curat Decius sibi sepulchrum  
Clarum marmore ponere eleganti  
Inscripsit titulos ineruditos,  
Ut risum magis excitare possint,  
Quam laudare hominem undecumque clarum:  
Quod si non sibi cultius sepulchrum  
Quam doctos titulos, & elegantes  
Curasset, modo mollius iaceret.*

### THOMAS MORVS.

FORTVNA impotens, & suo more instabilis, infestaq; uirtuti si unquam superbe, & truculenter iocata est, sub hoc nuper Henrico

Henrico Octauo in Britannia inhumanissime defauit. Prostrato ante alios Thoma Moro, quem Rex, paulo ante præclarus eximie uirtutis admirator ad summos honores extulerat, ut inde eum fati-  
li scilicet oborta infania, mutatus in feram, crudeli mox impetu præ-  
cipitem daret, quod ipsius furentis tyranni, nefarie libidini, uir  
omnibus religionis, atq; iustitiæ numeris longe optimus, atq; san-  
ctissimus adulari noluisse; Dum enim ille uxorem repudiare, pel-  
licem inducere, filiamq; magno probro abdicare properaret, Mo-  
rus scrinii Magister, pietatis ac innocentie sue Reus, causam ad  
tribunal dicere coactus, impio iudicio, nisi par metus ab irato &  
sæuo, mentes excuteret, ita damnatus est, uti Latronum more, tes-  
terrimo supplicii genere necaretur; nec fas esset dilacerata membra,  
propinquorum pietate sepelire: sed Henricus, uel hoc uno facinore  
Phalaridis æmulus eripere non potuit, quin ad sempiternam inuisi-  
tati sceleris memoriam, Mori nomen in utopia, perenni constantiæ  
laude frueretur. In ea enim Beatæ gentis Regione, optimis insus-  
tuta Legibus, ac opulenta pace florentem Rempubicam elegantis-  
sime descripsit, quum damnatos corrupti sæculi mores fastidiret, ut  
ad bene, beateq; uiuendum, commento periucundo, rectissima uia  
monstraretur.

## INNI VITALIS.

*Dum Morus inmerita submittit colla securi  
Et flent occasum pignora cara sum,  
Immo ait infandi uitam desicte tyranni  
Non moritur, facinus qui graue morte fugit.*

## ISCOBI EXERICHII HISPANI.

*Henricus Morum gladio iugulauit iniquo  
Tam dignum uita, quam fuit ipse nec:  
Mortuus ille tamen uiuet per sæcula cuncta  
Post mortem uirtus uiuere sola facit.*

INCER.



## INCERTI.

*Quis iacet in tumulo, cuius caput ense recisum est, Hospes.*

*Et natat in tetro sanguine canities?*

*Hic est ille Thomas Morus, sic fata rependunt, Cuius.*

*Tristitia multa bonis, & bona multa malis.*

*Quæ circūstunt Diuæ lugubre cadaver? Hospes.*

*Diua tenax ueri, sancta fides, Nemesis,*

*Harum prima odii causa, & fuit altera mortis,*

*Vlterix iniustæ tertia cædis erit.*

## ROFFENSIS CARDINALIS.

PARI quoq; immanitatis portento; ante paucos dies, quàm Morus obruncaretur, eadem sanguinari Regis Britanniae lumen extinxit Ioannem Ficerium Antistitem Roffensem animi pietate, candore, constantia priscis illis, atq; sanctissimis christiani ordinis patribus comparandum. Is quum summa sacrae eruditionis, & probitatis auctoritate clarissimus spectaretur, uel atrocissimi supplicii metu, expugnari non potuit, ut Regi ex impudenti repudio inauspicatas nuptias affectanti, uolens paseret. Putabat enim Regem paulo ante admirabili uirtutum omnium concentu, & rarissimis naturæ, atq; fortunæ muneribus præstantissimum, atræ bilis morbo correptum insanisse, quod iratus Romani Pontificis sententia, qua fuerat ex Diuini iuris formula damnatus, Pontificii Imperii patrimonium inuasisset. Non subscripsit ergo nefario rebellantis Regis uoto, uir egregie pius, integreq; seuerus, ac ideo in carcerem ductus est, ut uitæ periculo, & longo cruciatu, imbecilli senis constantia frangeretur. Id celebre factum ita Roffensi parauit laudem, & Henrico inuidiam cumulauit, ut eum PAVLVS Tertius ad exornandam uirtutem natus, collato sacrae purpuræ honore legerit in Senatum. Sensit illico exprobrati odii uulnus Rex superbus, & impius, sanctissimoq; uiro modeste ea dignitatis fama permoto, caput in foro præcidit, ne merita purpura ornaretur. Ferunt id caput lanceæ præfixum ut ludibrio, terrorique cæteris foret, publicis lachrymis laudatum, ac adoratū extitisse. Reliquit ingenii monumenta, Eruditum uolumen

P quo

quo Lutheri opiniones gratisimè confutarat : itemq; alios utiles libros, quibus sacri sacerdotii authoritatem defendit, & de ueritate corporis, & sanguinis Christi in Eucharistia libros quinque aduersus Oecolampadium : Sed is sibi admodum exitialis fuit, quo Catharina Regina coniugium tuetur . Extat etiam Religiosa meditationis explicatio in septem Dauidicos Psalmos, Reliqua in carcere purgatisimè conscripta , quod damnata causæ nomen iugularent , Tyrannus aboluit .

## INCERTI.

*T' é ne uiri tanti ceruicem abscindere posse?  
 T' é ne cruore pio commaculare manus?  
 Si uita spolijs Roffensem barbaram, quando  
 Illum producet terra Britanna parem?  
 Sed tu sancte senex auo fruiture beato  
 Lætus abi, in cælum te uocat ipse Deus .*

## LEONICVS TOMÆVS.

LEONICVS TOMÆVS Epirota patre Venetiis genitus, sed Patauio insitus ciuis, quum Florentiæ græcas literas sub Demetrio didicisset, Primus Latinorum philosophorum Patauii Aristotelem græcè interpretatus est . Philosophiam enim, expurissimis fontibus, non ex lutulentis riuulis salubriter hauriendam esse pers docebat, explosa penitus sophistarum disciplina, quæ tum inter imperitos, & Barbaros principatum in scholis obtinebat, quum doctores excogitatis Barbara subtilitate Dialecticorum figmentis, Phycas quæstiones non ad ueritatis lucem, sed ad inanem disputandi garrulitatem reuocarent; & inuentus in gymnasio Arabum, & Barbarorum commentationes secuta à recto, munitoque itinere in confragosas ignorantie crepidines duceretur . Scripsit eruditè, & luculenter Commentarios in parua naturalia Aristotelis: ac item pereleganter aliquot quæstiones, & in his de Intellectu, de Alia, & de Astragalo, Tituli uarietate iuuentuti gratas, & utiles . Sed in libro de uaria historia quo ingens, & peramena recondita lectionis copia exprimitur, omnes eius ætatis styli iucunditate superauit . Vita eius procul à contentione, ambitioneq; in studio,

studioſo , molliq; otio uerſabatur , ita , ut domi , quàm in ſchola elarior , benucolis uera Peripateticorum , & Academicorum dogmata ſuauiſſima comitate pomeridianis horis explicaret . peruenit ueneranda Barbæ canitiæ ad ſeptuageſimum tertium ætatis annum , mediocri ſubſtantia , ipſaq; ciuili frugalitate , & coelebs , & felix , quod nemo uel innocentie , & doctrinæ conſcientia , uel munditiæ corporis , uel animi nitore , beatior ætate noſtra fuerit . Aluerat domigrum , de manu ipſius , ſenili oblectamento cibaria capientem per quadraginta annos . Is ſenio tabefactus , quum periſſet , ex eius deſiderio triſte omen concepit , prædixitq; nullo læſſus morbo , ſe non multo poſt adamati gruis fatum maturo uitæ exitu ſecuturum , Patauini , externaq; gymnaſii cultrix iuuentus funus ornauere . Sepulchrum autem Bambus faciendum curauit , & carmine nobilitauit .

### B E M B I .

*NATVRÆ ſi quid rerum te forte latebat ,  
Hoc legis in magno nunc Leonce Deo .*

### A V G V S T I N V S N I P H V S .

A V G V S T I N O N I P H O Sueſſæ ad Auruncam nato : ſed ab Vrbe Trophea in Brutiis oriunde inter Ariſtotelice ſectæ profefſores eximia laus contigit , quum in omnibus fere Italiæ gymnafiis Achillino , & Pomponatio florentibus , opima ſtipendia meruiſſet . Erat ingenio fertili , adaperto , liberali , ſermone autem Campanum pingue quoddam reſonanti maxime libero , & ad ſerendas fabulas in ſuggeſtu , coronaq; ad uoluptatem aurium periucundo ; ſed uel toto ore ſubageſti , & penitus inſaceto ita ſe ad urbanos iocos componebat , ut ualde mirarentur , qui mox tacentis ſupercilium , auſteraq; labra , & lineamenta conſpiceret . Scripſit in omnes Ariſtotelis Libros perampla commentaria , ſed rudi , & incondita quadam ubertate , ut tum mos erat , craſſis & plane barbaris auribus accommodata , quod Latine , recteq; ſcribendi facultatem , tanquam inimicam optimis diſciplinis ab ipſa præſertim philoſophia ſegregabant . Luculentius eius operum exiſtimatur id , quod pro Auerroe aduerſus Algazellem diſputante tum publicauit , quum florente ætate à multo uigore ingenii neruoſior haberetur

P ii ipſe

ipse in opinione, decretoq; parum constans, euariatoq; sapè iudicio  
 commentationes in Analytica Priora, & in libros de anima tenerius  
 adamasse uideamus. Parto dentum otio, obrepenteq; podagra,  
 scripsit aduersus Astrologos, Moralesq; Libellos, & de Tyranno  
 & Rege, & de Auguriis, uarietate tituli uel parum curiosis expeten-  
 dos, & longiore quidem dignos uita, si plenior Latini sermonis spi-  
 ritus accessisset. Suscepit liberis, & senescente uxore septuagena-  
 rius senex, puellæ citra libidinem impotenti amore correptus est usq;  
 ad insaniam, ita, ut pleriq; philosophum senem, atq; podagricum  
 ad tibix modos saltantem, miserabili cum pudore conspexerint, una  
 de illi maturatum uitæ exitum constat. Periit in patria nocturno iti-  
 nere refrigeratus, quum serò è Sinuessæ rediisset, obortis scilicet  
 consillis, quæ fauces obsederant, ea ipsa nocte Ethrurix admodum  
 funesta, qua Alexander Medices, in Lecto turpissime confossus in-  
 teriit: Galeacius Florimontius quum Præceptori Vtram poneret  
 hoc carmen incidi iussit.

## INCERTI.

*Dum lapidi titulum moerens GALEATIUS addit,  
 Et tristi curat funera cum gemitu:  
 Si quis honos tumuli, Non hoc tibi NYMPHE supremum,  
 Sed patriæ, & misero stat mihi munus, ait.  
 Næ uiuis meliore tui tu parte: leuamen  
 Luctus nos mediis quærimus in lachrymis.*

## MARCI ANTONII FLAMINII.

*Qui docuit rerum Niphus cognoscere causas,  
 Non rerum oblitus hoc iacet in tumulo,  
 Sed cælo meliore sui cum parte receptus  
 Nunc gaudet melius discere quàm docuit.*

## IOANNES RVELLIVS.

*RVELLIVS in Vrbe Suesfionum natus, quum susceptis  
 Liberis uxorem extulisset, abdicata medendi arte, Sacerdotium in  
 templo*

templo Deiparæ Virginis, Luetiæ Parisiorum Poncherii Antistitis liberalitate promeruit, totumq; id otium optimis literis, ut fortunis auctum decebat, impendit, non ignobili quidem gloriæ proventu, quum cruditionis authoritate Budæo proximus esset, & Latini sermonis nitida puritate superior haberetur, ut præclare indicat Dioscorides in Latinum è græco emendatè traductus. Leguntur & libri aliquot probe, fideliterq; translati de Mulomedicina, & Actuarii Medici Volumen de Urinis, sed proprio usus ingenio libros tres de natura stirpium perscripsit, Theophrastum in multis, & Plinium eleganter amulatus. Extant quoq; singulari diligentia translati è græco quinque libri de Agricultura ex uiginti qui nomine Constantini circūferuntur, Reliquos Coroneus Gallus uertisse dicitur: Sed Cornelius Germanus expedita facundia celebrer, uniuersos uiginti Latinitate donatos nuper publicauit; Erat Ruellius natura modestus, & letis, uultu multo rubore suffuso, & resimis naribus, statura uerò mediocri. Sexagesimo ætatis anno uita functus est, paulo ante quàm Rex Franciscus niuosas alpes traiceret, ut copiis suis Casarianorum impetu perculsis fortiter opem ferens, subalpina oppida, summotis hostibus in fide confirmaret; ut inde in speminauspicate pacis induciæ pararentur.

## DIONYSII CARRONII.

*HIC situs est, in quo uiguit medicina, Ruellus*

*In quo naturæ notitia, atque Poli.*

*In quo prima fuit dos, Graium uertere scripta*

*In Latium, ac Latîo scribere digna Ioue.*

*Olim erat affinis, nunc est coniuua Deorum*

*Premiâq; illa sui grata laboris habet.*

## ANTONIVS TIBALDEVS.

*HIC PRIMVS* fere post Petrarcam supra æmulantes Scraphinum, atq; Manutium planè extinctum Ethrusci carminis decus excitauit, usq; adeo grata auribus alternantium numerorum suauitate, ut quum expetitis ubiq; eius iucundæ facultatis illecebris in amatorios lusus Principum aulas perambulasset: Editæ, uel surre-

pta eius carmina à uiris pariter & fœminis ad Citharam cantarentur. Sed tantam mox famam feliciore orti sydere Bembus, & Syneeris æternis carminibus oppresserunt. Agnouit ille tanto perstrictus fulgore, ingenii sui fortunam, atq; ideo ad Latina carmina se conuertit, quum in his ad genium non insulsa uena responderet. Sed factus grandæuus senex, ridente urbe Roma carminum suorum Etruscorum exequiis interfuit, ita herclè ut euanescentis antiquæ laudis magnam partem redimeret, quum Epigrammata multo Latino sale, leporeq; conspersa inexpectatus edidisset. Perit in uia lata octogenarius senex, firmissimo corpore, & celsa prosperitate, semper erecto, stranguria cruciatus, adeo grauiter, ut ex atra demum bile se ipso factus amarior sæpè, nec insulse delirare uideretur, quum ianua, fenestrisq; penitus oclusis Carolum Cæsarem ex Africa, res lato insigni triumpho, ad eius limen transeuntem spectare noluerit, quod cum minime iustum Imperatorem putaret, qui sub fide publica capta, deletaq; urbis scelus, quo Maiestas eius uel extra culpam fugillari potuit, decumatis legionibus minime uindicasset, quasi non satis fuerit, in tantæ cladis solatio Borbonium, Dorbiniū, Moncatam, & Aurantium, quattuor summos Duces, & patrati facinoris auctores, singulis ictos fulminibus, ultore magnopumine spectauisse.

## COLÆ BRUNI MESSANENSIS.

*QUÆ Ripis te sæpè suis stupuere cantem  
Eridanus, Tyberisq; parens ille, hic tuus hospes.  
Credibile est Vates, Antoni, nunc quoque campis  
Te canere Elysiis, turba admirante priorum.*

## ERASMVS RHOTERODAMVS.

ERASMVS RHOTERODAMVS Ex insula Batavorum perpetuis eruditæ laudis honoribus extollendus uidetur. Postquam ætatis nostræ scriptorum propè omnium decus ingenui fertilitate superarit. Is ab adolescentia, pio religiosi animi decreto, ad cucullatos sacerdotes se contulit, tanquam humana despiceret. Sed non multo post, pertesus uoti intempestiuæ seruitutis uocem, temere suscepti ea sacri ordinis sæpta transiit, ut ad excolendum

dum ingenium planè liber, per omnia Europæ gymnasia uagaretur. Contendebat enim cura ingenti ad summæ gloriæ fastigium, ad quod literarum omnium cognitione perueniri posse intelligebat, quum iam ad arcana cuiusq; doctrinæ, infinita lectione, inusitataq; memoria penetrasset. Edidit Moriam, atq; inde primam nominis famam longissime protulit, imitatione Luciani Satyræ pungentis aculeos passim reliquens, omnium scilicet sectarum actionibus ad insaniam reuocatis. Opus quidem salsa aspergine periucundum, uel grauib; & occupatis; Sed sacrato uiro prorsus indecorum, quum diuinis quoq; rebus illuisse uideretur. Sed mature demum quod eius intemperantiæ, malè audiendo pernas daret, sanctiores literas complexus est, tanta robustissimi ingenii contentione, ut uertendo græca & commentarios excudendo, plura quam quisquam alius uolumina publicarit; Verum se ipso haud dubiè cunctis admirabilior futurus, si latinæ linguæ conditores grauiter imitari, quam feruido, properantiq; ingenio indulgere maluisset. quarebat enim peculiarem laudem ex elocutionis, atq; structuræ nouitate, quæ nulla certa ueterum æmulatione pararetur, ut in Ciceroniano, non occulti lioris plenus ostendit; Tanta enim erat naturæ fecunditas, ut plena semper ac ideo superfluctante aluo, uaria & festinata luxuriantis ingenii prole delectatus nouum aliquid quod statim ederetur, Chalcographis, tanquam intentis obstetricibus parturiret. Obiit apud Heluetios Friburgo in pago, siue ut aliqui asserunt Basilicæ septuagesimum excedens ætatis annum, quum Carolus Cæsar in prouinciam irrumpens, ad Aquas Sextias, Francisco Gallicæ Regi graue bellum intulisset.

### IANI VITALIS.

*Lubrica si tibi mens fuit, & spinosior æquo;*

*Ingenium certè nobile Erasme fuit:*

*Felix si mistas labruscas dulcibus uuis*

*Prodiga desisset uinea ferrè tua:*

*Barbaricè media præclarum sydus haberent,*

*Et te Varronem tempora nostra suum:*

*Hanc tamen inscriptam his titulis posuere columnam,*

*Iactura hic laudum publica facta fuit.*

## INCERTI.

*Theutona terra suum quum miraretur Erasmus  
Hoc maius potuit dicere, nil genui.*

## RUTILIVS.

RUTILIVS è Colonia oppido Vicentini agri, quum  
erudito diligentiq; eius ingenio Nicolaus Ridulphus Cardinalis fa-  
miliariter uteretur, ex umbratili iureconsulto flamen euasit, quod  
nunquam in forum prodiiisset. Edidit enim uolumen ab industria,  
atq; facundia commendatum de his qui florente Romano Imperio  
iuris intelligentia præstiterunt; quo laborioso, elegantiq; opere. Cis-  
ceronem obiter à multa mendorum labe repurgauit. Maiora por-  
ro editurus uideri potuit; nisi immatura mors lucubrantem Vene-  
tiis oppresisset. Amici autem poëte, de eo tanquam conspicui ses-  
pulchri honore, ex humili fortuna facile carituro, hæc carmina des-  
cantarunt.

## PETRI CVRSII.

*Vt mors Rutilium sensit tot reddere uitæ  
Styx uale, ait, uitæ iam patefacta uia est.*

## CROTI.

*Exciri ut Legum latores sensit ab Orco  
Inuida mors fufis protulit hæc lachrymis:  
Quam uerè eiusdem est inferre, auferreq; Leges,  
Legè borum cum Lex penè refixa mea est.*

## IANI VITALIS.

*Viuitur in chartis, Rutili felicius ipsis,  
Cum uideant mortem marmora, & ara suam.  
Absumpsit priscos Legum Libitina peritos,  
Tu facis in scriptis uiuere, & esse tuis.*

Quam



*Quam merito illi igitur dicent, aeternor ære  
Est tua, & aeternis pagina marmoribus.*

## GVLIELMVS. BVDÆVS.

NVLLI MORTALIVM. Etate nostra perpetuis Lucubrationibus aspirante Fortuna, cum græcæ, tum Latinae eruditionis maiores opes contigerunt, quam GVLIELMO BVDÆO non Gallia modo, sed totius etiam Europæ longe doctissimo. Natus Lutetiae præcellentium disciplinarum celebri domicilio, dum perennem spectaret laudem, & rei familiaris fortunas, honoresq; ingenio suo, & sperata gloria uiliores arbitratetur. Sexaginta amplius ætatis annos in studiis consumpsit, ita, ut summæ eruditionis Libro de Asserptis in Pandectas edito, & infinita demum lectione confectis Commentariis, quibus græcæ, & Latinae facultatis ornamenta comparantur, nulli communicatæ laude, æquales omnes doctrinae auctoritate superaret. Sed qui in memorie thesauris tantas diuitias miro digestas ordine continebat, ueluti occupatus in apparatu, candidioris eloquentiae cultum neglexisse existimatur. Id enim in toto studiorum negotio longè grauissimum, nemo, nisi irrita spe senectuti unquam reseruauit. Adaugebant nominis famam in perspicuo animo sanctissimi mores, quibus aliquantò uberiora rei familiaris incrementa, quam pertinaci diligentia, uel honoris ambitione, eductis feliciter liberis reliquit, quum Rex Franciscus, subita liberalitate inclytus, optimi uiri otium foueret; & ipse supplicibus libellis præpositus, honestissimo prouentu ditaretur. Sed uir aliqui incorrupta mente compositus Erasmiæ obrectationis spicula ferre non potuit, quum facile indignabundus, bile gallica redundaret, ille autem contumaci odio incensus tela ueneno Batauo delibuta iacularetur. Septuagesimum tertium agentem annum oppressit febris longinquo & astuoso ad Armoricum oceanum itinere concepta. Pie autem tranquilloq; uita excedens condito testamento, omnes honores funeris & tumuli penitus abdicauit, ita ut, quum numerosa proles eum lugeret, noctu tumularetur. Fato functus est, non multo post celebres illos hospites Triumphos, quum Cæsar ab Hispania per mediam galliam in Belgas profectus, gentem bello festam, festa paslim hylaritate in spem pacis, exisset.

Q IANI

QVI Sanctum simul, & simul disertum  
Exquiris sapientiae magistrum  
Vt vera quid petis? hic iacet Budeus.

SALMONII.

Budeus uoluit media de nocte sepulchro  
Inferri, & nullas prorsus adesse faces:  
Non factum ratione caret, clarissima quando  
Ipse sibi Lampas, luxq; corusca fuit.

HIERONYMVS ALEANDER.

DE TVR HOC INCOMPARABILI inusitate  
memoriae felicitati, quae in Hieronymo Aleandro supra cuiusque  
uel antiqui saeculi captum admiranter excelluit, ut eius ex uero des-  
cripta facies, uel in pudenda ingenii sterilitate inter fecundissimas  
imagines conspiciatur, quando nihil eum cuncta uolumina cupide  
perlegentem, uel rerum, uel uerborum omnino subterfugerit, quin  
singula memoriter, uel a multis annis longo sepulta silentio recita-  
ret. Latinae enim, graecaeq; literae, quum saepe alacriter iactabundo  
pro uernaculis haberentur, Hebraicas admirantibus iudeis & suae  
stirpis eum facile credentibus solertissime didicit. His ingenii do-  
tibus insignis, quum Lutetiae Parisiorum graece docendo honorem  
praefecturae gymnasii concordi studiose iuuentutis acclamatione es-  
set consecutus; uenissetq; in urbem, Leo Pontifex grauisimus inge-  
niorum aestimator, eum extulit, misitq; Legatum in Germaniam;  
ut Lutheranae haereticis initia, disputatione tollerentur, exinde Cle-  
mens Brundisium, casu potius quam animi iudicio Antistitem fe-  
cit. Paulus autem uerae uirtutis eruditus exornator legit in Sena-  
tum, Latus est ea purpura per annos quinque peruasurus haud  
dubie ad exactam aetatem, nisi nimia tuenda uoletudinis solici-  
tudine intempestiuus medicamentis sibi hercle infans & infelix;  
medicus, uiscera corrupisset. In toto autem uitae cursu, externis  
poranea facundia delectatus sero ingenii labem sensit, quum ad  
meditatam scriptionem purior eloquentiae uena, uti externo &  
praecepti

no & precipiti quodam luto perturbata minime profueret, ita spe melioris styli, misere destitutus, quum uastum opus, uasta illa memoria aduersus singulos disciplinarum professores agigaret. Romæ interit fato suo uehementer indignatus, quum se præceptum anno uno ante climactericum inter anxia, supremæq; suspiria quereretur. Tumultus est in æde Transyberina Diuo Chrysogono dedicata, ea testamenti lege, ut sepulchrum, græco carmine ab se composito, cum reliquis titulis inscriberetur, quo nouas clades imminere nobis ominatur in hanc sententiam.

#### IPSIVS.

*Excessi è uitæ ærumnis facilisq; ,lubensq; ,  
Ne peiora ipsa morte debinc uideam .*

#### LNI VITÆLLIS.

*Non tibi literulis ornare Alcandre sepulchrum  
Fas erat , at uastam ponere Pyramidem ;  
Stesichorosq; inter celebres , sanctosq; Platones ,  
Ex auro solidam stare tibi statuam:  
Vidimus in te uno diuinæ insignia mentis ,  
Et plusquam humani par decus ingenii ;  
Nunc perit tecum , quantum uix secula mille  
Quantum uix præstent millia mille hominum .*

#### LAMPRIDIUS.

LAMPRIDIUS Poëta Cremonensis, quum in colle Quirinali schola græcorum adolescentium, instituente Lascare coalesceret, docendi munus suscepit exercitatione perutili; quod argumenta proposita utriusque linguæ uerbis, & figuris ad mutuam ingeniorum æmulationem uerterentur. Sed crepto Leone, & subinde euerfis optimarum literarum studiis, Patauium se contulit, ubi per aliquot annos dñi exollaticia mercede delectorum iuuenum græcas, & Latinas literas, maiore quaestu, quam gloria professus est. Nunquam enim (uti erat) elato, contumaciq; ingenio adduci potuit, ut publicum suggestum conscenderet, ne cum eloquentioris

Q ii bus,

bus, uel minus eruditis, ambigue existimationis aleam subiret; Nouissimè Federicus Gonzaga, ut filio præceptor esset, Mantuam acciuit. In eo munere, Septenne discipulo, & uix degustata Principis liberalitate minimè senex lateris dolore, surreptus est. Scripsit Odas æmulatione Pindarica eruditas & graues, sed ob id plerisque minus iucundas, quod Prisci imitationeque difficilis poetæ cursum, tanquam inflati, & tortuosi fluminis sequutus insolentior, & durior Latinis auribus euaserit. Fit enim, monente Flacco, ut quæ optima & excellenter græcè ornata intelliguntur, uel paribus numeris tractata ad genium Latinæ suauitatis minimè respondeant.

### MYRTEI.

Ergo ego, nobilium ô genitrix, atque hospita uatum  
Mantua, quod nimium uicina Cremona Maroni  
Obsuerit, solus pœnas abs te ipse reposcor?  
Ille sôli tantum damnum tulit: astra ego de te,  
Mantua, deus tuo meritis bene principe, cara  
Pro patria, & uitam, & cineres tibi reddere cogor.

### ASPASIAE AMICAE.

Sepulchro inscriptum in templo Sancti Andreae.

LAMPRIDIVM Carum Musis hic Mantua seruat.

### MARCI ANTONII FLAMINII.

Perdideras Varium, nostro sed tempore laudes  
Lampridius renouat docta Cremona tuas.  
Ille sophocleo cantabat digna cothurno,  
Iste canit lyricos pindarico ore modos.

### GASPAR CONTARENVS CARDI.

GASPAR CONTARENVS Patrii ordinis Veneratus, ab insigni memoria, illustrique doctrina, & corporis, ac ingenii

genii castitate mirabilis, ad Rempublicam ita accessit; ut grauitas  
 te iudicii consummate prudentiæ Senatoribus æquaretur: atq; inde  
 maturata maximarum Legationum munera capesseret, non ætatis  
 quidem, sed una uirtute prærogatiua commendatus. Iuuenis enim,  
 tanquam perfectus Peripateticus Aristotelem a calumniâ defende-  
 rat, quanquàm modestiæ causa suppresso nomine, aduersus Poms-  
 ponatium præceptorem, quum ille, si non infano, impio tamen co-  
 natu animas nostras interire cum corpore, ex Aristotelis sententia  
 persuadere Libro edito contendisset. Appulit exinde ingenium ad  
 sacras literas adeo diligenter, ut ad normam Christianæ disciplinæ  
 Librum, de optimi Antistitis officio publicaret. In ipso autem ci-  
 uilium honorum cursu, honestum, decorumq; sibi; & patriæ De  
 Repu. Venetorum uolumen edidit, ut institutæ Leges ex antiquo  
 more ciuitatis in mandandis honoribus, ad memoriam posteritati  
 traderentur. Nouissimè Paulus Pontifex, Augusta illa generosi iu-  
 dicii maturitate facile superiores Principes antecedens nihil tale ex-  
 pectantem in Senatum legit, Purpuraq; ornatum in Germaniam  
 legatum misit; ut diris quorundam animis, concepta Lutheri factio  
 salubri adducto dogmate sanaretur: Sed post eam rem; castro labo-  
 re semper actitatum, quum in urbem rediisset, Legatus Bononiæ  
 creatus est; In eoq; munere, paucos post menses, nondum sexages-  
 narius, rapida febre interiit. Sepulchrum eius, Lateritii operis in  
 æde Diui Proculi ad leuam, cum hoc carmine conspicitur.

## MARCI ANTONII FLAMINII.

CONTARENE tuo docuisti magne Libello

*Extinctis animas uiuere corporibus.*

Ergo iure tui uiuunt monimenta Libelli,

*Et uiuent sæclis innumerabilibus.*

## EIVSDEM.

Descripsit ille, Maximus quondam Plato

*Longis suorum ambagibus uoluminum*

*Quis ciuitatis optimus foret status.*

*Sed hunc ab ipsa sæculorum origine*

Q iii Nec

*Nec ulla uidit, nec uidebit ciuitas.*

*At CONTARENVS optimam Rempublicam  
Parui Libelli disputationibus*

*Illam probauit esse, quam millesima*

*Iam cernit aëtas Hadriatico in Mari*

*Florere pace, Literis, pecunia.*

### *ANI VITALIS.*

*CONTARENE tibi pietas dum dia parentat,*

*Et queritur longo amissum Res publica luctu,*

*Ite ait illustres animæ uitalia sæcla,*

*Heroum, & uestro Sibletæ exornate sepulchrum*

*Floribus, hic ueris docuit rationibus esse*

*Immortalem animam summa de mente creatam.*

### *HENRICVS CORNELIUS AGRIPPA.*

*QVIS IN HENRICI CORNELII AGRIPPAE*

*Pæ sedato uultu, portentosum ingenium latuisse crediderit? Hic enim inuenio captu, uastaq; memoria, scientiarum, artiumq; omnium rationes, arcanaq; intima & summos apices complexus, disciplinas conuellit, religiones in dubium reuocat, studiorumq; omnium labores festiua declamatione deridet, eoq; uehementius, atq; ualidius quod tante nouitatis argumenta sacrarum literarum auctoritate confirmentur, quasi feliciore opere illudentis ingenii tantas opes ostentare nequiuisset, nisi uir educatus in literis, & à Cæsare eruditionis ergo Equestris ordinis dignitate honestatus, importunos Arietes inanis eloquentiæ æternis optimarum Literarum arcibus admouisset: Sed ad hoc cum plaufu à multis exceptum uolumen de uanitate scientiarum, alium addidit Librum de occultis philosophia curiosis admodum pestilentem, quod opus, ex censura christiana, edicto, uetitum apud unos impios reperitur, Sed in utroq; serio, pariter & ioco grauior, atq; lepidior, ac ideo forsitan æternus appareret, nisi puriorem eloquentiam non secus ac reliquas facultates infelici uel inepto iudicio contempsisset: Excessit enim uita nondum senex apud lugdunum ignobili, & tenebroso in diuersorio*

forio, multis cum tanquam Necromantiæ suspitione infamem ex-  
crantibus, quod Cacodæmonem nigri canis specie circūdueret, ita  
ut quum propinqua morte ad poenitentiam urgeretur, cani collare  
loreum magicis per clauorum emblemata inscriptum notis exolue-  
rit, in hac suprema uerba irate prorumpens, abi perdita bestia quæ  
me totum perdidisti, nec usquàm familiaris ille canis, ac asiduus  
itinerum omnium comes, & tum morientis Domini defector, pos-  
tea conspectus est, quum præcipiti fugæ saltu in Ararim se immer-  
sisse nec enataste, ab his qui id uidisse asseriebant, existimetur.

IOANNIS BAPTISTÆ  
POSSENINI.

*Vluens quem cernis ne te fortasse moretur*

*Os placidum, Stygi Rex fuit iste lacus:*

*Quare etiam custodem habuit dum uiueret orci*

*Qui nunc in tenebris præda daret comitem.*

*At hic si ingenium moderari scisset, ad auras*

*Tantum iisset, quantum Tartara nigra subit.*

BAPTISTA PIVS.

Non erit ullo sæculo agrestibus præsertim grammaticis ingra-  
tum, Pii nomen, urbanis autem, & elegantibus uiris unquam in-  
iucundum. robusto enim ingenio, tenaciq; memoria præualidus do-  
ctissimi famam meruit, quum obscuros authores interpretandos su-  
scopisset, inepta quidem Beroaldi præceptoris æmulatione cuius in  
Asinum Apuleii commentationes exierant, in iis fuisse Fulgentius,  
Sidonius, & e poëtis Plautus, Lucretius, & Valerius Flacus. ex-  
oleta enim rancidæ uetustatis uocabula delectu infano sectabatur;  
admirante quidem discipulorum inscia turba, quum planè a non  
insulsissimis rideretur: Siquidem eius sermo, stylusq; Osco-  
& Aboriginum linguam pingui, atq; aspera nouitate referebant;  
quàm nonnulli lasciuè ludentes discere percuperent, nisi contagiosi  
uitii periculo terrentur, factum autem breui est, ut ea absolète,  
& ridendæ passim elocutionis uerba tanquam Portenta in Scenam  
transierint, confecta scilicet à lepidis ingenii mirabili fabula, hæc  
enim impressa extat, qua sup habitu suoq; idiomate Blatterantis Pii  
persona

persona inducitur, ab obiurgante, reprehendenteq; Prisciano me-  
 tas flagello plagas, puerorum maledicentium more, clunibus nu-  
 datis excipiens. Tum enim Phædrus ad antiquæ pronunciationis  
 decus romanam iuuentutem glorioso studio reuocabat, quum Lu-  
 dis Capitolinis stupende apparatu, miraq; felicitate Plauti Penus  
 lum per ingenuos, nobilesq; comædos representata florentis quon-  
 dam urbis fortuna, edidisset, id expetente Leone, quod tum frater  
 Iulianus à Populo Romano Ciuitate donaretur. Cæterum Pius qua-  
 drato ingenio eos nasutorum rumores contempsit, sua conscientia  
 profecto felix, quod neminem se uidere diceret, eruditi nomine di-  
 gnum, qui de u & tota facultate, uel abstracta lætionis interroga-  
 tus præclare, & constanter prolato præsentis doctrinæ thesauro mi-  
 nimè responderet: id enim ipse uegeta rerum omnium, & in sene-  
 quidem admirabili, recordatione, tam probe, quam superbe præ-  
 stare erat solitus. Sed uel sero ita explosi styli uitium agnouit, ut se  
 totum ad Cicronem reciperet, & multa in eo clucidando commen-  
 taretur; cum Postremo quum Bononiæ, Mediolani, & Lucæ per  
 quinquaginta annos docuisset, Paulus Pontifex tanquam ueterem  
 suum familiarem, in urbem acciuit: publicoq; in munere defunctus  
 est octogenarius, summa temperaturæ firmitate aduersus morbos in-  
 uictus, contigit ei subite, ac inexpectatæ mortis lenissimum ge-  
 nus, quo diuinus Plato felix fuisse iudicatur. Præfatus enim hylari-  
 ter, & remota mensæ mappa subinde lætitans Galeni librum, in  
 quo designis propinquæ mortis agitur, deprehendit fatales in un-  
 guibus maculas, & dixit ergo sæua Parca instans uitæ meæ filum  
 commoidet, nec multo post nullo acri clementis utiq; mortis impe-  
 tu concussus in complexu Probi Priuernatis Poëtæ, leniter expira-  
 uit; Tumultus est in templo diui Eustachii his carminibus hone-  
 status.

## LEONARDI MARSI.

Ingenio reuoluisse Pius se se omnia cernens

Nunc repeto, dixit, Sydera, terra uale.

## ANTONII VACCÆ.

Felsina quem genuit, studiis consumptus, & annis

ille Poëtæ Pius Bibliotheca loquens.

Hic



*Hic situs est. qui cum priscæ omnis gratia lingue  
Et Plauti ueteres interiere sales.*

## FRANCISCVS ARSILLVS.

FRANCISCVS ARSILLVS è Senogallia per triginta annos, alternante ingenii libidine Æsculapio filio, patriq; Apollini sacra fecit; quum Medicinam uti popularis, & pedestris ordinis Medicus ad alimenta uitæ passim exerceret, & quotidiana ferè carminum fœtura letaretur. Natura enim frugi, & aureæ libertatis custos, Vaticanam Aulam, & potentium limina, contumaci quadam superbia deuitabat. Scripsit appposito carmine ad præscriptum, proloquia Hippocratis, & lepidum item libellum de poetis urbanis, mihi tanquàm ueteri sodali dedicatum, quum Leone ingeniis liberaliter arridente, multi undique poetæ illustres, nequæquàm ad inanes spes in urbem confluxissent, & pulcherrimo quodam certamine à singulis in una tantum statuæ materiæ scriberetur, qua carminum farragine Coritius homo Treuir, humani iuris Libellis præpositus, uti perhumanus poetarum hospes, ac admirator inclaruit; ea scilicet statua insigni marmorea, Aureliano in templo dedicata, inuitatisq; Vatis, ut tria numina Christi Dei, & Matris, ac Auix uno in signo celebrarent. Sed Arsillus qui se se artis præsidio aduersus morborum contumeliam præmunens uitam satis extenderat, intercute morbo oppressus, septuagesimum ætatis annum superare non potuit.

## IANI VITALIS.

*Carminibus nostros celebraſti Arſille poetas  
Qualia diclarunt Phœbus, & Æonides:  
Nos memores grati officiū tibi ſerta dicamus  
Myrthea Pyrmilla munera grata tuæ:  
Optamusq; tibi ſedes ubi ſancta piorum  
E lyſios inter dicitur eſſe cohors.*

R Ergo

## HONORATI FASITELII.

*Ergo uidemus lumine hoc spirabili  
 Cassum iacere te quoque ,  
 Ut plebe quiuus unus è uili iacet ,  
 ARSILLE , magno Apollini ,  
 Nouemq; Musis care ; siue poculis  
 Præsentibus morbi graues  
 Essent leuandi , siue dulci carmine  
 Dicenda mater aurea  
 Cupidinum , lususq; furtorum leues .  
 O uota nostra inania :  
 Quid dura fati non potest necessitas ?  
 Ida hyam mihi puer ;  
 Manuq; funde promiore cæcubum :  
 Nunc sunt Lyai munera ,  
 Nunc plectra cordi ; nunc tuuat lectissimo  
 Cinxisse flore tempora :  
 Sicci tenebris obsiti tristi in styge  
 Fortasse cras silebimus .*

## MOLSA.

**MARIUS MOLSA** Mutinensis , eximium atque habile ad poeticam ingenium à natura consecutus , Latinis Elegis, & Etruscis Rhythmis pari gratia ludendo Musas exercuit tanta quidem omnium commendatione , ut per triginta annos, qui Romæ Mecænatiss nomen tulere , insigni liberalitate , studioq; adiutum adipiscendis honoribus offerre contenderint : Prægrauante semper eius genio , quum rediuiuis toties amoribus occupatus , par ingenio studium subtraheret , neque habitu , uel incessu , ulloque nobili commercio carminum famam tueretur ; Faxde prodigus , honestiq; nescius pudoris neglectum rerum omnium ad innoxia libertatis nomen reuocabat usque adeo supine , ut summæ laudis , & clarioris fortunæ certissimam spem facile corruperit . His moribus , quum Venerem , quàm Minervam impensius cole-ret ab illa meritum pudendo contactu miserabilis morbi , quo peris

ret uenenum haufit . Ab hac uero ſempiternam ingenii laudem reſtulit , non à iucundo tantum carmine quo laſciuiffe uidetur . Sed peſtrem etiam , grauicq; facundia , qua Laurentium Medicem , nefaria libidine antiquis ſtatuſ , noctu illuſtria capita detrahentem apud Romanos ab ea iniuria dolore percitos accuſauit . Ea enim perſcripta oratione Laurentium uſq; adeo pudore , & metu perennis probri conſternatum ferunt , ut atroci animo , quo inuſtam ignominia non tam nouitate facinoris obſcuraret interficiendi Principis , amiciq; ſingularis immane conſilium ſuſceperit ; ſcilicet ut Dīs inuitis Patriæ libertas pararetur , uel ſi cuncta humanæ , & fraternæ ſimul amicitia , hoſpitalisq; cubiculi , ſanctiſſima iura tollerentur , nec Regum omnium ſalutis intereſſet , quum eo uno exemplo , omnis uel in arcas , no uitæ ſecuritas expiraret , dum ille altè ſtertenti , tanquam tyranno parum nobili , ſi non ſceleſta manu , uitam eriperet .

### TRYPHONIS.

*Qui leſido ueteres æquauit carmine Moſſa  
Hic tacet ætatis maximus huius honos .*

### FRANCHINI COSSENTINI.

*Moſſa iaces , tua fama uiget , tua ſcripta leguntur ,  
Felix qui potuit uiuere poſt obitum :*

### MARCI ANTONII FLAMINII.

*Poſtera dum numeros dulces mirabitur ætas  
Siue Tibulle tuos , ſiue Petrarca tuos ,  
Tu quoque Moſſa pari ſemper celebrabere fama ,  
Vel potius titulo duplici maior eris ;  
Quicquid enim laudis dedite inclita Muſa duobus  
Vatibus , hoc uni donat habere tibi .*

### ALBERTVS PIGHIUS.

*MAGNA herclè naturæ illuſdentis inuerecundia , excellens*

*R ii tem*

tem doctrinam cum illustri eloquentia coniunctam, si christiani scriptoris decus spectetur, multa infaceti oris truculentia operam, in Alberto Pighio conspeximus. Is Campo Bataurorum uico editus, secutusque Adriani Pontificis fortunam, quæ ex disciplinis peregrè didicerat, latini sermonis elegantia feliciter exornauit. Ita ut subtilissimarum scientiarum placita, & si quid durum, atque difficile ex sacris literis nouitate rerum ac nominum scribentibus offertur, prouidenter ac molliter explicaret. Sed in differendo uultus Scythico more contusus & enormis, & aspero guttore uox educta, & grauiter resonantis nasi tumultus, totam ferè sapientiæ gloriam deformabant. Admirabili quoque cum ingenii, tum manuum argutia excelsu, ut potè qui ærea instrumenta deprehendendis syderum cursibus, exactissimè fabricaret. Verum in libro de Hierarchia quoueluti acutissimo gladio Lutheri causam iugulauit, ferè nemini cessam pietatis & doctrinæ laudem adeptus est. Quum id uolumen commentaretur, ut direptam ab impiis sacrosanctæ potestatis hereditatem Romano Pontifici assereret cum è summo uitæ periculo certissimum Dei maximi numen cripuit. Bononiæ enim in celeberrima pompa, quum transeunte coronato Cæsare Carolo Quinto pars ligni pontis iuxta Cæsarem turbæ pondere corruisset, Albertus tignorū, atque hominū ruina ita oppressus est, ut probitatis, ac instituti operis merito seruaretur. Obiit nondum senex in patrio solo, sacerdotiis à Clemente, & Paulo liberaliter honestatus.

## MYRTEI.

*Qui extrema Bataurū profectus ora  
Non bello ore, animo sed omniumq;  
Præclarus studio scientiarum  
Pro Republica, & optima Quiritum  
Sede, acer stetit hostis in Lutherum  
Albertus iacet hic. Sacrum sepulchro  
Da Tibus maxime Pontifex, & undam.*

## BENEDICTVS IOVIVS NOVOCOMENSIS.

QVO iusto nomine te appellem Benedicte Iouis qua satis digna

gna cum laude te prosequar uix scio , amore siquidem natura q̄ger  
 manus frater , summo charitatis officio pater optimus , moderatus  
 educator , & diligens in literis magister extitisti , ut erga me orba-  
 tum patre nec adhuc pubescentem , omne munus perfectæ uirtutis  
 adimpleres . Sed hæc alii fratribus fortasse plenius præstiterunt , tu  
 certè , quod ad spem immortalitatis pertinet , quum patriam his-  
 toriam , atq; item res gestas , & mores Helueticorum eleganter per-  
 scriberes , ingenium meum , ueri gloriosiq; itineris monstrator , amu-  
 latione domestica succendisti . Scilicet ut nostrorum temporum his-  
 toriam cogniti orbis res gestas complectentem , exordiri atq; per-  
 ficere posse , te demum admirante , feliciter auderemus . Verum hæc  
 una erit tua peculiaris Christianæ modestiæ laus , quod frugi con-  
 tentus uita ex nobili coniugio , Iouiam familiam uetustate quam  
 fortunis clariorem præclara sobole amplificasti . Supra id etiam fes-  
 lix , quod ambitiose patria nunquam pedem extuleris , nisi ut Me-  
 diolani Demetrium græcè profitemem pronunciationis causa audi-  
 res , qui eam linguam nullo præeunte magistro didiceras . Inde q̄  
 perpetua uitæ innocentia ac animi tranquillitate æquatus summis  
 Philosophis ad tertium & septuagesimum ætatis annum perueniris ,  
 nihil morbis , corpore affecto , uegetaq; semper illa incredibili rerum ,  
 & nominum memoria , & integro intentoq; ardentis ingenii uigo-  
 re , quo dudum centum epistolas grauissimæ eruditionis posteris  
 dedicasti . Sed hæc & græcæ translationis non ignobilia opera cum  
 lepidis poematibus , eruditorum liberorum diligentia publicabit .  
 Ego uero te , quanquam ex merita pietate haud dubiè cœlesti felici-  
 tate beatum frustra singulis horis cum fletu requiram , & eo qui-  
 dem grauius , atq; molestius , quo instantis senectutis sperata solatia  
 fato tuo mihi erepta , satis dolere non possum , nisi tibi malorum fi-  
 nem , & perennis boni uel serò partam possessionem , impiè aut im-  
 pudenter inuideam . Elatus est nobilium iuuenum humeris , tumu-  
 latusq; in templo maximo , qui honos nemini adhuc nisi sacratio ui-  
 ro , Comi contigit .

IOHANNES BAPTISTÆ POSSE-  
 VINI MANTVANI.

*Claudere Musæum iam Paulus cœperat , atque  
 Extremam chartis imposuisse manum ;*

R iii Cum

Cum subito exclamat Benedictus, muneris huius  
 Siccine me expertem frater abire sinis?  
 Non datur hoc, Iouius, uiuenti, dixit, at ille  
 Perpetuum sperans uiuere, latus obiit.

## ANTONII SERONIS.

Quod sis ultima Pars IOVI libelli  
 Id fratris Pietate, & arte factum est,  
 Ne uel Charior aptiorue imago  
 Olim quam tua iactet ulla se se  
 Signasse hunc Lepidissimum libellum.

DESIDERANTVR autem à nobis multorum imagi-  
 nes qui præclara, quum iam pridem obierint, scriptorum testifica-  
 tione ingeniorum suorum effigies famæ consecrarunt. Frustra enim  
 eas, uel diligentissima uestigatione perquisuimus, sic tamen, ut mi-  
 nime desperemus uiros elegantes huic honesto uoto humaniter sus-  
 fragaturos. Alii enim aut statuas, aut picturas publicis, aut priuas  
 tis in locis ostendent, aut turpiter apud propinquos neglectas, aut  
 occultatas indicabunt. Quid enim in toto nobilis officii genere ho-  
 nestius esse poterit, quam in Musæum, quo publicus uirtutis  
 honos ad exemplum & uoluptatem continetur, exoptatas imagi-  
 nes liberali pietate contulisse?

## MAPHEI VEGII LAVDENSIS.

QVI HEROICO-Spiritu Maronem feliciter æmulatus,  
 quum Æncidem addito Libro supplenuisset, omnes fere à mille an-  
 nis illustres poetas, nec excepto quidem Petrarca Laureato, præcla-  
 ra cum laude superauit. Sed grauioris quoque doctrinæ, & summæ  
 prudentiæ

prudentiæ opinione, Martini Pontificis amicitiam consecutus in conferendis sacerdotiis supplicium Libellorum officio præfuit, ita, ut mox Eugenio, & Nicolao carissimus fuerit. Extat & eius iucundus nobilisq; Dialogus de præstantia disceptantium, Terræ, Solis & Auri, & ne quid ad cumulatam eruditionem uero christiano deesset, quædam etiam in sacris literis sinceræ interpretationis glossæ mata reliquit, Aureumq; præsertim Libellum de rebus antiquis, memorabilibus Basilicæ Sancti Petri, in quo donaria, sepulchraq; Pontificum referuntur.

IACOBI GV IDII VO,  
L A T E R A N I.

*Felix, dum studet addito libello*

*Æneam Vægius referre ad astra,*

*Illustres alios it ante uates*

*Asserta sibi gloria Maronis.*

IOANNIS TORTELII.

QVI Aretii natus ingenium omnibus ferè disciplinæ excultum Romam attulit, meruitq; inde, ut ab optimo Pontifice Nicolao intra cubiculum curarum, & consiliorum particeps, & sacrorum studiorum adminiculator ascisceretur. Suauitate enim sermonis, hilariq; modestia æquales antecessit, inter quos pudenda simulas insanis altercationibus excitata, omnem literatæ dignitatis existimationem fœdissime conuellebat. Sed Tortelius exacti grammatici laude contentus fuit, edito nobili, æternoq; uolumine de potestate literarum, quo maximum renascenti eloquentiæ lumen adfulsisse uidemus, Diui quoq; Athanasii uitam Eugenio expetenti latinam fecit. Sed quid maius Tortelio in toto genere laudum tribui non ineptè potest, quando cum Valla disertissimus omnium grammaticus, tanquam summum censorem sibi delegerit?

BARTHOLOMEI FACII.

HVNC Spedia intimum Lunensi in Portu Lyguriæ oppidum protulit, utriusq; linguæ peritiâ insignem, sed certè clariorem si Genuensium

si Genuensium uictorias de Venero hoste naualibus præliis partas, incorrupto iudicio perscripssisset; Nam Valla, quanquàm suspectus hostis, & irrisor, nihil cum aqua prudentia, nihil ex lege conscribendæ historiæ, dum illa conderet, perpendisse testatur. Sed Alfonso Rex ueræ gloriæ cupidus, eum ideo liberali stipendio conduxerat, ut res suæ bello gestæ, quæ erant absoluto scriptore dignissimæ, posterorum memoriæ mandarentur, Eo nomine quanquàm in diuersa materia; Vallæ æmulus factus obtreccatione Laudis peracrem uirum ita pupugit, ut talionis, immortalis uulnere facile suscepto, clarior euaserit, alioqui secundam famam meritis, quum Arrianum de rebus ab Alexandro Magno gestis, è græco Latine loquentem edidisset. Subsecutus est propere hostem Vallam pari, ac importuna fatorum iniuria elegantioribus studiis ereptum ita ut non infacete hoc carmen Epitaphio subscribendum ederetur.

*Ne uel in elyssijs sine Vindice Valla susurret,  
Facius haud multos post obit ipse dies.*

## GVARINI VERONENSIS.

AB HOC insigni uiro, græcæ, Latinæq; literæ obscuris illis temporibus antiqui sæculi normam, quadratæq; structuræ ordinem, & diu questum decus receperunt. huius quoq; immortalis beneficio, Strabonem ferme totum legimus, atq; item aliquot Plutarchi Vitas in Latinum accurate conuersas. hæc parua laus manauit ad filium, qui tali hereditate peculiariter honestatus, æmulatione patris, quum iisdem studiis operam dedisset, rem utiq; & familiæ nostræ dignitatem diligenter adauxit.

## PETRI PAULI VERGERII.

IS IVSTINOPOLI in Histria natus, Chrysoloræq; discipulus, græcas literas ex purissimo fonte haustas illustribus discipulis humanissime refudit, ut inductis passim eius linguae riuulis, Italiam plane sitientem irrigaret. Latine autem scribendi, singularis, eo sæculo, facultas enituit, uti apparet ex eo libello, qui de educandis liberis ad exactam disciplinam, peramictæ atq; prudenter scriptus, me pucro, in scholis legebatur.

IACO:



## IACOBI BRACELLII LYGVRI.

PRÆCLARO huius exemplo liquidissime constat, non esse usq; adeo dura atq; aspera Lygurum ingenia, quum à quibusdā damnata eius terræ glabris cauitibus assimilentur, ut non facile Musarum cultura molliantur. Scripsit enim Alfonsi Regis res bello gestas, omnium scriptorum collatione, qui nuper antecesserint longè grauisime, si eius sæculi nondum perpolitam eloquentiam cum ea conferamus, quæ demum inducta subtiliore antiquorum imitatione candidior euaserit.

## GEORGII VALLÆ PLACENTINI.

QVI DISCIPLINAS, literasq; omnes, uno ingenti uolumine complexus multa potius didicisse, quàm in eo celeris transcurfu perdiscenda posteris reliquisse uidetur. quandoquidem coaceruantis omnia, indefesseq; scribentis, requisitus ille Romanæ elocutionis spiritus omnino defuerit, quo uno uoluminum uita præclare alitur, longissimeq; producit.

## IOANNIS SIMONETÆ.

HIC FRANCISCI SFORTIÆ Res gestas elocutione, texturaq; operis. C. Cæsarem alludendo imitatus, Latine perscripsit: is demum liber, ut diffusus, in castrisq; præsertim à militibus legeretur, à Landino in Etruscum sermonem conuersus est. Erat Ioanni Germanus frater Cichus, ille in Brutiis natus, qui Galeasio à coniuratis interfecto, quum pupilli incorrupta fide tutelam suscepisset, nefaria ambitione, Ludouici patruī captus, damnatusq; Fatalis constantiæ suæ abscisus ceruicibus poenam subiit, mitiore aliquantò fortuna erga Ioannem, quum in eadem quaestionis acerbitate diu tortus euaserit, ualido scilicet apud Tyrannum pudore, ne uideretur ingratis sublatu, qui patrem summæ uirtutis principem, ne unquam interiret, beneficio literarum immortalem esse fecisset.

## BERNARDI IVSTINIANI VENETI.

HIC à prima patriæ nascentis origine historiam scribere orsus

sus, quod susceperat graue munus elegantissimè perfecit, ita, ut cum nobili gloria dignum existimemus, quum patritius, eruditioq; patre genitus, quod patriæ debebat egregiè, cumulatèq; persoluerit.

### CHRISTOPHORI PERSONÆ ROMANI.

IS inter diuæ Balbinæ flamines in Auentini montis cœnobio prior appellatus Procopium Latine loquentem fecit, non dubia in Leonardum Arctinum conflata inuidia, qui suppresso græci authoris nomine, Gothicam historiam, tanquam è uariis scriptoribus decerpam pro sua Iuliano Casarino Cardinali, qui ad Varnam ab Amurathæ casus periit, nullo pudore nuncuparat.

### GEORGII TIPHERNATIS.

HUIUS Doctissimi uiri munere reliquam Strabonis partem, quam Guarinus nō attigerat, in Latinum splendide traductam legimus, Fama quoq; fertur Herodiani historias eius ingenio, laboreq; fuisse translatas, quasi eas morienti subtraxerit Politianus uir in literario negotio sæpè conuietus furti; Sed uix credibile uidetur, ut uir in omni dicendi facultate, opulentissimus, idem atq; promptissimus, ex alieni ingenii labore famam probro, & calumnia redundantem quaxisset uoluerit.

### RAPHAELIS VOLATERRANI.

FUIT hic Vir infinite propè Lectionis, quippe qui disciplinas omnes in acruum coniecerit utili potius in aliena desidia, quam ad explicatæ doctrinæ decus nobili opere; non multo enim cum sale, & sine ornamento Latinæ orationis, cuncta astricte ordine ita digessit, ut alibi querenda legentibus indicare uideatur: ea uerò quæ, de Principibus ætatis suæ scripsit, tanquam timido ore, carptim enarrata, rerū superiorū haud dubie fidem eleuant, ostenduntq; ea omnino certa ueritatis luce carere, quæ inter adulationem & metū nec præsentis nec futuræ spe laudis intempestiue publicantur. Sed multum herclè debemus ingenuo, gratuitoq; labori, quo hic integritate uitæ uir optimus, delicatis rerū noscendarū cōpēdia demonstrauit;

& Pro:

& Procopium de Persico, atq; Vandalico bello, sincere potius quam splendide conuertit.

## ANTONII GALATHEI.

HIC E' SALENTINO extremo Italiae Angulo, perillustis Medicus atq; Philosophus studia quae sectabatur optimis literis expoliuit, extenditq; ingenium usq; ad poeticam laudem, ob id à Pontano Hermolaoq; grauissime celebratus. Eius extant, praeter Ethrusca carmina, & physicae quaestionis subtiles libellos lapigiae corographice descripta; quae meo iudicio cum antiquis comparanda uidentur: Sed tum cum lepore doctus & urbanus apparuit, quum in curatione podagrae leniendo dolori, eius insanabilis morbi Encomium festiuissime cecinisset.

## LVDOVICI COELII RODIGINI.

HVIVS multa uolumina lectionum antiquarum, quum ingentes uigiliarum opes ostentent, pleriq; admirantur: Sed ea farrago, tanquam ex uetere horreo laboriose affectataq; prolata, delicatis lectoribus quoddam subrancidum oleris uidetur, nullus enim compositi ac illustri styli neruus, tanta in compage conspicitur. Sed cum tamen Patauii & Mediolani cum laude, uel ob id quod egregiam totius habitus dignitatem attulisset, e' suggestu docentem audiuius.

## IACOBI FABRI STAPVLENSIS.

AB HOC homunculo genere, staturaq; perhumili, sed ab ardenti ingenio cum optimatibus haud dubie conferendo, totius galliae iuuentus ad cultarum literarum studia alacriter excitata est. Faber enim ingeniorum appellari uolebat; quum in omni fere doctrinae genere ad docendum aptissimus haberetur. Defuit in eo, dum scriberet, illa Latini Sermonis puritas, quae diu, aut neglecta apud externos, aut parum accurate quaesita, non magnopere feruida ingenia delectabat. Scripsit Commentarios in Astronomicis iuuentuti peritiles, & scholia in Moralem philosophiam perdiscitentibus opportuna; aetate autem confectus, quum sacras literas attigisset à Lutheranae heresis ueneno non procul affuit, ita ut in ea suspicione

senex parum feliciter moreretur .

## ANTONII TILESII COSSENTINI.

HIC Varia tenuiq; materia, & minuto semper lemmate deletatus non ignobilis poetæ nomen tulit, quum in paruis singularis & planè conspicuus esse mallet, quàm in grandi charactere, ueluti unus de populo in turba tot uatum trita, & centies repetita casuentium mediocris, & obscurus. Descripsit enim lepide & diligenter nonnulla curta poemata inexpectati, ac ideo festiui semper argumenti, & in his Zonarium Reticulum quo sacerdotum serica crumena suspenditur, fictilemq; Lucernam, tantum sibi olei, dum Musas coheret exorbentem, & lucentem noctu uolucrem Cicindellam, puerorum lusibus opportunam. Reliquit & Tragediam in qua Danaem, sub auri imbris nomine, cum multo sententiarum uerborumq; splendore expressisse iudicatur: ac item breues Libellos de Coronis atq; Coloribus grammaticis, rei nouitate gratissimos. At Romæ in gymnasio Horatium comiter, & tenerè professus sacerdotium à Giberto promeruit, effugitq; cladem urbis ut in patria non planè senex interiret.

## PETRI ALCYONII.

IS quum duarum urbium suppresso nomine se Hybridam fateatur, diuq; in calethographorum officinis, corrigendis erroribus menstrua mercede operam nauasset, multa obseruatione ad præcellentem scribendi facultatem peruenit. Sed hic partus honos non erat in conspectu, quum nulla ex parte ingenuis, sed planè plebeis, & sordidis moribus fœdaretur; Erat enim impudens gulæ mancipium, ita ut eodem sæpè die bis & ter, aliena tamen quadra cornitaret; nec in ea fœditate malus omnino medicus, quod domi demum in lecti limine per uomitum ipso crapulæ onere leuaretur. Quum aliqua ex Aristotele perperam insolenterq; uertisset, in eum Sepulveda Vir Hispanus egregiè de literis meritis, edito uolumine peracuta iacula contorsit, non herclè indigna tanti philosophi uulneribus, si uindictæ nomine merita poena mulctaretur, tanto quidem eruditorum applausu, ut Alcyonius ignominia dolore miserè consternatus, Hispani hostis Libros in tabernis, ut concremaret, graui pretio cœmere cogeretur. Sed luculento opere de toleranda

da exilii fortuna; ita eruditionis ac eloquentiæ famam sustentabat; ut ex Libro de gloria Ciceronis, quem nefaria malignitate aboluerat, multorum iudicio confectum crederetur. In eo enim, tanquam uario Centone præclara excellentis purpuræ fila, languentibus cæteris coloribus intertexta notabatur. Verum non multo post, confirmatæ suspicionis inuidiam duabus splendidissimis orationibus per egregiè mitigauit, quum in clade urbis uehementissimè inuectus in Cæsarem populi Romani iniurias, & Barbarorum immanitatem, summa perfecti Oratoris eloquentia deplorasset.

### PETRI MARTYRIS ANGLERIÆ.

IS est, qui apud Verbanum Cispalinæ Galliæ Lacum natus, Oceaneas Decades rerum indicarum conscripsit, quum in Hispania ascitus in Regiam Ferdinando Regi ingenii, ac industriæ suæ operam obtulisset. Nactus enim materiam luculento scriptore dignissimam id ingenuè, fideliterq; præstitit, quod mediocris ingenii Vires tulerunt, sic ut ingentis & peramcenæ occasionis augmentum, his præbuisse uideatur, quibus liberales Musæ, ad ornatè, copiosèq; scribendum facultates amplissimas contulerunt. Extat etiam eius legatio ad Campsonem Gaurum Memphiticum Regem suscepta uiriliter, integerrimèq; descripta, quo uel breui opere, sublata demum Sultanorum Tyrannidis, & Mamaluchorum equitum quorum nomen nobis erat obscurius, memoria relinquitur. Sed tum importunè decessit, quum Ferdinandi Cortesii in altero ad occidentem orbe inuento, subactòq; inusitata felicitatis uictorias scripturus esse uideretur.

### GABRIELIS ALTILII.

GABRIEL ALTILIVS In Lucania natus iunioris Ferdinandi Regis præceptor usq; adeo molliter, ac admirande in Elegis, & heroico carmine excelluit, sicuti ex Epithalamio Isabellæ Aragoniæ perspicui potest, ut Pontani atq; Actii testimonio antiquis Vatis æquaretur. Is uirtutis merito, Policastri, ea urbs olim Buxentum fuit, Antistes factus à Musis per quas profecerat, celeriter, impudenterq; discessit, magno herclè ingrati animi piaculo, nisi ad spem non iniuste ueniat ob id culpa tegetur, quod ad sacras literas nequaquam ordinis oblitus tempestiue confugisset. Mortuus

S iii est in

est in sacrata sacerdotii sede sexaginta annis maior, tulitq; Pontanī pietate supremi officii nobile carmen, quod pro titulo urnæ maris morex incideretur.

### MARCELLI VIRGILII FLORENTINI.

EXIMIA huius fuit in blando uultu cultoque sermone suauitas, & quum ē suggestu iuuentutem doceret, aut in corona loqueretur, doctrina multiplex ipsaq; uarietate mirabilis ex eo autem officii munere quod antea Arcini, Poggiique fuerat, ab Epistolis Reipublicæ operam præstabat, & quum suppetret otium tertio muneri uacare erat solitus. Susceperat enim Dioscoridem omnino traducendum, expetentibus Medicis, petebat enim ex eo labore non obscuram laudem, quod in perdifficili herbario negotio ab ineunte ætate accuratissime defudasset: Sed edito opere statim in publicum exierunt, duæ omnino diuersæ interpretationes, altera Hermolai quæ extincta putabatur, altera Ioannis Ruellii Galli à Latini styli muneribus multo maxime laudata. Extat, etiam nobilis oratio in conspectu habita, quum Laurentio Medici Iuniori militaris Imperii insignia traderentur.

### IANI PARRHASII.

HIC Vir honesta familia Cosentia natus, quum ē suggestu, summa facundia Maiestate Latinas literas Mediolani proficeretur, cunctos nostri sæculi doctores, erudito rerum omnium quæ explicaret apparatu, ac una præsertim rotundæ pronuntiationis gloria superauit. Duxerat uxorem Demetrii Chalcondylis filiam, qua felici cognatione & socer & gener mutui suffragatores in scholis utriusque linguæ Imperium tenuerunt, tanta Parrhasii fama, ut Triuultius summæ dignitatis sexagenarius Imperator inter iuvenes auditores conspiceretur. Edidit commentarios in Claudianum, & Nasonis Ibi, recondita eruditione refertissimos. Nouissime autem in manibus erat penè absolutum Volumen de rebus abstrusis per epistolam quaesitis, Sed Mediolano excedere coactus est, quum Ludimagistri Regionum sæpe ab eo reprehensum redarguitq; ac ob id inscitæ pudore decoquentes in eum conspirassent, ita ut lasciuia fabula insubrum auribus grauis excitaretur, tanquam auditores parum pudicè dilectos corrumpere; Verum ab ea futili calumnia, tanquam

tanquàm literarum nomine clarissimus, conducente Leone cum Basilio uxoris fratre in Urbem uenit; Sed tanti suggestus honore diu perfrui non potuit, articulare morbo, membra omnia scruisimè deformante, unde ei maturatus in patriam reditus cum uitæ exitu contigit.

## GEORGII SAVROMANI GERMANI.

HIC In Italia, quum iuris ciuilibus studio operam dedisset, eamq; facultatem sine forensi agitatione parum nobilem, nec fructuosam esse fateretur, ad humaniores literas ingenium traduxit, adeo feliciter, ut duabus Orationibus in laudem Caroli Cæsaris publicatis, totius Academiæ iudicio, Longolio plenior, atq; torosior censeretur. Ob id ciuitate Romana donatus est, egitq; tenerum sodalem apud Academicos, exuta quidem omni uocis, moris, atq; habitus asperitate per aliquot annos, dum minuta Cæsaris negotia procuraret, Leoni, Hadrianoq; & demum Clementi eloquentiæ nomine non ingratus. Sed in tumultu capte urbis ab Hispanis, omnibus fortunis exutus, ne in tormentis expiraret à Germanis ita seruatus est, ut non multo post, crassante pestilentia cum filio, concubinaq; perierit.

## COELII CALCAGNINI FERRARIENSIS.

HIC diu in patria iuuentutem docuit; honestissimo patre, sed incerta matre genitus ab Atestino Principe sacerdotio donatus est, quum secundum, miteq; ingenium, & elegantes mores ad literas attulisset, pronior erat ad Elegos, quandoquidem in pedestri oratione ieiunus, & scaber, & sine dulcedine numerorum affectatus haberetur. Dum enim multa legisse uideri uellet, & plurima docere percuferet in Epistolicis quaestionibus, & titulo inepto; & toties usurpata ab aliis materia nasutos offendit, & bilem mouet nobilibus ingeniis, quum in libros Ciceronis de officiis, inuerecundè prorsus inuehitur, quæ in re à festinante fato beneficium tulisse iudicari potest, quod luculentam Ciceronis defensionem à Maioragio in publicum produncem, & uiuum proculdubio iugulaturam morte effugerit.

## AVGVSTINI IVSTINIANI GENVENSIS.

HIC è Secta Diui Dominici Linguarum uarietate delectatus instrumenti ueteris , nouiq; textus hebraico , græco , & Chaldaeo sermone perscriptos curiosis representauit ; graui quidem sumptu , & tenui cum laude , quum impressa domi præalta uolumina emptores rarissimos inuenirent sic ut temere conceptam spem lucris inanes inite rationes eluserint. Sed factus inde Nebienfis Antistes scribendæ patriæ historiæ negotium suscepit , adeo ineptis ad id ingenii uiribus , ut præcipitata editionis , male audiendo , poenas daret . Nec multo post , quum è Genua in Corsicam incerta adhuc tempestate traicere uellet , in cursu fluctibus obrutus , aut à Pernis prædonibus interceptus creditur , quum nullum usquam naufragii , aut pyratarum prædæ , uestigium apparuerit.

## ROBERTI VALTVRII.

IS Sigismondo Malatestæ Ariminensium Principi Militaris disciplinæ præcepta è Græcorum & Latinorum historiis collecta perscripsit , eo luculentiore , uilioreq; uolumine , quod explicatis ueterum machinarum artificijs totius bellici apparatus instrumenta secundum picturæ imagines legentium oculis subiecerit .

## MATTHÆI PALMERII FLORENTINI.

HVIVS ingenio, & industria Eusebii libro de temporibus addita est coronis . Scripsit etiam historiam Pisanam , atque item poemata Latinis , ac Etruscis uersibus quodam etiam opere Danthis comediam amulatus . Sed id nequaquam prospere successit , quum de Diuinis perperam , incauteq; locutus libro ex theologorum sententia damnato , crematoq; in hæresis Arrianæ suspensionem inciderit .

## IACOBI ANGELI FLORENTINI.

HIC Ptolomæi Cosmographiam ex græcis codicibus , & tabulis diligentissime Lineis ex picturæ dimensione expressam Alexandro Quinto dedicauit , quo munere gentium omnium historiæ ingentem requisitæ lucis splendorem accepisse uidentur , quum narratio



ratio maximarum rerum ferè omnis tanquàm lumine suo orbata , & manca fordescat , nisi positis sub aspectum Regionum tabulis , ex uero situ locorum totius rei gesta notitia , quod est miræ uoluptatis illustretur .

### HECTORIS BOETHI.

QVI à prima origine Scotorum Regum historiam Latine diligenter perscripsit ; passim ueteris chorographiæ memor , & moderatè libertatis nusquàm oblitus , ita ut magnoperè miremur extare de remotis ab orbe nostro Ebridum , & Orcadum insulis mille amplius annorum memoriam , Cum in Italia Altrice ingeniorum tot sæculis post eiectos Gothos scriptores omnino defuerint , tantò quidem publicæ dignitatis detrimento , ut non dispudeat maioribus nostris indignari , nisi satius fuerit amissæ Libertatis obliuisci , quam cum infami quodam pudore calamitatis , ac ignauitæ nostræ uulnera refricasse .

### POLIDORI VIRGILII.

HIC Urbini natus ubi adoleuit optimis instructus literis in Britanniam transiuit , cum antea lepido argumento prouerbia , excepta demum ab Erasmo & eruditissime amplificata publicasset . Is ab hoc Henrico Rege fortunis adauctus , flamenq; Londini creatus conscripsit Historias rerum Britannicarum , ea fide ut Scotis , & Gallis sæpè reclamantibus , alieno potius arbitrio , quàm suo intexuisse multa in gratiam gentis existimetur , quod in recensendis minorum Ducum nominibus , tanquàm gloriæ auidis plurimum indulsit .

### GVAGHINI GALLI.

HVIC , Gallia plurimum debet , sed de fide illi uiderint quorum interest incorruptam rerum memoriam ad posteros transmitti , nam in his quæ ad Italiam pertinent huius tempestatis , usq; adeo insolenter , & pingui stylo cæcutire solet , ut qui nulla orationis ornamenta in eo conspiciunt , passim eius imprudentiam stomachentur .

T MARL

## MARINI BECICHEMI SCODRENSIS.

AB hoc Dalmata non infulse Latino Georgii Castreoti Schen-  
derbechi admirabiles res bello gestas quanquam inusitatis excessi-  
bus perscriptas legimus. Æquauit enim hic Vir amore patriæ, &  
Barbarorum odio à fide procul abductus Epirotæ Reguli uirtutem  
antiquis heroibus, ita ut iustam egregiè factorum gloriam, dum  
suprà æquum in laudes prorumpit suspicione mendacii eleuasse cen-  
seatur.

## IACOBI ZIEGLERI.

QVIS eò Latinas literas quò Romana arma penetrare nequis-  
sint peruenisse non miretur. Hic enim in terra Gotica natus ac  
educatus adeo exactè puriter & facundè, Christierni Daciæ, atq;  
Noruegiæ Regis immanitatem, neq; ipsi sanguinario Tyranno diu  
latam, neq; demum Diis Vltoribus neglectam perscripsit, ut eius  
ditis gentibus pudori esse possit; quod Latinæ facundiæ fruges, sub  
cimmerico cælo penè feliciter ac uberius, quàm sub hac benigniore,  
ac temperiore plaga proueniant.

## PAVLI ÆMILII.

HVNC protulit Verona, Gallia aluit, Ludouicus duodeci-  
mus Sacerdotio in æde Deiparæ Virginis Lutetiæ Parisiorum exor-  
tauit, quod orsus à primis Galliæ Regibus mille amplius anno-  
rum gallicam historiam, laconica tamen breuitate perscripsisset, Sed  
in sacri belli enarratione, quum Gothifredi Bolionis uirtute Hie-  
rosolimæ caperentur, aliquantò luculentius ita se se diffudit, ut me-  
dium iter, non interitura cum laude tenuisse existimetur.

## GERMANI BRIXII.

IS ad Altisiodurum Galliæ oppidum natus in Poëssi Lauream  
meruit, Latino carmine edito, de trium ingentium nauium mis-  
sabili conflagratione, quum dux Britannicæ Gallicam cognomen-  
to Chordigeram; hæc erat inusitata magnitudinis, harpagoni-  
bus comprehensam expugnare niterentur: Sed demum emendas  
tiora

tiora poemata uario titulo publicauit. Inde uero pedestri orationi deditus, transtulit e Græco, uti Lascaris Alumnus decebat, ex Chrysostomo Babylonitam, & libros septem de sacerdotio puritate sermonis minime contemnendos. Senescentem, sed adhuc plane robustum inuasit atrabilis morbus ob id paulatim sauior. atque lethalius effectus, quum ex accumulato multo auro dimidiam fere partem furto sibi subtractam miser sensisset, ut credi par est, a domesticis, quibus nec uitam quidem postea credidit, sic ut in itinere iuxta Ligurim apud Carnutes expiraret.

## NICOLAI TEGRIMI.

IS Lux natus, professione iuriconsultus post Magistratus honestissimo in Italia gestos, Patriam historiam egregia fide perscripsit; & in ea præcipue Vitam Castrucci qui Lux, Pisarum, & Pistorii dominatum tenuit; & magnas Florentinis intulit clades: cuius uiri, si Tyrannidis inuidiosum nomen facesset, inusitata bello uirtus, singulari laude celebranda iudicatur. Sed Macheiauellus Florentinus historicus, patrii ueteris odii memor petulanti malignitate, non interituram memorabilis Ducis famam fabulis inuoluit. quum uitam acerrimi hostis Echrusco sermone scribere orsus, tam impudenti, quam astuto illudendi genere sacrosanctam rerum gestarum fidem corrupcit.

## CAMILLI GHILINI MEDIOLANENSIS.

CVIUS extat liber exemplorum florida per omnes ætates uarietate periuicundus, ac ipso penè Valerio Maximo argumenti hilaritate festiuor. Ea rerum exempla diligenti, grauique studio collegerat Baptista Fulgosius gentilium suorum Perfidia Genæ principatu delectus, sed quoniam Latine orationis facultas minime superpetere, ea materno sermone perscripserat, ut aliquantisper post ab hoc Ghilino Latine uerteretur. Fuere qui existimarent à Iacobo patre id opus longo uigiliarum labore compositum in quotam hereditatis partem obuenuisse filio adolescenti, studiosoque liberali quidem indulgentia beneuolentissimi patris, quum in eo eruditi ingenii certa indoles emereret, qua uel alieni operis oborta suspicio præclare disscuti posse uideretur. Erat enim Camillus in grauissimis Legationum muneribus ob industriam cum summa fide, prudentiaque cons-

T ii iunctam,

iunctam, diu uersatus, ita ut excitatæ fabulæ famam ridendo dilueret, & perurbanè se ab hoc furti genere non abhorretere fateretur, quando iure damnari non posset amore incensus adolefcens, si quid opulento patri arguta manu surripiat; Periit in Sicilia apud Carolum Cæsarem Francisci Sfortiæ Legatus, quum debellatis ad Tuncum Barbaris, Augustus Victor ad Triumphum in Italiam reuerteretur.

## IOANNIS REVCLINI GERMANI.

HIC est ille Capnionis cognomento è patria lingua in Græcam uerso, ne Latine fumus cuaderet, Germanorum ætate nostra clarissimus, qui inusitato fretus ingenio, Græcas, ac Hebraicas, atq; item Latinas literas in Germania pari felicitate propagauit. Quum arcana Hebræorum confirmandis Christianæ legis Præfatus diu in lucem proferret, effectricemq; mirabilium operum Cabalæ disciplinam apud ualida, atq; expedita ad perdiscendum eius gentis ingenia profiteretur. Extat eius liber de uerbo mirifico, & de Cabalæ scientiæ placitis, eloquentia illustri ad Leonem Decimum perscriptus. Circunferuntur etiam præter grauiores libros, quanquam suppresso nomine, ex eius officina obscurorum uirorum epistolæ, admirabili facetiarum lepore conditæ, quibus ad excitandum risum cucullatorum Theologorum ineptissimè, atq; ideo ridiculè latina lingua scribentium, stylus exprimitur. Vlciſcebatur enim infestam nomini suo turbam, iucundissimo satyræ illudentis genere, quum maligna cucullatorum conspiratione tanquam iudeis parum æquus hostis, ac ex animo planè recutitus impietatis accusaretur, hic liber auidè coëmptus, & euulgatus, adeo grauius calumniatores eius ordinis perculit, ut coniurationis Princeps Hostratus lethali dolore sauciatus interierit, & reliqui astuantes à Leone suppliciter intrarint, ut edicto diuendi, atq; imprimi uetaretur, sed edicti maiestate Reuclinus falso ingenio ludificatus secundū epistolarum uolumen tanquam ex titulo minime uetitum, altero quidem aculeatius impressoribus tradidit, ita ut cucullati miserè cum hydra luctantes, animos in ea lite desponderint. Hostrati autem Tumulo hoc nobile Carmen, Capnionis puer affixit.

*Hic iacet Hostratus, uiuentem ferre patiq;  
Quem potuere mali, non Potuere boni.*

Crescite

*Crescite ab hoc Taxi, crescant Aconita sepulchro  
Ausus erat sub eo, qui iacet, omne nefas.*

## IOANNIS DE MONTE REGIO GERMANI.

**H**VNC enim unum admirabili solertia diuini ingenii Astro-  
nomorum omnium qui hactenus floruerunt praestantissimum uene-  
ramur, quum decimam sphaeram totius caelestis globi supremam,  
inclusasq; diurna rotatione rapientem, certissima supputatione si-  
bi, & posteris inuenerit; hac ipsa aedepol gloriosa sapientiae palma,  
Thalete, Eudoxo, Calippo, Ptolomaeoq; ipso, tantae scientiae cons-  
ditore, ac Alfragano, nobilior. Extant eius subtilissima Commenta-  
ria in Almagestum Ptolomaei, & Mathematicae ratiocinationis ex-  
actus, atq; perutilis liber de Triangulis. Ab hac commendatione  
eruditi nominis creatus est à Xysto Quarto Ratisponensis Episco-  
pus, accitusq; Romam, ut annum ex uetusta intercalatione fastis  
minimè respondentem ad statas ex cursu lunae Pascales cerimonias  
reuocaret; Quod confici posse uidebatur, subductis semel aliquot  
diebus Martio mense, qua una ratione, mille & quingentorum an-  
norum excessus in cursu syderis non planè sensilis, toto demum cus-  
mulo deprehensus, emendatissime tolleretur. Sed crassante in urbe  
pestilentia fato surreptus, quod maximè cupiebat, praestare non  
potuit.

## LVDOVICI VIVES VALENTINI.

**H**IC quanquam ducta uxore apud Belgas liberis operam da-  
ret, sacrarum tamen literarum studia egregio digna sacerdote com-  
plexus, adeo profecit, ut Diui Augustini librum de Ciuitate Dei  
luculenta commentatione adiecta, religiose admodum illustrarit,  
quum publicè auctus stipendio liberales artes profiteretur legendaq;  
posteris multa uolumina perscriberet, nondum senex fato functus  
est, Brugis quod est Emporium Gossoriaci littoris, prosequentibus  
magno luctu amissi Praeceptoris memoriam Belgis omnibus, sed ma-  
ximè ciuibus Hispanis, quod eo doctiorem in Hispania superesse  
neminem faterentur.

## COSMVS PACTIVS.

COSMVS Pactius ex amita Leonis Decimi genitus nobili uir ingenio, elegantiq; doctrina præditus, quum esset Florentinus Archiepiscopus Maximum Tyrium Platonica sectæ Philosophum è graeco in latinum scitissime uertit. Nec in eius ingenui muneris labore cessaturus uideri poterat, tanquam uirtutis, & pietatis amore flagrantissimus, nisi importuna mors, uix dum Leone auunculo ad Pontificatum prouecto & optimorum consiliorum studia, & paratæ purpuræ honorem intercepisset. Hæc subinde studia Alexander germanus frater, diuerso nec utiq; multum felici itinere secutus est. Ad scribendas enim Tragedias ingenium appulit, cruditum hercle; sed aliquantò quàm cothurnatum Poëtam deceret aridius, quod etiam & gracilitas ipsa totius habitus, & angustæ uocis exilitas, ex uiuentis fronte promitterent. Poëticam autem Aristotelis non inceptè uti difficilem in latinum uerterat. Ob id tanquam ex concessa artis ratione Tragediis incumberebat, uerum adeo intemperanter, ut Græcas & ex his præsertim Iphygeniam in Latinum pariter, & Ethruscum carmen uertendo, propriæq; inuentionis alias effundendo, quæ in theatris agerentur, intentæ libidini uix modum imponeret, quanquam ab Ethruscis histrionibus repudiarentur, qui exhibantis populi iudicium maximi instar periculi omnino fugiendum existimabant, quod ea poemata uersibus constarent pede uno longioribus, ex noua scilicet, ac ob id insolèti nostris auribus Græcorum imitatione, quæ numero, & modo prorsus in faceto tanquam enormis, nusquam nisi Græcissantibus arrideret. Iure itaq; nouæ inuentionis exemplar, nemine imitante, apud ipsum authorem stetit, atq; consenuit. Vsq; adeo difficile est, obsoletis nitorem, & nouis authoritatem feliciter attulisse.

LV BET

V B E T postremo desiderare quorundam externorum imagines Germanorumq; præsertim, quum litteræ non latinæ modo cum pudore nostro, sed Græcæ, & Hebraicæ, in eorum terras, fatali commigratione transierint, ita ut eorum qui iam fato functi, cæteris clariores euaserunt, ueras imagines à uiuis, & pari laude florentibus, efflagitare non dubitem, quando id ab humanissimis, nisi uiolato Musarum sacramento, frustra expectari minime possit. Quis enim nisi planè barbarus, & impius, uel exiguam laudem sine piaculo defunctis inuiderit, quanquam ex peculiari sua ingenii fecunditate nullo æuo perituris? Pertinet hercle in quota parte ex optatæ laudis, ad producendam uitam, in albo, atq; ordine præcellentium hominum recenseri, agnosciq; item ex uera oris effigie, ostendiq; posteris in perstricta nec inuiti editorum operum censura, unde nouam nobilitatem, ueluti liberali nec sperata quadam ad optione, ad cumulatum decus induerint. Emicuit dudum perillustis eruditio in Ioanne Oecolampadio, sed profectò clarius, & luminosius illuxisset, nisi eam diræ hærescos maculæ defecderant, dum enim Theophylactum maligna prauaricatione, quadam omitendo traducit & Christianæ hostiæ sacramentum repudiat, Rosphense Britanno seuera manu iugulante, redargutus concidit. Eadem ferè nouæ sectæ libido Zuuinglum in sacris literis apud Heluetios clarum cruento exitu præcipitem dedit, facundia siquidem pestilenti, ac impiis concionibus quum Ciuitatem Heluetiorum, diductis in contraria studia simplicissimis, & militaribus populis, ad tuas cedes concitasset, in acie trucidatus occubuit, ita ut nefariæ te meritatis poenas, Deo maximo iudice dedisse credatur. Contigit & honestissima laus ex studio nobilium literarum Bilibaldo Nurimbergensi, cuius extant nonnulla opera ex Gregorio Nazanzeno pie translata, & Cosmographiæ liber ex Ptolomæo accuratius quàm antea traductus, & totius Germaniæ Urbium descriptiones, eruditam lucem obscuris regionibus afferentes. Quis Vadiano ex Sancto Gallo Heluetiorum insigni Pago, nouæ, atq; utiustæ Cosmographiæ curiosus, gratias non ager? quum Libellum Pomponii Mellæ perutili commentatione, ex breui & obscuro, magnum illi strenq; reddiderit. Miramur quoq; diligentiam laboremq;, uiro Regia in aula conspicuo longè honestissimum, Cuspiniani Viennensis, à quo ciuili quadam facundia Germanorum, & Bizantiorum Cæsarum Imperia, propinquitates, stemmata, mores, atq; exis-

tus referuntur. Viget apud nos eruditi nominis autoritate Cop-  
pus Basiliensis ab exacta doctrina feliciq; artis industria medicus,  
Francisco Galliar Regi, magnopere, repetita saepe memoria, desi-  
deratus. Suspiciamus etiam ingenium Conradi Goclenii, uertendi  
Græca, docendiq; facultate, apud Belgas, magnopere celebratum.  
Venerantur iureconsulti nostri Zasium ex harudum Constantia  
humani iuris intelligentia, cum exactissimis scriptoribus conferen-  
dum. Floret adhuc apud nos prædulcis, & grata memoria Beati  
Rhenani, ex eius enim ingenii liberalitate, officinaq; libraria, opti-  
marum literarum magnas opes ad nos peruenisse conspiciamus. Sunt  
etiam in celebri fama Camerarius Græcæ, atque Latine linguæ ita  
peritus, ut scribendo pernobilis Ciceronis inuitat equalerit, & Co-  
pernicus absolutæ subtilitatis Mathematicus, atque item Albertus  
Crantius, qui Danorum, & Suecorum Regna ad extremum Bos-  
realem Oceanum, nostris obscura facundissime descripsit. Sed qua  
demum ueteri sodalicio digna pietate, imaginem tuam, ut Elogio  
nostro coronetur expectauimus, Vrsine Gaspar Vindelice, paucis  
ante annis morte præpropere nobis erepte & nobiles enim Poetas  
læto carmine, Historicos uero styli grauitate, superabas: Sed in  
cumulo honestissimæ laudis uti integer uitæ, scelerisq; purus, trans-  
quilli animi probitate periculosi officii munus feliciter adimplebas,  
quum Maximilianum summæ indolis adoleferentem Ferdinandi Cæ-  
saris designati, filium, patrui fortuna dignissimum, perfectis mori-  
bus, ac literis erudires. Sed cur reliquos enumerare non desino,  
postquam inanis spei uotum, infinitus eruditorum numerus inter-  
rumpit & offertur enim latissima seges, ab ipsa mirabili Germanici  
cæli fecunditate. Occulta herclè syderum commutatione euenisse  
arbitramur, ut illud cælum, celestis Boreæ flatibus frigore geluq;  
damnatum, horrida dudum torpentiaq; ingenia mollicrit, ac exci-  
tarit. Neq; enim contenti sua uetere militiæ laude, qua Martium  
decus Romanis Gentium uictoribus ereptum stabili disciplinæ se-  
ueritate feliciter tuentur, ipsa etiam pacis ornamenta literas, optis-  
masq; artes decoquenti Græciæ, ac Italiæ dormitanti (quod pus-  
deat) abstulerunt. Patrum siquidem nostrorum memoria Architec-  
tæ in primis, ac exinde Pictores, statuarii, sculptores, Mathema-  
tici, & perargute manus artifices, ac item Aquileges, septempeda-  
riiq; mensores, e Germania petebantur. Nec mirum quum antea  
inuisitata, & portentosa inuentionis, areas formas excudendis li-  
bris, & formidanda bello atrea tormenta nobis attulerint. Sed  
hac



hæc infesti sæculi fortuna , non usq; adeo illis benigna mater , & nobis immitis exitit nouerca , ut nihil omnino ex pristina hæredis tate reliquerit . Tenemus enim adhuc ( si fas est uel modeste gloria ri tota penè libertatis possessione spoliatis ) synceræ , & constantis eloquentiæ munitam arcem , qua ( si castis Musis placet ) ingenuus Romani candoris pudor , aduersus externos , inexpugnabilis conseruatur , atq; defenditur . In hac enim statione ad perenne decus , optimo cuiq; cui intente uigilandum erit , ut Bembo Sadoletq; signiferis quod reliquum est è tanta maiorum substantia , generose tueamur ; Quanquam inani miseriarum nostrarum solatio , postquam non iniquo iure apud nos conuulsa libertas interiit , qua una proculdubio altrice studiorum , bonas artes excitari , propagariq; conspiciamus .

V V M iam confecto priore uolumine , quo fato  
 q functorum imagines continentur , ad secundum non inuita Minerua peruenerim ( id enim de uiuis erit ) censuræ periculo grauius quidem , sed ingeniorum illustrium religiola commendatione iucundius , operpretium existimaui , eorum nomina profiteri , quorum tabulæ pictæ in nostro conclauī immortalibus dicato spectantur . Sit hæc enim delectæ sedis , & instituti operis certa nuncupatio , ut uel hinc uiri elegantes , tanquam arridentis augurii lato omine accepto , suorum ingeniorum monumenta ad posteritatem æterna prospiciant , nec ideo grauate morem gerere uelint , honesta mihi pariter ac ipsis , & deniq; grata omnibus expetenti . Appello enim eos , qui literarum amore uoluptates abdicarunt , & bona spe diuturnæ laudis aluntur , num laudari uel à mediocribus poetis , ineptum putent ? Superbe quidem insaniunt si alienæ liberalitatis munera fastidiant . Idcirco mihi satis fuerit Italos blandè , ac humaniter admonuisse , neq; enim eos adeo austeros , & illiberales fore crediderim quin imagines scite pictas ad Musæum minimè transmittant . Quid enim  
 V inuere

inuerecundius, ne dicam agrestius admitti poterit, quàm ab exemplo tot insignium uirorum omnino discesse, qui hoc erudita benignitatis officium latissime præstiterunt: Quam ob rem annotata nomina subdidimus, ut qui absunt certam sedem benignè sibi relictam intelligant; si in hac florida, ac immortali corona, conspici deorum existimarint. His equidem ingenuis lusibus nostris, primos uigiliarum suarum fructus prædulci libatione degustabunt. Quid enim uiuenti, ac utiq; de ingenii uirtute benemerito, beatius accipere potest, quàm representata alieni iudicii testificatione gloriam præsentire? Quid porro latius, atq; iucundius, quàm interesse posteritati suæ, & deniq; fati inuitis mortem non timere? quam nemo nisi anxius ante ipsam inuidiæ laceffentis euentum, non timuit.

Nomina eorum qui adhuc uiuunt & præclara fecundi ingenii gloria perfruuntur, hæc sunt. Imagines autem eo seriatim ordine sedem obtinent, ut dignitatem omnem uel fortunæ uel generis, ipse unus ætatis honos anteccedat.

• Nomina eorum, qui in tabulis habentur.

*Petrus Bembo Cardinalis*

*Baptista Aegnatius*

*Iacobus Sadoletus Cardinalis*

*Georgius Trisſius*

*Hieronymus Fragaſtorius*

*Hieronymus Vida Episcopus Albanus*

*Ioannes Pierius Valerianus*

*Romulus Amaſæus*

*Andreas Alciatus*

*Marcus Antonius Flaminius*

*Philippus Melancton*

*Ianus Vitalis*

*Reginaldus Polus Cardinalis*

*Daniel Barbarus*

*Antonius Mirandula*

*Philander Gallus*

*Honoratus Faſtellus*

*Baſilius Zanchus.*

Sed qua spe alienæ benignitatis munus expectauerim? quum hæc nostra cupiditas ad externorum imagines extendatur, nisi uiri nobiles adiutent, honestisq; uotis arideant. Nulla enim res est uel non planè ardua, quæ illustri patrocinio non indigeat, ut rectè, matureq; perfici ac impetrari possit. Rogabo itaq; ueteres patres nos in Prouinciis dignitate, atq; opibus præcellentes, sic ut eos etiam pie obtester per communia Musarum sacra, ut hoc officium expedire, ac liberaliter præstare uelint. Quid enim non præstæbunt sacri Proceres, qui se alumnos, amatoresq; Musarum professi nunquam ueræ gloriæ nomen contempserunt? Ita ut uel abul tima Sarmatia, qua latinæ linguæ septa Roxolanorum niuib; terminantur, mihi minime defuturum sperem Ioannem Dantiscum Varmiensem Episcopum, qui multis legationum functus honoribus, & Poëtica Lauri coronatus, suæ gentis nobilitatem ad eandem laudem accendit, ad quàm præclare aspirant Philippus Padnæuius, Martinusq; Cromerius. Nec in hoc ædipol crudito munere collocando suspensè cunctabitur generosus ille Musarum hospes Otho Truchses Germaniæ decus, & sacri Senatus ornamentum, Quum eius explorata liberalitas neq; usu consenscat, neq; præterita existimatione satietur, nec aliud quicquàm nisi extra inuidiam positum, perenneq; respiciat, Nec id herclè mirum, postquàm ille alioqui multis importunus maturatæ purpuræ splendor, nec perstrinxerit oculos, nec memoriæ neruos eliserit, nec quicquàm de synce ro, nobiliq; pudore uel leuiter inumbrarit. Patescit enim innatæ uirtutis studia in hoc dudum apud Vangiones conuentu longè grauissimo, quum summa autoritate præses, ideoq; Reipublicæ causa uehementer occupatus, omnes numeros perfectæ uirtutis expresserit: ita ut ab eo iam non paucos quidem, sed ex feraci ingeniorum Germania, integram per imagines lectissimorum uiro rum cohortem expectem, in qua inter tantos Græcorum authorum inter pretes, diuinarumq; rerum scriptores inclytum Poëtam Georgium Logum, fodalem meum, si ita fas est, cum Laurea signiferum exoptarim. Nec Thomam quoq; Nadastrum qui unus in Pannonia pari studio Martis, & Palladis antiquum decus tuetur, quenquàm omnino prætermittendum ex his arbitror, quos intestini, ac externi belli calamitas reliquos fecit. Iam pridem enim amisimus sacri ordinis Antistites literarum, atq; uirtutis studio præcellentes Ioannem Pannonium æterno poëmate edito stabili fama commendatum, & Philippum Moræum Strigoniensem Mugaciana acie à barbaris in-

V ii terfectum,

perfectum, & quos nuper non fera dies nobis eripuit ueteres amicos pietate, ac altitudine animi, latinaq; facundia illustres, dum tota Europa maximas legationes obirent Stephanum inquam Brodericum Vaccensem Francapanem Agriensem, & Statilium Albæ Iuliæ Dacorum sacerdotio insignem. Sed Florentissimi pauloante Regni profectio miseret; tanquam subacti, ac in fœda seruitute plane mericantis, quum in eo egregia illa, ideoq; non temere formis data barbaris, ueterum militum soboles interierint, extincto nimis rum Matthia Rege, cuius summæ uirtuti nusquam Fortuna defuit, pudore ingentis animi uicta, scilicet ut mox indignata imbelles firmissimi Regni dominos, uti suo more instabilis non iniquo iure rebellaret. Hæc eadem pari incurfu Dalmatas afflixit, apud quos ualida ad capeßendam ex literarum studiis laudem, hæc atate ingenia floruerunt, sed ab assiduïs Barbarorum incurfionibus exturbati uetere agro, ac in extremas patrii littoris margines compulsi, tanquam de retinenda libertate desperantes, artius literas commutasse uideri possunt, sic ut nemo dignus elogio comparereat, nisi in lucem studiosè producat ciues suos Tranquillus Andronicus præclarus Ciceronis amulator, dum grauissimarum actionum ac Othomanicæ legationis, obscurorumq; nobis itinerum commentaria perscribit. Belgarum porro ingenia mihi herclè diligenter excudet, & bona fide recensabit, oraq; delectorum, ni fallor crudite picta benignè largietur, Antonius Peronctus Atrebatensium Antistes, modo ei adeo grauius maximis officiis occupato, hæc ardens conficiendæ publicæ pacis cura, excolendis Musis otium relinquat, quod certè necessario somno subtraçturum crediderim, quum iam pondera consiliorum ingentium ex sinu Cæsaris, nimia planè uel importuna fatiscens senis patris humeris, pie subeundo nauiter excipiat. Sed ualebit opinor Erasmi uiri summi præceptorisq; memoria, quum discipulorum eius insignis globus passim occurret Petro Nanio duce, quo optimarum literarum professore, Louanienfium Academia gloriatur. Quam in re se monitorem occupato Peroncto, facile præstabit Cornelius Cæpterus cruditi iudicii pondere, & in tantis legationibus, ac illius stri totius Europæ peregrinatione celebratus. At non hæc quoque speraucrim ex opulenta Gallia, quæ uariæ, & inconditæ Doctrinæ accruos aliquandiu mirata, nunc primum quid sit illud existimium in literis, & perillustre decus intelligit, repudiataq; barbarie,

rie, ita latinæ orationis puritate delectatur, ut siquid manes omnino sentiunt, Budæum pariter, ac Erasimum miserè pudeat, adeo agresti, & senticosa uia laudem uigiliis parem omnino quæsiuisse? Aspirabit utique nobili uoto luculenter Ioannes Belaius præclaro uetustæ familiæ, ac insitæ uirtutis nomine Parisiorum Antistes, & bis merita purpura Senator amplissimus. Quid enim amico ueteri crudita præsertim idcirco? minimi sumptus munera cupienti non tribuet? qui perenni studio Græcis, atque Latinis Musis sacra facit, qui ingenia fouet, producta? in Regiam eruditi Principis liberalitate, protinus exornanda in luce constituit. Huic igitur non immerito uiri doctissimi morem gerent, benignæq; docta ora pictoribus præbebunt, ipse? ante alios Perionius uel religionis amore sacratis inclusus septis, qui Aristotelem Ciceronis ore loquentem fecit, Dum Strebeum pari æmulatione conspicuum glorioso certamine superare contendit. Quid non tribuet sodali Danæus; qui Budæi præceptoris imaginem huc usque transmittit, uir herclè summa eruditione, Romanoq; iudicio insignis, a quo propediem absolutæ felicitatis partem expectamus. Nec puto Lazarum Baiphium libris de re uesciaria naualiq; percelebrem, & Guliermum pellicerium explicato totius rei herbariæ negotio, publicæ utilitati consulentem, quicquam uetere amicitia indignum admisso. Nec desiderio meo prorsus illudet ipse Castellanus præcellentis doctrinæ merito perpetuus Comes ascitus Regi, ut inter molissima Cornæ tempora rerum omnium origines, & euentus infinite Regis memoriæ recondenda repræsentet. Consequens & hos Tusanus in rei literariæ substantia Budæi præceptoris astutus hæres, quum id tantum adierit, quod certum, & salubre uidebatur, totam autem parum comptæ elocutionis intemperiem effugerit. Nec ab his uestigiis longè aberunt Poëta duo planè luaues & teneri, Salmonius Marinus, Nicolausque Borbonius, & Regius qui pedestri oratione poëtarum honoribus adequatur. Postremo & ipse Vatablus, quam in celeberrimo Gymnasio plenis subsellis superbus, suam uel hæbraica duritie non planè faceti oris effigiem denegabit. Sed ad quem modo confugiam qui in Hispania præcellentium ingeniorum delectum habeat, ac eleganti uiro dignum huius non indecoræ liberalitatis officium præstet?

inter multos hercle qui seuerioribus diuinarum rerum, ac humana-  
rum studiis dediti, tanquam Reipublicæ priuatæq; maxime utiles  
iudicantur, rari occurrunt, elegantium literarum ornamentis insi-  
gnes, quod hic omnis Latine scribendi lepor, à parum grauibus  
inani ambitione quæsitus, nulla omnino subsidia seriis facultatibus,  
sed impedimenta nonnunquam asserre uideatur. Qua de causa  
quum uigente adhuc seniorum opinione ipsi etiam totius Hispaniæ  
Proceres, hæc studia tanquam importuna militiæ penitus abdica-  
rent, hic excellens cultus quo disciplinæ omnes exornantur aliquan-  
tò serius quam alias in terras, in Hispaniam peruenerit; ita, ut hæc  
terra alioqui rerum omnium ferax, acerrimorumq; in primis, &  
sublimium ingeniorum alitrix, quæ tot nobiles æternosq; Poetas,  
ac oratores Romanæ Ciuitati quondam inseruit, hoc toto, quod  
suspiciamus, illustris eloquentiæ honore, penitus orbata censi pos-  
sit. Agnouere tamen nonnulli maiorum incuriam, Nebrissa moni-  
tore, ingeniæq; sua ad hanc laudem feliciter extulerunt, in quibus  
per emicuit Garcias lassus, Horatiana suauitate odas scribere so-  
litus, sed cum generose ad fastigium euadentem, dum alteram mi-  
litiæ laudem ardentem appetit mors acerba elusit, & casu quidem  
ignobili, quum ad aquas Sextias ex Turricula ab agrestibus lapide  
caput ictus spectante Cæsare concidisset. Sed hodie procul dubio  
Ioannes Sepulveda Cordubensis, ipsam eximia laudis arcem obti-  
net, qui Græcæ peritus lingua, & scientiarum propè omnium ua-  
lidis instructus præditiis, dum assidue, atq; ideo feliciter stylum  
exercet, eloquentissimus euadit. Huic autem proximum accedere  
audimus. Martinum Silicæum Carthaginensem Episcopum, qui le-  
ctissimis moribus ac literis, uiriliq; ingenio & casta facundia, dum  
Philippum Cæsaris filium persanctè & solerter edocet, optimum  
Principem ad paternum decus, & ad Regni felicitatem instituit.  
Reliqua porro ingenia quæ fecunditatis egregiæ aut maturæ fru-  
gis specimen præbent, indicaturum scitè atq; fideliter crediderim  
Franciscum Mendocium Cardinalem, quem accipiendis de manu  
summi Pontificis solennibus Senatoriæ dignitatis ornamentis pro-  
pediem expectamus. Hic enim supra generis antiquum decus,  
amplissimam ex optimis literis laudem spectat, potiturq; iam par-  
ta ex his studiis insigni gloria. Quæ nixa ueræ uirtutis radicibus  
nunquam deflorescet. Ea Porro ingenia, quæ ultima terrarum Lus-  
itania ad Oceanum nobis abscondit à Michaële Syluio Cardina-  
le non diu quidem expectabimus is enim à uaria doctrina Poëta  
cultissimus,

cultissimus, ac omnis elegantie iucundus arbiter, studia nostra vehementer amat, & laudat; patrię decoris planè cupidus, supra reliquos animosę gentis honores, hoc literatę laudis nomen, tanquam non postremę, si non summę glorię, minimè contemnit. At quid postremo ab ultima Britannia expectauerim? nisi lugubres fortasse imagines: quum ibi, optimi pauloante Regis importuna crudelitas, æternę laudis proceres excisa planè uirtute sustulerit.

# FINIS.

Postquam relegit omnium  
 Prouinciarum IOVIS intimos lares,  
 Nec instituta substitit  
 Vita, uel alto territus montis iugo;  
 Hinc diuidentis Italos,  
 Illinc Hiberos Bellicosa Gallia:  
 Vel æstuosis Adriæ  
 Illinc procellis, hinc profundis fluctibus  
 Turbatus Inferi maris:  
 Sed inter acris euagatus milites,  
 Interq; rauca cornua,  
 Et fusa uictorum hinc, & hinc cadauera  
 Non otiosa indagine  
 Tot inde retulit libros annalium:  
 Mox utriusque littoris  
 Ora remensa, diligens felicibus  
 Piscator inde retibus,  
 Auara quicquid ante Neptunni manus  
 Celauerat nobis, tulit.  
 Nunc inquietus patre deductus Ioue,  
 Animusq; terre stribus  
 Non rebus explendus, uelut celeri Noto  
 Elatus, ubi coelestibus  
 Explere sese latius potest:  
 En aureo promit pemu,  
 Quantum supremo Iuppiter magnus polo

Pulchri

Pulchri recondit: & quia  
Numquam moueri coelites queunt loco,  
Vt sustulit fati dies,  
Veras recepit singulorum imagines:  
Quas dedicata Apollini,  
Musisq; Larum coeantibus lacum,  
Beata continet domus,  
Has si uidere longa te uetat uia,  
Aut morbus, aut senium graue,  
Præfens libellus indicabit aureo  
Quous monili carior.  
Vos hinc remordet, illa si cura, arduum  
Tentate coelum posterì.  
Quod summa uirtus sola dat recludier:



# INDEX ELOGIORVM.

## A

Albertus Magnus	fo. 5
Ambrosius Monachus	9
Antonius Panhormita	10
Antonius Campanus	15
Argyropylus	18
Antiochus Tibertus	32
Alexander Achillinus	36
Antonius Nebrissenfis	40
Aurelius Augurellus	42
Andreas Maro	44
Andreas Mattheus Aquaiuius	45
Andreas Naugerius	48
Albertus Pius Carpenfis	52
Egidius Cardinalis	53
Augustinus Niphus	58
Antonius Tibaldeus	59
Albertus Pighius	66
Antonius Galatheus	70
Antonius Tilefius Cossentinus	70
Augustinus Iustinianus Genuenfis	72

## B

Boccacius	7
Bartholus	7
Baldus	8
Bessanion	16
Bartolomeus Cocles	33
Bernardinus Corius	36
Baptista Mantuanus Carmelita	38
Bernardus Bibienna	40
Balthasar Castelio	47
Baptista Pius	64
Benedictus Louius	66

Bartolomeus Facius	6 8
Bernardinus Iustinianus Venetus	6 9

# C

Callimachus	2 7
Christophorus Longolius	4 2
Camillus Quernus Archipoëta	5 1
Christophorus Persona Romanus	6 9
Cœlius Calcagninus Ferrariensis	7 2
Camillus Ghilinus Mediolanensis	7 4
Cosmus Pactius	7 5

# D

Danthes	6
Donatus Acciaiolus	1 2
Domitius Calderinus	1 4
Demetrius Calcondiles	2 0

# E

Emanuel Ghrifoloras	1 6
Elifius Calentius	2 9
Eraſmus Rotherodamus	5 9

# F

Franciscus Petrarca	6
Flavius Blondus	1 1
Franciscus Marius Grapaldus	3 8
Franciscus Arfillus	6 5

# G

Georgius Trapezuntius	1 7
Georgius Merula	2 4
Galeottus Martius	2 8
Guido Poſthumus	4 3
Gulielmus	

Gulielmus Budæus	61
Gaspar Contarenus Cardina.	62
Guarinus Veronensis	68
Georgius Valla Placentinus	69
Georgius Tiphernates	69
Gabriel Altilius	71
Georgius Sauromanus Germanus	72
Guaghinus Gallus	73
Germanus Brixius	73

## H

Hermolaus Barbarus	23
Hieronymus Sauonarola	27
Hercules Strozza	33
Hieronymus Donatus	35
Hieronymus Aleander	61
Henricus Cornelius Agrippa	63
Hector Boethus	73
Hadrianus Pontifex	82

## I

Ioannes Scotus	5
Iacobus Card. Papiensis	14
Ioannes Lascaris	21
Ioianus Pontanus	30
Ioannes Cotta	34
Iafon Mainus	41
Ioannes Marius Catanæus	49
Iacobus Sanazarius	50
Ioannes Manardus	50
Ioannes Franciscus Picus Mirandula	54
Ioannes Ruellius	58
Ioannes Tortelius	68
Iacobus Bracelius Lygur	69
Ioannes Simoneta	69
Iacobus Faber Stapulensis	70
Ianus Parrhasius	71

Iacobus Angelus Florentinus	72
Iacobus Zieglerus	73
Ioannes Reuclinus Germanus	74
Ioannes de monte Regio Germanus	75

# L

Leonardus Arcinus	8
Laurentius Valla	10
Leo Baptista Albertus	22
Laurentius Medices	22
Laurentius Laurentianus	31
Lañcinus Curtius	37
Ludouicus Ariostus	52
Leonicus Tomarus	57
Lampridius	62
Ludouicus Cælius Rodiginus	70
Ludouicus Viues Vallentinus	75

# M

Musæi Descriptio	1
Marullus Tarchaniota	19
Marcus Musurus	20
Mirandula	25
Marfilius Ficinus	28
M. Ant. Coccius Sabellicus	31
M. Ant. Turrianus Veronen.	37
M. Antonius casa noua	47
Marius Molfa	65
Maphæus Vegius Laudensis	67
Ioannes Tortelius	68
Marcellus Virgilius Florentinus	72
Martinus Becichemus Scordensis	73

# N

Nicolaus Perotus	13
Marcus	

Marcus Mufurus	2	3 0
Nicolaus Leonicens	2	4 3
Nicolaus Macchiauellus	2	5 5
Nicolaus Tegrinus	2	7 4

O

Ordines Imaginum	2	4
	2	
	2	

P

Pogius	V	8
Petrus Candidus December	2	1 1
Philelpus	2	1 2
Platina		1 3
Petrus Leonius		2 3
Politianus		2 4
Pomponius Latus		2 6
Pandulphus Collenucius		2 9
Philippus Beroaldus		3 2
Petrus Crinitus		3 5
Petrus Pomponatius		4 4
Petrus Grauiua		4 6
Pomponius Gauricus		4 6
Philippus Decius		5 5
Petrus Paulus Vergerius		6 8
Petrus Alcyonius		7 0
Petrus Martir Angleria		7 1
Polidorus Virgilius		7 3
Paulus Æmilius		7 3

Q

\*

R

Rodolphus Agricola		2 1
Roffensis Cardinalis		5 7
Rutilius		7 0
Raphaël Volaterranus		6 9

Robertus

Robertus Valturius

4  
3  
2  
1

S

T

O

Thomas Aquinas.

Theodorus Gaza

Thomas Linacrus

Thomas Morus

P

V

Z

*Series Chartarum.*

A B C D E F G H I K L M N O P Q R

S T V X Y Z A A B B C C.

- Duerniones omnes, prater CC qui est Ternio.

Venetis apud Michaëlem Tramezinum.

M D XLVI













